







X
41.20.H

CHRISTOPHORI MARCEL
LI PATRITII VENETI AR
CHIEPISCOPI CORCYRAE
EXERCITATIONES
IN SEPTEM PRIMIS

S. PSALMIS. *orig. hic*



n. rone

BIBLIOTHECA NAZ.
ROMA
VITTORIO EMANUELE

P. Cursii, C. Romani.

Quæ cecinit pastor uelato carmina sensu
Nunc tandē a Veneto præfule lumē habent.
Innumeri hæc fateor uoluerunt mystica lector,
Sed bona pars sensus non habuere suos.
Ast nunc is psalmis nitor, ut tua perfida corda
Ad pia iam possis uertere uota Luther.

2

AD SANCTISS. AC CLEMENTISS. DOMI
NVM.N.D.ADRIANVM DIVINA PRO
VIDENTIA PAPAM. VI. CHRI
STOPHORI MARCELLI PA
TRITII VENETI ARCHIE
PISCOPI CORCYRAE SER
VI HVMILLIMI IN
EXERCITATIONES
IN PSALMIS
PRAEFA
TIO.

ARSENIS Ille Paulus beas
tissime Pater (vt diuinę attestantur
Historię) se beatum dixit, q̄ aduer
sus cōpures Iudeorum calumnias
apud Cæsareā esset Agrippæ Res
gis iudicium subiturus. Ita me in
hac in psalmos editiōe magnis vn
diq̄ difficultatibus actū, dū censurā

tuā sanctis simā, et protectionē pariter subeo, non felicē dicam,
sed tutū. Quem dignum etiā eius asaborē ad cōmunem homi
num Vtilitatem pia sententia iudicasti. Quum.n. nescio quo
spiritu ductus in Psalmum de beatitudine superiori anno me
exercuerim, sorteq̄ sua contigerit, vt eo tēpore incredibili Patri
consensu in summū christiani orbis Principem creareris, factū
est, vt quo ipse ad osculādos pedes tuos in Hispaniā. s. proficisci
nō possem, in tuas ille potuerit manus castissimas deuenisse. In
uitabat me et tēporis, et dignitatis tuę, et rei, de qua agebas
tur, occasio tanta, q̄ta vix alias vnq̄ obtingere potuisset, vt te do
munum meū optimū, et Christiani cōtus maximū Ponifi
cem eo munusculo salutarē. Quod quādē indignū licet, satis q̄
tenue fuerit, ea tñ gratia suscepisti: vt id tibi summopere pla
cuisset testatus sis, et me ad aliorū psalmorum cōmentationem

se pius incitaueris, inquiens vere me tibi rem gratā facturum,
& Deo in primis, si tam laudabili prouinciā suscepissem. Hinc
motus ego, quā sanctitati tuæ in omnibus me auditoriū spon-
di, cogitare cepi quā pro viribus possem non rei magnitudinē,
sed eius monitis facere satis. Non. n. ex vna, amplissimæ erudi-
tionis tuæ, ac sapientiæ iudiciū dānandū esse videbatur. Ex
alia vero me imbecillem satis, tantōq; oneri imparē conficatus
rei huius exitū pertimescebā, pręferim, q̃ pleriq; aliū tā veteres,
q̃ recentiores in vtraq; lingua doctissimū hoc in celebri negocio
elaborauerint. Non subterfugiens igitur imperata, neq; (vt par
erat) de meipso confisus deniq; spem omnē meam in Dño pos-
sia, & hac in re vltius meas exercere vires constitui.

AD QVOD quidem eo propensius me accinxī, q̃ tam
pręclara, tāq; concinna est, atq; homini conueniens psalmorū
materia, vt ad animi voluptatē, & in Deum optimū erectio-
nem illi cōuenientior esse non posset. Hi etenim in se diuina om-
nia cōtinent, vtriq; legis mysteria cōplectuntur, & quę Deus
ipse in secretissimo bonitatis suę thesauro collocauit, explicant,
& ostendunt. Adde, q̃ peculiari quadam suauitate, harmoni-
coq; concentu ita legentū animos leniunt, atq; demulcent, vt
cuiq; si sincero fuerit animo, inuer diuina numina constitū via
deatur. Tota. n. naturæ moles, mundanūq; opificiū ex quā
dam constat harmonia, vt veteres academici perhibēt. Ipsamq;
rationale animam, quæ sola vere est anima, consonantissimam
omnium harmoniam esse dixerunt, q̃ non alia quidem in vni-
uerso res sit, quæ ex maiori disparitate consistat, aut quæ admi-
rabilius cœlestia, & terrena cōciliet. quis deinde inficiari poterit
mirra quadam proportionē elementa sibi inuicem adeo inimi-
ca intra fines suos consistere? Temperata ratione cœlos moueri
vt pręcipuo eorum motori, & auctori complacent? quis bea-
tissimos illos spiritus absq; concinno, atq; composito motu, &
intelligentiæ ornamento se habere putauerit? Ipse rerum om-
nium opifex licet ex veterum sententiā, q̃ maxime vnus sit, ea
reat harmonia, ea tamen. v. s̃q; adeo gaudere illum affirmant,

ut non alia magis re sese intelligi, scēti, ac exorari permittat. Nostra vero pietas, sanctaq; Religio cum summa Dei simplicitate admirabilem individuae trinitatis consonantiam copulavit. Qua ratione fit, ut per hosce harmonicos, spiritaliq; suavitates repletos hymnos facilius Dei gratiam inire, & ad cœlestia ascendere valeamus. Hac eadem causa Orpheus, Musæus, Tamaras, Empedocles, & pleriq; alij ex prisca philosophantibus hymnis, & carminibus secreta Dei, & naturæ mysteria tradiderunt. Quo etiam factum est, ut libentius me meam ingenium in Psalmorum consideratione tuo iussu experiri voluerim. Nam illos interpretari vsque adeo difficile semper existimaui, ut diuinum potius, quam humanum id negocij fuisse crediderim. Ex quibus, licet centum quinquaginta numero constet, circa nonnullos tamen hætenus elaboraui, & ex his paucos, qui mihi poliores visi sunt, & necessarij magis una cum vigilijs meis tibi Theologorū omnium maximo nuncupatos edidi, ut facilius & haberi, & legi possent ab omnibus (si quæ tamē sunt) quicunq; hoc desiderio detinerentur. Vanam sic illis satisfactum intelligam, quemadmodū opto, & ipsi a me id præstari posse animo conceperunt.

EO Autem ordine septem hi, quos recinere volui, instituti sicut sunt Psalmi, quo nihil profecto sit ad Catholicam atinens pietatem, quin in eis facile reperiat. Primus enim de beatitudine tractat, quam omnes cupiunt, & veluti scopum habent, in quem cunctæ viæ suæ dirigant affectiones. Secundus servatoris Iesu, qui Dei veri filius esset, passionem cōmemorat. Tertius sacratissimæ resurrectionis mysterium pandit, ut quæcūq; ad fidei integritatem facerent, pro consequenda beatitudine ponerentur. quid enim Beatissima trinitate, Christi passionem, & resurrectionem admissa amplius superest ad credendum, quod ex his veluti principijs agnosci non possit? Et quoniam fides sola, quæ si perfecta est, sola esse non potest, pro suis consecratione non sufficit, addenda erant opera pietatis, cobibendæ iræ, fugiendæ voluptates, iustitiæ faciendæ sacra, perpetua amandanda bon

na. pax, & quies optanda. Quæ omnia (si recte consideretur) quatuor Psalmus enumerat. quintus orationis medium nobis proponit. Quo, si puro corde fuerimus, de felici in diuinam domum introitu, deq; summa illa in ediffimo Dei templo adoratione spem maximam habere poterimus. Et quia perfecte orare aut sperare homo non potest, nisi geminos sibi datos hostes res formidet, & superet (quorum alter est carnis infirmitas, alter malignus spiritus) pugnam, & victoriam cum priore sexus, cum sequenti vero septimus Psalmus contexuit.

NEQVE Ab re fore censui septem numero tantum! ex citationes has edere voluisse: Quod septenarius non ignobilis quidem, sed magnæ nobilitatis sit numerus. Eo namq; omnia tempora numerantur: & mundi fabrica, adiecta septimi diei quiete, describitur. Septem errantia in Cælo sidera. Septuaginta Danielis ebdomadæ. Septem virtutes. Septem sancti spiritus nobis data sunt numera. Ad tonidem ecclesias scribit in Apocalypsi Ioannes. Vbi septem angelos, septem fidas, septem calabre, septem tubas, septem oculos, & sigilla connumerat. Mitto complura tam in homine, quam in cæteris animantibus hoc ipso numero naturæ opera celebrata, quæ a physiologis referuntur. Id solum de septenario præterire non possum, si numerorum dignitas potissimum in hoc vno consistat, vt vnus sit simplicior alio, & conuictas magis partes obtineat, hinc ipsum esse, etiam senario, quem adeo magnificat, fortasse numero perfectiorem. quippe quam omnes numeri accidentia quidē sunt a substantia, & magnitudine velut ab exemplaribus quibusdam suam debent dignitatem accipere. Substantiæ vero, & magnitudines alijs præstant, quæ magis simplices sunt, ceu anima corpori, & circulus trigono. Itaq; eodem modo de numeris est iudicandum. Quum insuper ex vera, aut imaginaria cōtinui diuisione numerus prodeat, ipsumq; continuum eiusmodi sit, quia partes omnes in communem quandam earum terminum coeant, qui punctus est, sola numeri simplicitas ad maiorem eius dignitatem non sufficit, sed opus est, vt medium

vinculum habeat, quod cōnectat extrema. Hoc ternarius habet, atq; ideo præstat binario, & videtur numerorum omnium præstantissimus. Qua ratione trino sacrificiorum cultu Deum venerabatur ~~Isa. 61. 11.~~ ut meminit Aristoteles. Et christiana veritas diuinarum personarum altissimam posuit trinitatem. Ab hoc præstantior senarius iudicabitur, q̃ geminos, ex quibus cōstat, ternarios habeat. quoniam quum in diuina, qua connectantur, careant vnitate, quam septenarius obtinet, forsua dicendum esset septenarium numerum esse senario præstantiorem. Licet enim maxima senarij dignitas (ut aiunt) sit, q̃ ex suis omnibus paribus (quas aliquotas vocant) ordine positus constet ad vnguem, raroq; eius conditionis numerus reperiatur, hoc tamē illi detrabitur, q̃ solutos ternarios habeat. quicquid sit, si septenarius non est senario dignior, videbitur tamen in proximo illi nobilitatis ordine collocādus. Hæc de numeris attingi, ut hæc quoq; ex parte lucubrations hæc sibūpsis defuisse minime videantur.

NON Est mihi hoc in loco insuper omittendū primum, & secundum Psalmum, aut a se invicē non esse distinctos, quoniam in apostolorum actis. xiiij. capite ea verba. Filius meus es tu, ego hodie genui te, legantur primo constitui: quæ tamen iuxta communem vsum secundo habentur Psalmo: aut primum q̃ veluti Psalmorum probemiam quoddam sit, nequaquam inter psalmos enumerari debere: quicūq; illius fuerit author. Nonnulli enim sicut, qui Esdræ illum attribuunt. Quidam vero ut Basilius, Gregorius nissenus, Cyrillus, Chrysostomus, Athanasius, & alij David illum esse dixerunt. Sine titulo autem describuntur ambo, q̃ in vtrisque uniuersalis psalmorum materia continetur, cui ob id, aut sola dignitatis ratione, certus nullus titulus competere videbatur. Quum tamen de beatitudine in lege Domini posita primus, & de Christi passionē secundus (ut videre est) clarissimam faciat mentionem. Ego autem communem legendi vsum secutus & primum a secundo distinctum, & vtrumq; psalmum appellare cōstitui.

HAEC Praefari libuit Pater sancte antequam ad meas,
qualescunq; sint, psalmodias deuenirem. Quas si pro tua in me
pietate laeto susceperis animo, certe quammaxime gaudebo
et fiet, ut non modo q; tuo natus sum tempore, a me Deo opti-
mo maximo habenda sint gratiae immortales (quemadmo-
dum Philippus Rex de Alexandro ad Aristotelem scripsisse
legitur) verum etiam q; dignitatis, et sapientiae culmine pra-
ditus, me, meosq; labores, et vigilias satisfacere, ac plurimum
exornare videberis. Neq; solum mihi gaudendum putabo, sed
tua hac immensa pietatis aera, et benignissimo afflatu fieri
posse sperandum, ut inceptum psalmodiarum negotium profequar,
et meliora in dies Domino coadiuuante conficiam. Id vero
dabitur nunquam, nisi a diuini ingenij tui Alis (ut verbis Eze-
chielis utar) mea infusa, et imbecilles excutientur plumae.
Quibus caelestia sublimius valeam contemplari, et abdita sacra-
rum literarum sensa perquirere. Quod, ut mihi tua beni-
gnitate praestes assidue, te supplex oro, obsecro, et
obtestor. Namq; in tanto rerum publicarum
discrimine id mihi vnicum solae
men erit, et singulare
praesidium.

IN PSALMVM PRIMVM

BEATVS VIR, QVI

EST SINE

TITV

LO:

I miser ego, & infelix sum
 Domine, Qui ne minimū
 quidem tuæ beatitudinis
 attingi, Quomodo de beati
 tudine loquar? si mille cir
 cumuentus erroribus, Lim
 pidam proferam ueritatē?
 Si caligantibus oculis solis
 lucem intueor, supercelestis gloriæ Diuinita
 tem ascendam? Immensiq; splendoris tui radiōs
 hauriam, aut feram? Non potest quæ non intel
 ligit homo, uerbis exprimere. Nāq; in conspectu
 tuo deficit omnis uiuens. Non est intellectus,
 aut ratio, quæ non perturbetur. Non est lingua,
 quæ non obmutescat, dum cogitauerit animus,
 aut se ad cogitandum accinxerit quomodo in
 tui uultus lumine beari queat. Quum seipsum
 ignoret homo, cœli altitudinem metiri non po
 terit. Si cœlum attigerit, id quomodo penetra

bit: ad beatorumq; spirituum ordines deueniet;
 & angelorum? Si eouq; caput extulerit, quo
 pacto ineffabilem pulchritudinem intuebitur?
 de qua ualeat habere sermonem? Mutus. n. &
 surdus, qui uocem tuam non audit, Qui in pec-
 catorum sece permanferit, in disciplina tua ne-
 quaquam proficiet. Qui de terra est, de terrenis,
 ac infimis loquitur. Non potest nostra infirmi-
 tas ad tantum Maiestatis tue fastigium eleua-
 ri. Summa, & incredibilis puritas non patitur
 cum nostra hac impuritate cōiungi. Mundanae,
 & tenebrose sordes a candore lucis aternæ ma-
 xime separantur. Ima. n. Domine summa fieri,
 & imbecillia fortia reddi: Mala in optima com-
 mutati, & mortalia in sempiterna: Amara in dul-
 cia, & arida in pingua euadere solus ipse, qui
 Deus es, facis, & noscis. Non nobis Domine, non
 nobis ita nostrae suppetunt uires, ut de te sermo-
 nes congruos habeamus. Neq; de splendore oris
 tui, quem dedisti nobis, ab initio satis accepit
 homo, nisi eodem lumine denuo illustretur, ac
 felici rore tuo sicca eius madefiant eloquia: Ut
 seipsum quantus sit, noscat, deq; sua beatitudine
 te Duce, & authore loquatur. Omnia sapientia
 tua fecisti, & quam admirabili conditione mun-
 dum creasti. Tui sunt Cœli, tua est Terra, Tuū

est mare, & omnia, quæ in eis sunt. Tuus homo,
 Quem formasti, & ad tui imaginem procreatum
 supra terræ faciem cōstituisti: Animantibus im-
 perare, seipsum noscere, Cœli ambitum contem-
 plari, immortalem fieri uoluisti. Sed nisi tua
 eruditione proficiat, amittit omnia, & t̃nquam
 ouis perdita relictis superioribus pascuis ad in-
 feriora declinat. Tu igitur sis ipse Domine, Qui
 tuæ sapientiæ calamo mihi in mente mea descri-
 bat: & oris mei labia aperiat, Quibus humanæ
 beatitudinis speciem paucis non dicam absolue-
 re, sed degustando ualeam explicare. Quam te
 esse semper in auribus meis insonuit: Et sapius
 exclamaui Domine Deus meus es tu, in quo spe-
 raui. Infunde itaq; spiritum tuum, & renouabis
 animam meam: ut si nomen tuum sapius inuo-
 cauerim, te agnoscere uidear, & agnoscendo co-
 lere, & colendo ad tuas illas Beatissimas sedes in-
 genio penetrare. Sic, n. Quænam mea, aut homi-
 nis erit beatitudo, balbutiens potero balbutire:
 Notumq; in iudea (quæ confessio, & gloriæ di-
 stributio interpretatur) Deum asserere audebo.
 Sed prius inde canere incipiam, unde me iam
 diuinitus afflari persentio, & uniuersa Patrum
 series sacra, atq; concinna inchoauit eloquia,
 Dicens:

BEATVS VIR, QVI NON ABIIT
IN CONSILIO IMPIORVM, ET IN
VIA PECCATORVM NON STETIT,
ET IN CATHEDRA PESTILENTIAE
NON SEDIT.

Hic n. ad tuam gloriam, & splendorem non
suis meritis, sed pietate tua poterit peruenire.
Nanq; hac in terrena plaga constitutus est mor-
talis, & peregrinus homo, Habitatulū firmum
& perpetuum habens in Coelis. Vbi hominis,
cui legitur data fuisse terra, desiit esse filius, &
Coelestis Regni factus est particeps. Sub pecca-
to n. omnia conclusisti, ut feliciori palma victo-
riae donarentur, & in purgatissima deniq; patria
perpetuis seculis habitarent. Bonus, & admira-
bilis ideo uocatus es Deus, q; bonitate tua im-
mensa liberas filiorum mentes, & errori obno-
xias condere uoluisti, ut propositum eis ab æter-
no brauium mererentur. Non fuissent ulla ope-
ratione gloriae tuae participes, si ille ipse esses,
solo cuius beneficio per naturam illis inditam
ad tuum sublime solium efferretur. Miseratione
tua a principio antequam ulla eorum concipe-
res merita, illis perpetuam felicitatem parasti.
Et suis nihilominus, liberisq; uirtutum actioni-
bus cum Dignitatis gradum eisdem attingere

uoluisti. Non erant huius sæculi actiones dignæ, ut alterius uitæ beatitudine donarentur: nisi ille ipse esses, qui eas dignas efficeret, & cum immensæ tuæ benignitatis amplitudine compareret. Inde ad hominem pius ille sermo dirigitur, quod dictum est. Qui te sine tuo auxilio fecit, te ipsum sine te seruare minime uoluit. Dei perfecta sunt opera, canitur, atq; ideo cœlum, & terra nobilissimis artibus exornata: Diuina terrenis optimo nexu coniuncta, mortalia immortalibus copulata: Et quæ sua cōditione facile dissoluta fuissent, statis quibusdam, instar medicaminum, obseruandis præceptis sunt perpetua stabilitate donata. Cecidit de supremo spirituum ordine lucifer in Draconem sua culpa mutatus. De quo scriptum Dei digito legitur. Quomodo cecidisti lucifer, qui mane oriebaris? Neq; ipse solus ob illatam altissimo contumeliam est ad ima depulsus: Sed complures comites habuit, ex quibus factus est exercitus impiorum. Qui humanas semper actiones peruertere satagit, & in suas partes trahere, si posset, summa desperationis miseria machinatur. Hæc omnia quum ab initio Claritatis tuæ oculo conspexeris Domine, in destitutas Angelorum sedes collocandos homines statuisti. Quos paulo minores illis con-

dideras, ut gloria, & honore coronati: ac super
opera manuum tuarum constituti superiores re
bus aliis efficerentur. Canit propterea uniuer
sus orbis terrarum. Cantemus Domino Deo
nostro, & explicatissimis uocibus iubilemus:
Gloriose, n. & magnifice se habuit erga nos proi
ciens equum, & Tumidum eius Domitorem in
mare. Vbi una cum sequacibus perpetuis mise
riarum fluctibus agitatus Diuinæ iustitiæ ope
ra manifestet.

BEATVS ergo uir ille erit, & felix, qui con
sumato uitæ cursu Angelorum sedes adierit. Cui
patefcentibus cœlis non per speculum in enig
mate, aut umbra: sed ut ipse a te cognitus est,
ita te noscat, eiusq; ori os tuū clarissime eluceat.
Neq; est aliud (ut Diuinum testatur eloquium)
ipsa æterna uita, nisi ut noseamus te Deum, &
denudata facie conspiciamus. Viam, quæ ducit
ad optatum finem, hac in peregrinatione anima
meditatur. Et inter ambigua constituta mille cū
hostibus præliatur. Hinc Demone, mortisq; ti
more angitur. Inde caro spiritui, & spiritus carni
repugnat. Sentimus, n. (ut scriptum est) legem
aliā in membris, & aliā oppugnantem in
mentibus nostris existere. Inde ipsa eadem ani
ma ueluti magno in pelago sauiſſima tempeſta

*Tentationes
anime.*

te acta nauis, sæpe malorum turbine conquassa-
 ta ad scopulos uanitatis alliditur, & naufragium
 facit: Sæpe tuo adiuta numine de profundo ip-
 sius pelagi erepta, lacuq; miseriæ liberata uisa
 est in salutis portum restitui. Data sunt illi abs-
 te sacratissima munera. Quibus tanquam malo,
 uelis, & gubernaculo recta uirtutum mare ad-
 nauiget, uitiorum procellam effugiat, felici aura
 tuæ pietatis affletur. Neq; illi est, aut esse potest,
 dum in terris uersatur, uera beatitudo. Nulla
 enim ei data est appetendi satietas/ nulla perfe-
 cta quies/ nulla securitas. Et si uiuens in Cœlum
 rapiatur homo, & amplissimæ Diuinitatis par-
 ticeps efficiatur, dum se perpetuo ibi non noue-
 rit perman surum, felix esse nō potest. Scriptum
 est enim, & tu ipse, Quem alloquor, Domine
 nosti, nisi indefinens gloria tua appareat anime,
 spiritualibus alimentis illam satiari non posse:
 sed irrequietam semper esse, nisi tuæ magnitudi-
 nis clauo affixa in te deniq; conquiescat.

BEATVS ergo erit homo, si ad ueram bea-
 titudinem destinatus quo tendat, uideat, uiden-
 do credat, credendo speret, sperando amet. Ita nō
 nequaquam in cōsilia impiorum abibit: Quum
 sibi a tuæ pietatis amplitudine præparatum fi-
 nem intelliget, ipsum non impiorum, sed iusto;

rum more summopere uenerabitur. Non satis est hominem ad suum cecis, aut clausis oculis, quod petat, domicilium duci, nisi prius intelligat, quibus conditionibus afficiatur. Si cum Principe, aut Rege habitare desiderat, si eum colere cupit, ac in conspectu eius suas preces effundere, Quo nomine ipsum appellet, cuius praeceptae authoritatis fuerit, cognoscat necesse est. Ne forte uelut ignarus in errorem aliquem, qui facile posset occurrere, incidat. Fides ergo, quae substantia sperandarum rerum esse finitur, fundamentum est promissae nobis hereditatis in caelo: Quae tua erga nos pietate quibusdam signis, & sanctissimi tui eloquii uocibus, quum tibi placuit, est humano generi reuelata, ut consilia, cogitationes, uanaque impiorum dogmata funditus euerterentur. Ita Pater ille magnus, Deoque obsequentissimus Abraam quia credidit, ad salutem summa prouidentia destinatus legitur. Credidit dum per angelos immensa tui luminis claritas illi enuncicaretur. Qui (ni fallor) in primis mente concepit ineffabile mysterium trinitatis. Scriptum est. n. Tres quum uidisset Abraam, unum tantum summa cum reuerentia coluisse. Hoc nesciebat impius Ethnicus, ignorabat Hebraeus, fallax mundi sapientia detestabatur. Os

nasti omnia Domine principio, medio, & fine.
 Numero pondere, mēſura cuncta libraſti. Eſſen-
 tia, poteſtate, & operatione conſtituiſti. Vita, in-
 cremento, & generatione dotaſti plantas. Senſu
 appetitu, imaginatione bruta ſignaſti. Memo-
 ria, intellectu, & uoluntate hominem tibi ſimilli-
 mum condidiſti. Atq; ideo ſcriptum legitur.
 Signatum eſt ſuper me lumen uultus tui Domi-
 ne, & faciem tuam ſemper inquiram. Non erat
 tua uſquequaq; perfecta bonitas, niſi alicuius in
 ſeiſpa ſecunditatis gloria perpetuo honeſtata
 fuiſſet. Non erat perfectum proli, & parenti ſo-
 lamen, niſi tertium quoddam lumen gemina
 illa beatiffima lumina conſpirarent: Atq; ideo
 triplici radio inſignitum ſolem efficerent. Inde
 factum eſt, ut ſecunda legis traditione habe-
 tur. Audi Iſrael, Quia Deus Deus tuus Deus
 unus eſt. Et in pſalmis. Deus Deus Deus locu-
 tus eſt, & uocauit Terram. Et alibi. Generatio-
 nem eius quis enarrabit? Verbo Domini coeli
 firmati ſunt, & ſpiritu oris eius uirtus eorum.
 Emitte ſpiritum tuum, & creabūtur omnia, ac
 renouabis faciem terræ. Mille erant in ſacris edi-
 tionibus uoces, innumera Diuiniffimæ huius
 Trinitatis in creatis rebus uestigia. Sed caligan-
 tibus oculis, & in cortice ea omnia inſpicientes

tantæ pietatis nucleum ignorabamus, atq; in
 impiorum consilia abire quodammodo cogeba-
 mur. Patefecit hæc eadē unigenitus filius tuus,
 Qui est benedictus in sæcula. Patefecit inquam,
 & propria humanitate sumpta carne monstra-
 uit. De quo ipse tu Pater omnipotens ais. Hic est
 filius meus dilectus, in quo mihi complacui, ip-
 sum audite. Et ipse quoq; filius se unum tecum
 esse legitime attestatus est. Qui, ut testimonium
 perhiberet de lumine, cum nostris tenebris uo-
 luit copulari, Et se Deū humani generis redem-
 ptorem exhibuit. Idq; diutius a maioribus no-
 stris factitatum accepimus. Ecce uirgo cōcipiet,
 & pariet filium, uocabiturq; nomen eius Ema-
 nuel. i. nobiscum Deus. Puer etiam, qui nascitu-
 rus erat, iam natus fuisse legebatur: Isq; nobis
 Datus filius. Cuius imperium humero contine-
 ret, qui & Deus fortis, & admirabilis consilia-
 rius, & Princeps pacis, & Pater futuri sæculi di-
 ceretur. Renouauit hic omnia, ueteris legis fer-
 mentum penitus expurgauit, & expectatissima
 ueritate consperxit. Huic, & eius operibus cre-
 dere est ab impiorū consilio declinare, neq; cum
 eis pariter abire in profundissima tenebrarum;
 sed editissimo lumine illustratos primam & præ-
 cipuā nos nostræ beatitudinis partē attingere.

I

NEQVE fides sola Homini sat esse potest, ut beatus dici promereatur, nisi etiam quod fide conceperit, consequi posse speret, Ac in Diuinæ liberalitatis magnitudine ualde cōfidat. Ipsa enim ueritas suadet, & quotidie a fidelibus canitur, Nos in Domino sperare debere, & bene agere, quum ipse ab iis, qui eum cupiunt, minime subtrahatur. Scriptum est etiam, inquire pacem, & persequere illam, Quoniā Deus iustus est. Item petentibus, & inuocantibus se Deum denegare non posse: ac si quis in eo recta animi propensione sperauerit, nequaquam in æternum confundi, Spes ergo uera est fidei comes: Quoniam sine illa intelligi, aut perfecta esse non potest. Quomodo autem finē nostrum attingere posse sperabimus? nisi eundem summa reuerentia ptemus? Quomodo optare poterimus? nisi uehemēter, & super omnia tanquā bonorum omnium optimum diligamus? colamus? & ueneremur?

VLTRA spem est necessaria caritas, si in aliquo beatitudinis gradu uelit homo consistere. Quæ aliis uirtutibus præstare, atq; eminare dicitur, propterea qd opus ipsum perficiat. Purgari, & illuminari per alias uanū est, nisi istius perfectio, & cōsumatio adiiciatur. Triplex ergo funis est, quo beatitudinis nostræ principio col-

ligemur. Sed unus tantum sufficiet, qui nos contineat in sempiternum, dum erimus tecum Domine in patria constituti.

VERVM ab hoc gradu facile dimouēbitur homo, nisi in uia uirtutis manserit: & in peccatis minime conquieuerit. Quid enim prodest semel impiorum cōsilia fugere, & detestari? Quid credere, sperare, & constitutum optare finem iuuabit? Si uirtutes, quibus in nostrum commune bonum ducimur, non prosequamur? Si in peccatis uersēmur? nostraq; prorsus culpa in miseriarum Laqueis iaceamus? Septies in die cadit iustus, & si dicimus quia peccatū nō habemus, ipsi nos seducimus. Atq; ideo ingemiscens canebat ille. Ecce in iniquitatibus natus sum, & in peccatis concepit me mater mea. At in peccatis stare, & post casum ab eis non surgere, impiorum est: Et qui in uia hac detestabili perseuerauerit, Qui malum malo adiunxerit, Qui suo casu gaudet, & gloriatur, Qui continuis uanitatum laqueis irretitur, nec unquam nequitiae uinculis liberatur, impius nō esse non potest: & crumarum omniū pondere prae-grauatus. Qui hunc secundum beatitudinis gradum non seruat, Quomodo in primo cōsistet? Amabit ne finem, qui finī contrarium operatur? Quomodo in te

credet Domine, aut in te sperabit, qui ostensam
 uirtutū uiam, qua ad te peruenire ualeat, asper-
 natur: & per uitiorū semitas impudēter discur-
 rit. Qui enim progreditur, non retrocedit, & qui
 ascendere nititur, non studet, ut descensui prae-
 paretur. Vna, satisq; arcta uia est, quae ad salu-
 tem usq; animas ducit. Qua si quis per uirtutes
 gradatim inceserit, ueluti per cathenam quan-
 dam ex annulis aureis contextam, ueram, & su-
 per cēlestem beatitudinem admouebit. Felix cer-
 te nō tantum qui uiam istam inuenerit, sed etiā
 custodierit, & ne minimum quidem ab ea diuer-
 terit. Hæc est illa uia, Qua cēli Ianua patet, qua
 si quis recte ambulauerit, hostes non formida-
 bit. Via quidem non inuia, sed frequentius usi-
 tata ab iis, qui uitam, ueritatem, & iustitiam dili-
 gunt. Qui mundo sunt corde, neq; uespertinum
 sacrificium offerunt, sed holocaustum laudis, &
 immaculatum. Qui uere nomen Domini inuo-
 cant. Via hæc salutaris, & fructuosa, Quæ ex
 Aegypto homines in Terram promissionis de-
 ducit. Ex perturbatiōe, & inquietudine in pace,
 & quiete constituit. Via, quam ab eterno electis
 suis, quos ad sempiternam gloriam destinauit,
 Deus ipse proposuit. Viam hanc suo splēdidissi-
 mo lumine illustrauit. Per quam filius eius uni

genitus sacratissimam primus choream duxit:
Et Sanctorum Patrum animas, quæ parum ab
ea declinauerant, ad superos reuocauit. Qui per
hanc uiam insudant, colligunt sudoris sui, & la-
boris suauissimos fructus in Cælis. Vbi neq; eru-
go, neq; tinea demolitur, neq; fures furantur:
Qui ergo consilia impiorum cum peccatorum
uia, & statu coniunxerit, multo miserior est,
quam si fuerit impius.

AT si in cathedra quoq; pestilentie sederit,
factus est non impius, sed omni impietate cru-
delior. Qui enim infidelis est, qui peccatis gau-
det, Qui impietatem suam tanquam Venenum
aspidum, & pestilentiam letalem effundit, im-
plet omnes numeros iniquitatis. Sicut, n. non sa-
tis est homini bene agere, ut magnus sit, & uoce-
tur in Regno Cælorum, nisi quod agit, edoceat:
Ita qui male operatur, si malus est, & iniquita-
tes suas uerbo, & facto suadeat aliis, longe infeli-
cior est, & tanquam pestis ab hominibus fugien-
dus. Qui uero benefecerit, & docuerit, hic ma-
gnus quidem in terris est, sed longe maior in
Cælo. Docuisti tu Benignissime fili, & prius quæ
docuisti, facere uoluisti. Docuisti non in morta-
lium rerum umbris, & uanitatibus tuam nosci
debere pulchritudinem: Non in fallacis sapien-

I

tiæ fluctibus tuam perspicere Maiestatem, Neque
 in tenebroso, & obscuro stellarum, aut lunæ splendore
 tuam coli Diuinitatem: Sed ab iis tanquam
 gradibus quibusdam ad supremum tuæ ampli-
 tudinis solem annitendum esse monstrasti. Vbi
 lumen Gloriæ tuæ amplissimum, & quicquid est
 omni gloria, & amplitudine maius, attingat
 homo. Atque ex infima hac, & caliginosa Beatitu-
 dine ad ueram illam, & expectatissimam lucem
 ascēdat. Parata nūc est uia tua Domine, & rectæ
 factæ sunt semitæ tuæ. Doctrina tua sanctissima,
 atque optimo operum instituto factum est nobis
 propinquum Regnum tuum. Saluberrima Ca-
 thedræ Tuæ administratio, status ille, & sessio
 gloriosa uniuersum orbem terrarum protinus
 illustrauit, Cælos aperuit, instabiles cōfirmauit,
 Diuina ad Terrena deflexit, Rursus hæc eadem
 illis summa authoritate coniunxit, perpetuo se-
 dere copulauit. Quare terque, quaterque Beatus est
 homo ille (ut scribitur) quem tu erudieris Do-
 mine, & qui admirabili disciplina tua profecerit.
 Docebas in Templo, dum a parentibus quæ-
 rebaris. Docebas in cena, dum discipulos admo-
 neres, ut quotienscunque quod a te factum esset,
 agere uellent, id in tuam commemorationem
 essent acturi. Docebas dum te, & Patrem unum

esse dicebas, & neminem ipsum agnoscere, nisi
 filium, & eum, cui uoluisset filius reuelare. Do-
 cebas iniquissimam phariseorum turbam, quæ
 antiquæ probitatis, & scientiæ nomine gloria-
 batur. Sed tanq̃ in lapides Doctrinæ tuæ semi-
 na eorum culpa iecisti. Docebas, dum in matris
 utero formareris; dicente ipsa Angelo nuncian-
 ti illam fore deiparam (quod nunq̃ antea imagi-
 nari, nedum credere potuisset) se ancillam Do-
 mini esse, ac eius ipsius uolūtati in omnibus ~~ad-~~
 dituram. Docebas in ortu, quum cælestis angelo-
 rum exercitus frequentissimis laudibus tantæ
 natiuitatis tum primo notum mysterium profe-
 queretur. Docebas in præsepio dum ab oriente
 magi uenerunt, & tibi tanq̃ uero Deo, & uniuer-
 sorum Principi ad tuos prouoluti pedes gratissi-
 ma munera obtulerunt. Docebas cum matre su-
 giens in Aegyptum, quando atrocissimi Regis
 dementia detegi uoluisti. Docebas puer, doce-
 bas adultus, docebas edens, bibens, orans, ambu-
 lans, uiuens, moriens, semper docebas. Dum ce-
 cos illuminares, dum claudos erigeres, dū mor-
 tuos suscitares, discipulos aduocares, præclaris-
 sima ederes instituta, docebas, ut non minus ani-
 mo, quam corpore sanarentur infirmi, tuamq̃
 uere in cibum carnem, & sanguinem in potum
 assumerent

I

assumerent: ac ineffabilis deniq; Trinitatis gloriam, suamq; sibi paratam Beatitudinem cogitarent. Neq; tuis solum concionibus uera hæc, & præstantissima Documenta dedisti, sed etiam Diuinitatem tuam, ac Clarissimam Maiestatem, quam in supremum usq; Cælum rapti intuerentur, moxq; aliis explicarent, pluribus ex tuis discipulis ostendisti. Aurea hæc, & beatissima non pestilentiæ, sed perennis incolumitatis cathedra, hoc splendidissimum solium, in quo sceptrum Maiestatis tuæ refulget, tam bene firmatum est, ut sit usq; ad Consumationem sæculi Duraturū.

BEATVS ergo, immo in ultimo beatitudinis gradu consistet, Qui non in cathedra huius tuæ sanctissime sedi opposita permanebit.

SED IN LEGE DOMINI VOLUNTAS EIVS, ET IN LEGE EIVS MEDITABITVR DIE, AC NOCTE.

Si enim in cathedra iniquitatis sedere homo noluerit, uoluntas eius in tua erit Domine lege firmata. Lex tua sancta, & immaculata conuertens animas. Lex legum, & Sapientia sapientiarum. In qua omne implementum iustitiæ est positum, uniuersus uirtutum habitus cōtinetur, humanarum actionum numerus consumatur. Lex sancta, quæ auersas animas ad sui cultum

D

conuertit, erigit, illustrat, perficit, & in longe felicio-
rum sortem commutat. Lex Domini super naturæ legē. Quæ satis esse non poterat: q̃ aliud explicandum esset, quā quod humana ratio concipere potuisset. Lex inde scripta est, & Mosi Prophetarum Principi reuelata. In qua quum meditaretur homo, saluus facilius futurus erat, Quoniam sacrarum institutionum obseruatione quid tuæ esset placitum uoluntati, cognosceret. At neq; lex ista sufficere uidebatur; q̃ multa quidem omitteret, & latentia plurima contineret, quæ ad salutem humani generis necessaria esse uidebantur; neq; Lex ipsa erat, quæ primi parētis ita labem auferret, ut Cēlestis Regni Ianua mortalibus aperiretur. Vera tua lex est Domine per unigenitum tuum hominibus detecta, Quæ & naturæ legem extulit, & scriptam nobilitauit, & optatissimam ueritatem edocuit. Non est alia hæc lex, sed legis ipsius explicatio, finis, perfectio. Quæ in se latenter cōtinebat illa, hæc patefecit, & clarissimis indiciis comprobauit, Vna, n. uera est Lex ex utraq; contexta, una fides, una Religio, una Ecclesia, unum caput, & unus Deus Dominus uniuersorum, qui est benedictus in sæcula.

I

BEATVS igitur uir, cuius uoluntas Diuinæ legi est, & ueritati obnoxia. In qua etiam meditabitur die, ac nocte. Est enim uoluntas, quæ meditationem assiduam parit, Quoniam in Regno animæ princeps est, & uiribus imperat uni uersis. Non una tantum potestate hominis beatitudo, sed uoluntate, & intellectu concipitur: uelut etiam illa ipsa est, Quæ beatis a Deo optimo maximo communicatur in Cælis. Quis ergo erit Diuinæ legi uoluntate affixus, & illam die, ac nocte non meditabitur? Quis cælestem ac flagrantissimam potest consequi caritatem, & fere immenso ac Clarissimo lumine non afficietur in mente? Mens est uoluntatis nostræ auriga, Voluntas princeps est mentis. Ostendit illa, ista prosequitur, suoq; imperio illam efficit solertior. Voluntas sancta, meditatio salutaris, Voluntas tuæ uoluntati conformis, & meditationi consona meditatio. Voluntas tua summa lex, Qua legis omne bonum sancitur, Voluntas nostra Domine uelut tuæ uoluntatis est umbra, ita nostra sanctio infirma in tui numinis aspiratione firmatur. Si ergo uoluntas in uoluntate, Lex in lege firmabitur: Si meditatio in meditatione figetur, & beatitudo beatitudini copulabitur. Statuisti prouidentix tuæ lege unicuiq; fines, &

D ii

terminos indidisti, Quos præterire non licet.
Iugum tuum suaue, & modestissimum omni-
bus imposuisti, ac leuissimum æquo animo fe-
renti onus sustinendum mandasti. Nostræ serui-
tutis obsequium magna libertas est, felixq; sub-
iectio, qua tantus nobis Dominus comparatur.
Felix inquam subiectio, qua dies, noctesq; feli-
cissimas ducimus, fortunæ ludibria spernimus,
uno, & eodem modo tam in prosperis, quam in
aduersis nos semper habemus, fausta nimis atq;
iucunda depressio, qua Pulsis tenebris appro-
pinquantem lucem amplectimur, Et Dies no-
stros antiquos, cum recentiorum Dierum lumi-
ne commutamus. Lege hac si quis se ornatum
agnouerit, ornatissimus quidem habebitur.

ET ERIT TANQVAM LIGNVM,
QVOD PLANTATVM EST SECVS
DECVRVS AQVARVM, QVOD
FRVCTVM SVVM DABIT IN TEM-
PORE SVO.

Lignum sine aquarum defluuio fructiferum
esse non potest. Gaudet aquis arbor, & uita hu-
more depascitur. Felices aquæ, quæ ex misericor-
diæ fonte proueniunt, felicia flumina salientia
usq; in uitam æternam. Iustus homo aquarum
istarum muneribus afficietur. Quas quum ac-

cesserit, etiam sine argenti precio bibere magna
 cum lætitia poterit, & post laboriosissimum uitę
 cursum ardentissimam sitim extinguere. Non
 est actionum nostrarum argentum ullum para-
 tum ad aquas gratiæ conquirendas. Sed hæc ex
 sola Dei liberalitate scatent, fluunt, irrigant pa-
 tētissimos campos animarum nostrarum. Auro
 Diuinum munus est simile. A quo hominis ar-
 gentum, id est meritum (Siquid in eo est, quod
 eo nomine appellandum sit) uirtute, & precio
 maxime superatur. Non emuntur Dei optimi
 beneficia, neq; ullis humanis actionibus equari
 ualent: Sed gratis omnia condonantur, gratis
 accipiuntur. Salutaris aqua non abluit modo,
 sed etiam nutrit: Ab operibus ariditatem expel-
 lit, omnem expectationem implet, & satiat. Ad
 ligni similitudinem plantati iuxta aquas se bea-
 tus habebit, quasi sine illis uirere non posse in-
 telligatur. Nanq; arboris nomine poterat appel-
 lari, quæ uiuit: Sed ideo dictus est lignum, q̃
 nisi aquis Diuinæ gratiæ madeat, arescat & con-
 cidat. Viuet ergo iustus uita per gratiam, & nu-
 trimento assiduo conseruabitur. Viuet in Eccle-
 siæ paradiso uelut Christus, qui ex uirginali ute-
 ro prodiens humanæ Carni est insitus, & a no-
 bis omnibus adoratur. Viuet, & fouebitur lignū

si iuxta currentes aquas sit positum. Namq; stagna illi marcorem inferre solent, Et nisi cursu continuo Dei beneficia affluant, spiritalem, & Diuinam uitam uiuere homo non potest. Lignum erat in medio paradisi, uitæ, scientiæq; boni, & mali Dictum, quod a quatuor fluminibus ambiebatur. In medio humani cœtus cōstitutus est iustus, Qui a uirtutibus quatuor enutritus Diuinitatis efficitur particeps.

QVI Etiam uelut arbor delicatissima suauissimos hac in terrena, & in alia, quæ Cœlestis est, uita pariet fructus, suo Tempore iustitiæ opera prosequetur. suo tēpore abstinebit a malo, & operabitur bonum. suo tempore magno animo se habebit, & temperato, fortia aggredietur, fastum contemnet, seipsum noscet, Et suo quoq; tempore Deo coniunctus admirabilia, ac quæ natura ipsa non potest, efficiet. Scriptū est enim si quis habebit tantum fidei, quantum synapis granum, montes illum uerbo transferre posse, mortifera propulsare uenena, ab obitu ad uitam homines reuocare. Umbra petri sanabat infirmos, apostolorum preces mortuos suscitabant, Qui fructus suo tempore dabant, quibus essent Deo accepti, & humano cœtui saluberrimi. Magni sunt quidem fructus, Qui ex hac beatitudi-

ne colliguntur in terris, sed longe maiores, & su-
uiores sunt, qui nos præstolantur in Cælis. Tem-
pus hi uarium atq; mutabile, quo ipsi quoq; pro-
feruntur, & decidunt, habent. Illi uero nullo tem-
pore mutabuntur, sed in perenni dulcedine, &
suauitate consistent. Quando felix anima suos
collectos cineres, inq; corpus, carnem, & ossa con-
certos felicius quam ante, suscipiet. Quâdo illis
perpetuo, atq; indissolubili nexu coniuncta im-
mortalitatis, amplissimiq; splendoris fructu de
pasta iuxta choros Angelorû posita dulcissima
illa ambrosia, & nectare satiabit. Tûc enim eius
modi arbori(quæ in tipû iusti uiri accepta est)
nihil deesse conspicietur, Quod ad illius pulchri-
tudinem faciat, & ornamentum. Nempe
ET FOLIUM EIVS NON DEFLVET;
ET OMNIA QVAECVNQVE FACIET,
PROSPERABVNT VR.

NON defluent folia, q; uentis nequaquam
agitabuntur, aut imbribus. Sed suauissimo rore
asperfa sese in perpetuum continebunt. folia hæc
sunt in patria Beatorum spirituum corpora, feli-
ces uestes, felicia indumenta. Quæ cum induen-
tibus immarcescibilem gloriâ sunt assecuta.
Folia hæc sunt splendidissimæ locutiones, Qui-
bus beati altiss, supplicant, ab eo item responsa

capiunt, & humano generi suffragantur. Et ideo
super mel dulcia facta eorū dici queunt eloquia.
Celestib⁹ foliis terrena quoq; folia correspondēt,
si beatitudinis uinculo colligentur. Sacra. n. san-
ctorum hominum uerba siue in Castigationem
populi, siue in fidei documētum, siue in prophe-
tiam sint ab eis prolata (sic permittēte Deo) non
effluunt, uanaq; esse nō possunt. Qui Deo agun-
tur, sermonem Dei audiunt, & ipsius uerba pro-
nunciant. Quibus idem loquitur inquiēs. Non
estis uos, qui loquimini, sed spiritus patris uel
ftri, qui loquitur in uobis. Viuus autem est Do-
mini sermo, efficax, & penetrabilior omni gla-
dio. Gladius. n. usq; ad animam peruenire non
potest, quum solum corpus Dolorē, uel interitu
afficiat. Neq; uiuus ille ipse est, neq; efficax, imo
& uitæ, & fecunditati cōtrarius. Non defluent
uiri Eiusmodi folia, non aduersa fortuna ipsius
afficientur opera. Omnia erunt in bono consti-
tuta, & bonis cogitationibus respondebunt acta
ipsius. Quicquid aget, felici, faustoq; Diuinæ
gratiæ sydere operabitur. Verba uerbis, opera
operibus, Regio regioni, hic, & ibi ita cōueniet,
ut si quis has, quæ Domini sunt, uias custodiat,
supremam illam, & inuiolabilem subeat feli-
citatem.

NON SIC IMPII NON SIC, SED TAN
QVAM PVLVIS, QVEM PROIICIT,
VENTVS A FACIE TERRAE.

QVVM. n. praua in cōsilia abierint, quum
mandata Dei non custoderint, Quum prauas,
erroneas, & detestabiles peccatorum uias non so
lum inceserint, sed etiam temerario ausu, & im
pudica fronte docuerint, non sic beati erunt, sed
infelices, & miseri. Quoniam qui neq; legem Dei
meditatur, neq; in ea suam constituit uoluntate:
sed Die, ac nocte in praua desideria, atq; in hone
stas uoluptates prolabitur, est ueluti aridum li
gnū, non iuxta Diuinæ misericordiæ aquas posi
tum, aut tempore aliquo fructum daturum: Sed
Neq; ullum, quo se tegere ualeat, folium obtine
bit. Suaq; omnia de dō, aut facto nec sibi, nec aliis
neq; in hac, neq; in futura uita prospera fient:
Sed tanquam puluis nullam habēs soliditatem
siccissimus, humore diuinæ gratiæ penitus ua
cans, uento agitatus, dispersus, Atq; ita a terræ
superficie, caritatisque fundamento in auram
uanitatis elatus, ut nusquam inueniatur, sed
pereat ipse, & memoria eius cum sonitu. Fugiet
Dei faciem, & nemo persequetur illum, dolebit,
tristabitur, ignorabit, odio habebit, & quē odisse
uoluerit, nesciet

E

Paruones impij

IDEO NON RESVRGVNT IMPII IN
IVDICIO, NEQVE PECCATORES IN
CONSILIO IVSTORVM.

IMPIVS Cadet, & non resurget, & si resur-
get, non immutabitur, sed in sua miseria consti-
tutus maiores cruciatus & penas dabit, quam
dederit unquam, & nullum suarum actionum
iudicium expectabit. Nullum quietis, affabili-
tatis, Clementiæ, iustitiæ fomentum recipiet.
Neq; in aliquo iustorum cōsortio deputabitur.
QVONIAM NOVIT DOMINVS
VIAM IVSTORVM, ET ITER IM-
PIORVM PERIBIT.

IVSTORVM viam nouit Dñs, Quoniam
bona, Quoniam sancta, Quoniam in legis ob-
seruatione posita. Nouit, & acceptauit, accepta-
uit, & ad perpetuam salutem direxit. Iter uero
prauum, & iniquum, detestabile, & mille morti-
bus dignum, quod peragrarunt impii, atq; in-
iusti cogitando, appetendo, agendo, perseveran-
do Deo optimo erit ignotum. Non ignotum sed
despectum, sed illi, & uoluntati eius cōtrarium.
Ignotum erit, q; ignobile, q; infelix, q; miserum,
q; ab omni gratia, & iucunditate semotum. Neq;
ipforum impiorum uia, sed iter dici promeruit.
Solus, n. Christus Rex magnus & Dominus se

I

uiam uoluit appellare, Quæ in uitam, & uerita-
tem homines duceret. Qui uero calle alio senti-
cosas uitæ huius pertransierit semitas, non per
uiam, quæ uera est uia, sed per deuium, & fle-
xuosum iter, Quo deniq; ab editissimis, Diuinæ
misericordiæ rupibus precipites, dicunt incessisse.

IN TVA igitur uia constitue Nos Dñe, &
constitutos conserua, ut te authore, cuius gratia
facti, redemptiq; sumus, hymnum gloriæ Tuæ
canamus, & tecum exuto mortali cortice perpe-
tuo iubilemus: Veræq; beatitudinis compotes
facti incessantibus uocibus proclamemus. Non
est alius Deus nisi Deus nŕ. Cui Trino, & uno
gloria, & imperium per infinita sæcula amen.

[Faint, mostly illegible text, likely bleed-through from the reverse side of the page.]

E ii

Psalmus

IN PSALMVM QVARE FRE,
M VER VNT GENTES
QVI SECVNDVS
EST, ET SINE
TITV,
LO.

Cio Ego Domine Te rerum
omnium causam esse, & ni
hil tuæ pietatis oculū sub
terfugere. Scriptū est enim
omnia sunt nuda, & aper
ta in conspectu eius. Scio
nō nostrum esse causarum
seriem perscrutari, aut sa
crorum mysteriorum fines disquirere: Quoniam
corpus, quod corrumpitur, aggrauat animam,
cogitationesq; nostræ admodū imbecilles, & ti
midæ efficiunt, ut imperfectum nostrum mini
me cognoscamus. Sed tui ipsi sunt oculi, Qui
debilitatis nostræ miseras intuentur, ac morta
lium corda conspiciunt. Quæ sicuti singulatim
tua ineffabilis prouidentia finxit, ita intelligit
omnia opera eorum. Ipse solus, qui sit, diceris,
ac tuo propterea infallibili testimonio, q̃ sacris
litteris, uatibus, signis, figuris, propria uoce ma

ioribus nostris locutus es, Principium appellaris. Nos uero nequaquā principia sumus, immo neq; uere sumus: Et si sumus, in te omnia nostra sunt. In quo uiuimus, quiescimus, & mouemur. Quo itaq; pacto poterimus Diuina filii tui, Quem in mundum misisti, passionis mysteria pandere? Vanissimam gentium uanitatem exprimere? Insanas populorum in eum meditationes pro meritis explicare? Et si. n. magna res est de terrena, ac Cœlesti beatitudine exactam facere mentionem: De passione tamen Seruatoris nostri Iesu, Quæ pro salute hominum ab æterno instituta fuit, satis loqui non possumus. Hæc tanq̃ medium oportunum infirmitati, lapsuq; nostro conueniens in illam, uelut in optimum, & desideratum finem dirigitur: ac ea potissimū ratione se nobis offert, de cuius laudibus post eam te Duce, toto corde, & animo pauca commoremur, atq; in hunc modum incipiamus.

QVARE FREMVERVNT GENTES, ET POPVLI MEDITATI SVNT INANIA?

Non possum ego, qui homuncio quidē sum, & tenebrarum harum caligine obumbratus, gentium ruditatem, aut immanitatem, neq; causam eius exprimere. Qua tot, & tanta aduersus

tuam Domine ueritatem locutæ sunt, & prurienti-
 bus auribus inania uerba profuderint. Tot
 retro sæcula imbibitas impietates sic attestatæ
 sunt, ut nō facile ab eis illæ dimoueri potuerint.
 fremuerunt gentes antequam legis tuæ Patri-
 bus nostris sacratissima rudimenta dedisti. Fre-
 muerunt, dum naturæ institutis, quæ certene-
 gare non poterant, restiterunt, fremuerunt dum
 superstitiosam, & nescio unde effluxam Deorū
 multitudinem prædicarunt. Dum sacrificiorum
 ritus, aruspicioꝝ leges, portentorum indicia,
 Sibyllinos interpretes, idolorum cultus, & mille
 insanias obseruarunt. Fremuerunt ore, & corde
 a malis, tabidisq; sententiis ita commotæ sunt,
 ut a recta, & naturæ, & tuæ ueritatis semita de-
 clinauerint. Fremuerunt gentes, quum tuam sta-
 tuisti legem hominibus pandere, populumq;
 tibi, ac tuo sanctissimo nomini nuncupatum eli-
 gere. Prius. n. gentes erant, & si forte non nomi-
 ne gentium appellatæ. Quæ sagacissimæ naturæ
 præceptis, & delectis uirtutum moribus officie-
 bant. Gentes item a datæ legis obseruatoribus
 mancipatæ, ita uocatæ sunt, q̃ communi quo-
 dam delirio, & naturæ, & Diuinæ iustitiæ essent
 insensæ. Communiores dictæ sunt gētes, populi
 selectiores. Quos dum & animo peruerso sese ue-

ricati opposuerunt, & aduersus illam erroneas
sententias promulgarunt, aporum, aut Leo-
num fremitum imitatos Diuina detestantur elo-
quia. Fremit aper pastus de silua exiens, & furo-
re concitatus uiam, quam cepit, non deserit. Fre-
mit, & rugit Leo latissimos ferarum campos cir-
cuens, ut ex illis quærat, quam deuoret. Scriptū
est enim super eum rugierunt Leones, & dede-
runt uocem suam: Libera me Domine a perse-
quentibus me, ne quando rapiant, ut Leones
animam meam, & non sit, qui me de manibus eo-
rum eripiat. Aperte irascitur Leo, & totis uiri-
bus concitatur in hostem: neq; solum irascitur,
aut concitatur: sed præmissio rugitu, & gemitu
furoris sui, quo accensus est, immanitatem decla-
rat. Hæc sunt iniquorum hominum aduersus te
Domine, & pietatem tuam apertissima prelia.
Hæ mysteriorum tuorum publicæ prophanatio-
nes. Hi sunt, de quibus scriptum etiam legitur:
Hi deuorant plebem meam sicut escam panis.
Vorant animam meam, qui perdere illam, & in
gehennam perennem mittere satagunt. Vorant,
& perdunt, qui ferratis dentibus piis ouibus, ut
tabescant, acerbissimos morsus incutiunt. Quæ
tamen tuo adiutæ numine eorum fremitum non
pertimescunt: Sed tabescentes illi in furore suo

deficiunt: & una cum suis desideriis perire coguntur. Fremuerunt ergo hi Leones, & apri aduersus te Domine, q̄ sanctissima Trinitatis mysteria non agnouerunt, aut moniti non admiserunt. Fremuerunt, dum conditorē Cēli & Terræ inficiati sunt: Dum omnipotentiam tuam/tuam maiestatem nō adorarunt: ac in suis execrandis sententiis permanētes a te rerum omnium prouidentiam sustulerunt.

SED Quare tanto tempore fremuerint gentes, adeoq; in suo fremitu perseuerauerint, explicare nequimus, nisi q̄ proprio arbitrio nullis rationibus motæ in reprobum datæ sunt sensum. Verum cur ita ipse, Qui scrutaris hominum renes, & corda, in errorem illas incidere, aut diutius ante legis institutionē perseuerare permiseris Domine, neq; audeo, neq; certe possum equis uerbis exprimere. Adhæret lingua mea ori meo, & exigua uox faucibus meis præcluditur. Immensa tua sunt certe iudicia, & qui uias tuas ingenio non dicam attingere, sed ne quidem cogitare ualeat, datum est nemini. Non poterāt gentes natiuo suo, & tenuissimo lumine quæ Dei sunt, agnoscere, neq; liberius pensitare. Atq; ideo cur tuam illis tamdiu ueritatem absconderis, eamq; mox tuis paruulis reuelare uolueris, hoc

est, quod humanum angit, & eruciat animum.
 Quaecumq; uolueris, recta sunt Domine, sed cur
 uolueris, non est nostrum disquirere, aut modo
 aliquo cogitare. Summa es tu bonitas, immo bo-
 nitatum omnium fons, & origo. A qua omne da-
 tum optimum, & omne Donum perfectum ma-
 nare perspicitur. Ideo recta sunt omnia, q; eadē
 uelis. Non autem illa ipsa uis, quoniam recta
 sint. Dicam tamen balbutiens quæ mihi tuæ in-
 effabilis pietatis radio ostēdere uoluisti. Dicam
 quidem, sed non ad cordis, & animi satietatem,
 quod tibi tuæ prouidentiae arcana mysteria re-
 seruasti, Vt te Deum, & super choros Angelorū
 constitutum ostenderes; Diuinitatisq; tuæ ueluti
 scintillis quibusdam demissis pro imbecilli eo-
 rum conditione (ita ornatu rerū ferente) ad ful-
 gentiss. splendoris tui solem homines alliceretur.

ERAT a Principio suis innixa uiribus
 munita natura. Quæ cum sua culpa a tam felici
 bus primordiis defecisset, totam inde susceptam
 progeniem obcecauit, A quo tempore usq; ad le-
 gis gratiæ concessionem satis respirare non po-
 tuit. Sed ueluti per latebras quasdam incedens,
 aut potius in obscuro quodam Antro reuincta,
 modico affecta lumine, quæ sua essent, non tua
 Domine intelligere, credere, aut commemorare

ualebat. In detestationem Criminis id eisnoxæ
datum fuisse reor. Tu ipse, quem alloquor, uera;
nec ne dico, declara; ea ipsa admitte; uel relice;
Purgatum est tanta mora delictum. Sed non ita
certe purgatum, ut in iis, qui in lege gratiæ, le-
gisq; consumatione sunt, eius fomites; & Reli-
quiæ nullatenus inueniantur. Naturæ defectui
Lex ipsa successit, Legi uero consumatio uerita-
tis. Vt postquā a sua præstantia defecisset homo,
triplici ordine se ad eam, unde recesserat, gratiā,
& gloriā rediturum cognosceret. Ordine cuncta
disponi, ac dispensari uoluit Deus; Eoq; numero
celebrauit, qui suæ esset ingenuitati; & commu-
nicationi similior. Trinus ipse tria hominibus
tempora, quibus ad se illos traheret, ordinauit.
In quibus dum uellent, oportune ad salutem
suam proficerēt. Tribus interuallis eorum eiuf-
modi palestram distinxit, ut quam difficilior sit
ad eum locū redire, unde homo ceciderat, agno-
scatur: quumq; ad temporis cōsumationem de-
uentum fuerit, longe magis Diuinæ pietatis ope-
ra desiderentur; & animæ iustorum proficiant.
Hac ergo de causa gentes permissæ sunt in suo
fremitu perdurare, & electi populi in meditatio-
nibus uanis consistere.

S E D Quare fremuerint gentes aduersus

Dominum postquam lex ipsa, & legis imple-
 mentum aduenerit, quum eis datum esset posse
 attingere ueritatem: Cur aduenienti lumini ce-
 cos oculos non exposuerint, interrogatz se excu-
 sare non poterunt. Non excusabitur Ethnicus,
 quoniam salutaria uitæ remedia prosequenda
 omni tempore Deus instituit. Non excusabitur
 Hebræus, quia legis beneficio donatus non ore
 fremere, nec corde meditari inania debuisset.
 Non excusabitur Christianus, quum sub san-
 ctissimo crucis uexillo de tenebris, de interitu,
 de acerrimo demum hoste legitime triumphau-
 rit, Duo. n. sunt Populi, quos tibi elegisti Domi-
 ne ab æterno. Qui ueluti duo candelabra splen-
 dentibus facibus ornata toti Terrarum Orbi
 Clarissimam lucem dederunt. Quorum alter, &
 subsequens præcedentis perfectio est; Alter uero
 præcedens, eius, qui sequitur author, ac institu-
 tor. Recessit uetus, & imperfectus est, nobis suc-
 cessit. Qui quod priori deerat, suppleuit. Neq;
 duo tantum Candelabra hic duo dicti sunt po-
 puli: sed duo etiam calathi. Quos bonis & malis
 ficis repletos se ante templum Domini uidisse
 meminit Hieremias. Super illum oculos tuos
 ponere statuisti Domine. Et deduxisti eundem
 in terram fluentem lac, & mel. Consumasti eum,

crexisti, dedistiq; illi cor non lapideum quidem,
sed carneum. Quo te nosceret, sicq; ad te rediret,
ut tu illi in Deum fieres: Ipse uero a te in Carissi-
mum populum haberetur. Hic uero non egre-
diens uetustatis fines in sua obstinatione mar-
cescens inter blasphemais constitutus est, gladii,
pestis, inedia afflictione uexatus. In utroq; cala-
tho non ita sunt ficus distinctæ, ut cum malis
bonæ, & cum bonis malæ haud facile ualeant re-
periri: Sed illæ solo nomine bonæ: hæ uero malæ
appellatæ sunt. In utroq; populo erant, qui ina-
nia contra Dominum meditarètur, & aduersus
Christum eius suæ iniquitatis tela dirigerent.
Ex iudeis reperti sunt, qui Deum ipsum crede-
rent: Et qui tanquam hominem, non Deum eun-
dem crucifigendum assererent. Erant, qui dice-
rent. Memento mei Domine, quum ueneris in
regnum tuum. Et alii. Vere Dei filius erat iste:
Non desunt ex christianis uiuo ablutis flumi-
ne, qui malis quotidie operibus Dominum cru-
cifigant: Atq; mille errorū laqueis irretiti inania
cogitent, suamq; denigrent, Quam semel a Deo
gratis acceperant, pietatem.

C V R. Ergo tam hi quam illi tot beneficio-
rum immemores ad eum ingrati animi gradum
peruenerint, cogitent, & in hunc modū Diuino

II

afflante spiritu interroganti mihi respondeant:
 Popule Israel quid fecit tibi Deus tuus? Quid fe-
 cit, ut in eum insurgeres? Nonne ille ipse Deus
 est, Qui uos Aegyptiorum seruitutis iugo teter-
 rimo liberauit? Qui manna in deserto de celo
 pluit? Qui pro muris ex utroq; latere aquas, ut
 per siccum rubri maris uester trāsiret exercitus,
 consistere fecit? Nonne ille ipse Deus est, qui
 uobis legis tabulas digito suo descriptas dedit?
 Qui facie ad faciem uobis locutus est? Ad quo-
 rum preces solis cursum firmasse legitur: Neq;
 solum firmasse; uerum etiā beneficii uestri causa
 a solita eius rotatione magno temporis spatio re-
 trouertisse. Nonne ille ipse Deus est, Qui pro uo-
 bis tot mirabilia fecit? opes contulit, regnum
 dedit? Quos etiam Clarissimis uictoriis auctos
 incredibilis sapientiae felicitate donauit? Nonne
 (respondeate mihi quæso Iudei) ille ipse Deus
 est, quem sanctissimi maiores uestri, quibusdā
 signis, & imaginibus coluerunt? prædixerunt
 uates, optarunt populi, ac ut ab eo salutem acci-
 perent, expectarūt? Cur ergo aduersus illum ina-
 nia meditari a legibus, a prophetis, a signis, ab
 imaginibus, a ueritate, a uobis ipsis deniq; recessi-
 stis? Nonne toties exclamastis? Non est alius
 Deus, nisi Deus noster, qui faceret mirabilia so-

Ius, qui redempturus esset Israel de manibus
inimicorum suorum. Qui uobis pacem perennē
& perpetuam animi tranquillitatem adduceret:
SED Et uos, Qui estis ueritatis lumine
illustrati, de quibus scriptum est. Lux orta est
eis, quos filiolos Ioannes uocat, arrigite aures,
& attendite. Cur contra Dominum inania po-
tius, quam uera, & proficua meditamini. Dum
in peccatis uestris quotidie emoriētes, illum, &
mandata eius despiciatis. Dum uitam in uobis,
& fidem indies extenuatis. Meditamini inania
quum sensuū laqueis prepediti nō ambulatis in
uia iustitię, & ueritatis. Meditamini inania, quū
dimissis propriis, quæritis aliena, & animas ue-
stras nequaquā habetis in manibus uestris. Sed
in malignorum spirituum potestate relinquitis.
Pro uobis homo factus est Deus, pro uobis inter
hominū ergastula cōuersatus. Pro uobis passus,
acriterq; cruci inter duos Latrones affixus. Pro
uobis ardētissimæ Caritatis igne accēsus suā ani-
mā posuit. Peccata uŕa, uŕa scelera, uestras iniqui-
tates equo animo pertulit, Sanguinem fudit, &
tanquā ouis ad occisionē ducta uicā cum morte
acerbissima cōmutauit. Vos autē inania, & quæ
mundi sunt, cogitantes, illisq; totis uiribus inhæ-
rentes eum ipsum spernitis authorem uestrum

patrē, & instauratorem negligitis, immo labiis
 uestris, & cordibus quotidie laceratis, & crude-
 lius, quā iudei, cruci cōfigitis. De quibus scriptū
 est (ut ipse bone Iesu per prophetarū oracula
 meministi) filios enutriui, ipsi autē spreuerunt
 me. Enutriuit uos Dominus spiritu, & Diuini-
 te. Enutriuit moribus, & disciplina, Enutriuit
 sanguine, afflictione, cruce, interitu, Atq; ita tuū
 hunc populum nouū Dñe enutriuisti, ut sacerdo-
 tale genus, gentē sanctam, Regiā profapiam illū
 appellare uolueris. Quē itē sic incredibili pietate
 tua fouisti, ut e baratro inferni, de inferiore lacu,
 de miseriarū meandris ereptus tecum omnibus
 sæculis habitaret. Cur ergo inania medites hic,
 ac ille iam pridē cogitauerit populus, qua rōne
 tanta impudētia innumera bñficia recompēset,
 quas gratias egerit, hēat, aut referat hic, uel ille
 retulerit, tu quēso Dñe inspicias, simul & cures,
 ut qñq; in melius erecti seipsos uelint agnoscere.
 Non solū autē gētes, & populi, quomodo se ha-
 buerint hesitandū: Sed de aliis etiā, unde suū fo-
 mentū acciperēt, inquirendū his uerbis. Quare
**ASTITERVNT REGES TERRÆ.
 ET PRINCIPES CONVENERVNT
 IN VNVM ADVERSVS DOMINVM,
 ET ADVERSVS CHRISTVM EIVS:**

NON Satis erat populis in uiam, ueritatem, & uitā exsecrandis suis consiliis conspirasse, nisi Reges terræ, & Principes illis etiam assenti-
rent. Quibus iniquissimas manus dederunt, ut lapidem illum pariter reprobarent, qui mox caput anguli factus est. Cœperūt ne Populi (bone Deus) & Principes secuti sunt illos? an potius Reges Terræ cœperunt? a quibus Populi omnē uitæ rationē accipiunt? Cautiores sunt illi (mihi respondere uideris) hi uero mutationi magis obnoxii. Illi Regni priuationem pertimescebant. Hi nouarum rerum admiratione confundebantur. Audiunt isti primum, & commouentur intus, mox statim Regibus uisa, & audita denunciant. Reges delata accipiunt, commouentur, ac præ aliis uana, frustratoriaq; consilia in Dominum moliuntur. Astiterunt igitur Reges terræ animo in primis, deinde operibus astiterunt, & simul inutiles facti sunt. Conuenerunt. n. Quoniam prorsus Diuinitatis expertes, ut Terræ dicti sunt Principes, ita una, & eadem ratione terrena solummodo cogitantes ad cœlestia caput tollere noluerunt. Poterant. n. & rationibus, & apertissimis signis, quæ fecerat Dominus, eis animo hæ-
rere, ac fide, testante diuino eloquio. Si mihi non creditis, saltem operibus credite. Poterant

II

Reges, & Principes & præstantissimo rerum ordine Dei singularitatem, & Principatum suspicere: Ex principatu, optimaq; eius natura summam in eo prouidentiam, & libertatem conicere: Et ex utraq; illius infinitudinem, & mundi creationem admittere: Sed ad sensum, & terrena semper intenti decepti sunt, ac cum uanissimis gentibus in cassum aduersus Dominum conspirarunt. Ne forte a terreno eiusmodi, falsoq; creditæ ueritatis Principatu deciderent. Sed ueritatem ipsam obtegere nequiuerunt. Poterant naturæ legem seruare, & in uanissima desideria, ac machinationes nequaquam abire. Poterant iudeorum Principes, & Pharisei christi Seruatoris originem inspexisse: non ad Terrenam solum ditionem, & imperium oculum habuisse. Poterāt eum ipsum inspicere, quod cecos illuminasset, claudos erexisset, mortuos suscitasset. Poterant eius admirabilem sapientiam, & Diuinas conclusiones imbibere: Deq; seipso loquentem, quod legem minime soluturus uenisset, audire. Poterant eius innocentiam, sanctitatem, Diuinitatem innumeris comprobata operibus noscere. Sed ad Cælestia oculos erigere noluerunt. Id maxime uos Reges terræ, & Principes agere decuisset. Quoniam Rex ille uerus est, & Princeps, qui

G

uirtute, & sapientia ceteris antecellit. Qui aliis
iustitiæ, & ueritatis lumen effundit. Quid uestro
ambitu nulla ne dicam legitima, sed ne proba-
bili quidem ratione commoti in eum Principes
consurrexistis? Quid uestra inuidia, & iniquita-
te, quum nulla in eo sanguinis, mortisue causa
reperta esset, alter alteri iniquissimum iudicium
demandastis? Negat hic se de sanguine iudicare
debere, asserit tamen expedire, ut unus pro po-
pulo moriatur, ne tota gens pereat. Nullam mor-
tis causam inuenit iste, & tamen populo secun-
dum legem iudicandum, atq; interimendum
illum condonat. Timebatis Principes, & Phari-
sei Romanos uobis ablaturos imperium, si per-
misissetis uiuere, quem, se iudeorum Regem di-
xisse causabamini. An nesciebatis non esse con-
siliu contra Dominum? Si. n. (ut ex uestris
locutus est alius) ex Deo erat ea Christi Ser-
uatoris professio, utiq; dissolui non poterat.
Si uero ex Deo non erat, non oportebat dubita-
re illam diutius duraturam. Vnde itaq; tanta ra-
bies animorum? unde furor? unde immanitas?
Credebatis o Principes uestra Deū latere corda?
aut illi uestrā absconditam impietatem? Quādo
ab eo interficiendo homine uestras manus sub-
trahere simulabatis. Quando mortis iudicium

subterfugere uidebamini. Quādo uerba menti,
atq; opera uerbis cōtraria licebat inspicere. Sunt
ne isti Principes illi? de quibus scriptum est.
Super cathedrā Moſeos ſedebunt ſcribæ, & pha
riſei iudicātes duodecim tribus Iſrael? Sunt qui
dem, ſed quomodo ſcribæ, & Phariſei Principes
habebantur? Scribebant leges illi. Hi uero ſe
cundum leges iudicia proferebant. Atq; ita pro
pria authoritate ſcribere poterant, ut illi ipſi, qui
iudicarent, etiā principes eſſe uiderentur. O pha
riſei nonne illi eſtis, qui & ſanctiſſimum uitæ
nomen, & ab aliis diſtinctum habitum fereba
tis? Qui non ſolum legis præcepta obſeruare, aut
ſcripta aliorum more intelligere uidebamini.
Sed etiam Legi, uitæ acrimoniā iniungebatis,
& iudicio ueſtro ſcrutabamini altiſſima ſacrarū
editionum ſecreta? Nonne modo, quando con
ueniſtis in unum, & in chriſtum Dominum cō
ſpiratiſtis, iidem eſtis? Qui olim ſumma innocen
tia, ſumma animi puritate ſine ſuſu, ſine concu
piſcentia oculorum, & carnis humillimam ui
tam agentes eratis tanquam Dii ab omnibus ce
lebrati? Si illi ipſi eſtis, unde hæc dominandi
libido? Vnde hæc tam Dira, tam iniuſta aduer
ſus optimum, ac Diuiniſſimum hominem, &
ſubita conſpiratio? Non audiebatis illum dicen

tem se totis uiribus ad legis implementum uenisset? Nonne quot, & quanta iustitiæ opera edidisset, erat inspicere? Nōne uobis ille ipse palam ante ora uestra locutus est? Inquiens, multa quidem coram egi, propter quod nam eorum me queritis interficere? Regem se iudeorum faciebat. Nonne audiuiſtis Regnum suum non esse mundi huius asserētem illum, Vosq; ip̄m Regē dicere uestris astubus respondentē? Rex quippe erat, & Dominus, ac Regū omnium Princeps. Sed quia ex mundo, non ex Deo eratis, Principatum eius, & Regnum uestra inscitia, iniquitate, liuore agnoscere non poteratis. Venient Romani, & Regnum nostrum accipient (dicebatis) si illum dimiseris. Quem, quod non dimisistis, uenerunt certe Romani, & a uobis sublatum Regnum funditus euerterunt. Venerunt, ac ita uos, urbemq; uestrā Hierosolimam obsederunt, ut inedia percuntes coacti sitis obstinatissimam uestram superstitionem deponere. Venerunt inquam, & ob impietatem uestram uos subiugarunt Romani: Nomēq; uestrum, & sinagogam, & templū, & reliqua omnia destruxerunt. Nōne audiuiſtis pientissimum seruatorem Iesum, quū tanquam agnus maclandus extra Hierosolimā duceretur, casum, & ruinam uestram obortis la-

II

chrimis deplorantem? & dicentem? Hierusalem;
 Hierusalem, quæ occidis prophetas, ueh tibi.
 Veniet, n. tempus, quum super lapidem non erit
 erectus lapis. Nonne audiuiſtis o infelices sacer
 dotum Principes, & Pharisei, quum eo ipſo tem
 pore complures mulieres eius acerbissimā passio
 nem flentes inuenerit, eundem talia proferen
 tem? filia Hierusalem nolite flere super me, sed
 flete potius super uos, & super filios uestros. In
 tuebatur progeniei uestræ ruinam Iesus ob pec
 cata uestra, & scissimam in eum impietatem.
 Inspiciebat maximam, & incredibilem fortuna
 rum omnium uestrarum, & imperii euerſionē.
 Et non solum id, uerum etiam uestram disper
 sionem, miseriam, fugam, dissipationem proſpi
 ciens indolebat. Audiuiſtis hæc omnia, sed non
 aduertistis. Quoniam infrenes in illius exitium
 tendebatis, Vestroq; tabidissimo ambitu obce
 cati, quæ Dei essent, non poteratis mente conci
 pere. Eratis tunc omnino iidem seruato nomine,
 & habitu, qui quandoq; puritate uitæ, & san
 ctissimis moribus cæteris exemplo, & admira
 tioni fuistis. Sed commutata professio effecit, ut
 impietates eiusmodi exerceretis, ac sine ulla æqui
 tatis, aut ueſtri nominis ratione quæ mundi
 essent, solummodo curaretis, iam uestra causa ad

id obprobrii deueneratis, ut onera insupportabilia aliis iniungeretis: Quæ tamen uos, ne digito quidem contingere uolebatis. Vestra hæc infamia, quæ populari aura pascebatur, Christum, in quem uestra iacula direxistis, uobis ignotum reddidit. Namq; scriptum est a spiritus sancti preconio, si Regem gloriæ agnouissent iudei, nequaquam christum Dominum crucifixissent.

CHRISTVS erat, & Dominus, quod in Regiæ maiestatis signum eidem unctio capitis debebatur. Vnctus capite Iesus, quoniam potestas, & imperiū super humerum eius. Vnctus spiritu, quod super omnes gentes sua ineffabili pietate mitissimus. Vnctus Diuinitate, quia Dei filius idem patri substantia crederetur, & esset, ut suo Clarissimo manifestauit eloquio. Vnctus sapientia, quæ iudeos passim confunderet, & æterni patris gloriam demonstraret. Vnctus caritate, ob id, quod animam suam posuit pro ouibus suis. Pro quarum etiam salute ferre non dubitauit extremum uitæ supplicium. Vnctus eloquio, quoniā non est inuentus dolus in ore eius. Totus unctus, & sanctissimis operibus redolēs, uerbaq; uitæ æternæ habens ineffabilis fragrantia, & Diuinitatis monumenta reliquit.

HAEC ad Reges terræ, ad Principes huius

ſæculi, & ſacerdotes peruenire nō poſſunt: Quod uanitate ſua nō ſolum bonarū actionum gultu, ſed etiā olfactu priuati ſunt. Hi perſecuti ſunt Dominum, & animas ſuas. Hi ſunt, qui nouiſſimis etiā temporibus cum inſipientia, odiis, furoribus pariter, & immaniſſimo ambitu coinquinati ſanctiſſimam Chriſti tunicam ſcindūt, & lacerant. Hi ſunt, qui atrociſſimis bellis miſerorum populorum ſanguinem quotidie effundendum procurant. Hi ſunt, qui noua indies dogmata, noua machinamēta in eccleſiam Dei, in Chriſtum eius & ſinceriſſima ſacramēta conſingunt. Hi ſunt, qui facies ſuas lauant, ut ab hominibus conſpiciantur, digitoq; monſtrati ſimulationis meritam mercedem recipiunt. Hi ſunt, qui ſuis conſiliis uiribus, & ſapientia ſe cælum rapere arbitrantur. Et quoniam in ſublimi cogitatu ſunt poſiti, merito decidunt in profundum. Scriptum eſt, n. perdam ſapientiam ſapientum, & eorum conſilia reprobabo. Hi omnes ſunt, & eiufmodi alii, qui ſua culpa decepti uanis, & leuiſſimis cogitatiōibus acti ſunt. Et ſe Deos mundi huius, atq; perpetuos credunt, inſurgentes contra Domini poteſtatem, & Chriſti ſanctiſſima inſtituta. Quorum artes, quoniam deſpectæ ſunt, & ſere pēitus uiluerunt, quod reliquum

est deceptionis, impetus, & uanitatis a nostris
humeris excutientes dicamus.

DIRRUMPAMVS VINCVLA
EORVM, ET A NOBIS PROII
CIAMVS IUGVM IPSORVM:

SVNT .n. nobis dirrumpendi laquei innu
meri diabolicæ seruitutis, quam quisq; propria
culpa subire conspectus est, rumpendi itaq; ac
penitus si fieri posset, tollendi, ut lucis filii effi
ciamur, qui eramus in uanitate nostra aliquâdo
tenebræ. Dirrupit Deus Tumidissimarum gen
tium ruditatem, elatissima earum, quæ Demoni
bus subiecta erant, imperia desolauit, Naturæ
uincula soluit, & arctis eam ligaminibus compa
ginauit. Superstitiosa legis fundamenta dirru
pit, & literæ iugum sensu spiritali disiecit. Legis
caliginem, non ipsam legem dissoluit, immo in
firmitate, qua diu affecta fuerat, liberauit. Pur
gauit Deus, quæ sordibus erant immixta. Pur
gauit, & tanquam aurum igne examinatum in
delitiis habuit. Dirrupit Deus uanissima iudeo
rum consilia, Execrandas conspirationes confre
git. Aeternæ mortis morsus, & inferni uincula
scidit. Laceratam nostræ imbecillitatis compagi
nem solidauit, Difficillima iuga a miseris morta
libus sustulit. Sanguine suo iniquitates nostras

II

a nostris humeris propulsauit. Solutis parētum
 uinculis nostræ originis defectum supplicuit.
 Maiorum nostrorum compedes fregit, ac eisdē
 e carceribus tetrīs eduxit. Cēli ianuam aperuit:
 Nos pro durissima seruitute perpetua ingenui-
 tate donauit. Lapsus nostros non meminisse con-
 stituit, Claudicationes nostras in uiam ueritatis
 erexit. Nostra, quæ quotidie sunt, naufragia
 dum uelimus, instaurat. Salutis portū ostendit,
 ac malarum meditationum pondus a nobis pro-
 cul abducit. Fallax sensus, fallax opinio, fallax
 omnis cogitatio nostra sine te Domine. Fallax
 Demon, & piarum animarum Tyrānus. Quem
 formasti ad illudendum ei. Fallax & mendax
 homo, qui in uia uirtutis tuæ non ambulauerit:
 Solus tu uerax es. Tu sapiens solus. Qui ut uis,
 nosq; parati sumus, ita cordibus nostris aspiras.
 Sin uero inepti fuerimus, & imparati, de no-
 bis procul dubio ueluti sentiendum, ita etiam di-
 cendum credimus.

QVI HABITAT IN CAELIS IRRI-
 DEBIT EOS, ET DOMINVS SVB,
 SANABIT EOS.

TVNC. n. erimus sicut ii, qui aduersus te lo-
 cuti, aut meditati sunt iniqua. Irriserunt te, &
 mouerunt caput, manibus percusserunt dicen-

H

tes uah prophetiza quis te percussit? si filius Dei
es, fac te ut Deorsum e cruce mittas. Alios saluos
fecit, seipsum conseruare non potuit. Tu irrides
illos, quod terreni quidem sunt, & Celestem ue
ritatem sua induratione scādere noluerunt. Irri
des, quoniam spernis, & in peccatis suis emori
sine tua culpa permittis. Irrides, quod seipfos in
uanis desideriis enutriti deceperint. Irrides, non
quia eorum fraude, & deceptionibus gaudeas,
Sed irrides, quoniam irridendi sunt ob uanos
eorum in nomen tuum, & pietatem consensus.
Decentissima quidem tua in eos erat irrision Do
mine, ut iustitiæ opera manifestares. Non. n. qui
seipsum derelinquit, amplecteris, & qui leuissi
ma semper iactatur aura, in gratia tua esse, aut
confirmari non potest. Dum peccant homines,
& in suis iniquitatibus perseuerāt, licet irrideas,
ac ut sese colligant, percuncteris, non tamen no
scunt tuam in eos irrisionem. Nanq; si illam per
ciperent, in posterum a te minime irriderentur.
At quum tempus perpetuæ, & irreuocabilis irri
sionis aduenerit, quando non ipse solus eris, qui
illos irrideat. Sed omnes pariter iustorū animæ
una cum Angelis irridebunt, tunc errores suos,
& causas irrisionis agnoscant. Quando certe (ut
reor) nolissent te, legemq; tuam sanctissimam

II I

omississe, sed in obseruatione mandatorum tuorum dum uiuerent, permanississe. Vere inquam, & iuste tunc irridebis eos, ac tanquam uerus, iustusq; Dominus sublanabis. Non. n. satis pro eorum uituperio erit irrisio, sed sublanatio subiungetur, qua uideant non esse apud te amplius misericordiae locum, sed in miseria constituti desperent. Sublanabis eos, & ab eisdem oculos tuos auertes, sublanabis, naribusq; corrugatis ostendes, quoniam indigni fuerint, ut uirtutis tuae digitis demonstrarentur. Dei. n. digitus sancti spiritus uis interpretatur. Qua, quum inique gentes, & populi naturam, legem, Dominum, & Christum eius neglexerint, agentes, & cogitantes inania, sunt in perpetuum carituri. Quocirca de te ipso, qui es Dominus uniuersorum, dici legitime potest.

TVNC LOQVETVR AD EOS IN IRA SVA, ET IN FVRORE SVO CONTVRBABIT EOS.

IRA Tua, & furor tuus in eos erit, quoniam spreuerunt te, conturbabuntur, quia cogitare non poterunt, quo pacto te Dominum tot signis, & prophetarum oraculis non agnouerunt. Neq; solum non agnouerunt, sed etiam acriter persecuti sunt usq; ad mortem, mortem autem crucis. Non

H ii

Non erit eiusmodi ira tua, quæ te mutabilem faciat, aut furor, qui mentē tuam inficiat. Sapientia. n. & uirtutum tuarum non est finis, aut numerus. Sed iræ, & furoris nostri ea similitudo est, qua irreuocabilis iustitiæ opera manifestentur. Quibus miseri mortales acerrimis cruciatibus acti, & de salute diffusi furoris, & seuitiæ signa dare uideantur. Loquetur eis Dominus, quum illos adiudicandos aduenerit. Loquetur, & dicet. Dereliquisti uenam aquarum uiuentium, & bibistis amaritudines dolorum, & conscientiarum uestrarum. Loquetur, & sententiā iustissimam dabit, qua uos ad æternum ignem destinet, & mittat, quando nulla secundum naturam, aut leges in eum, & filios eius exercuistis opera pietatis. Audietis sermonem durissimum, & lingua eius tanquam acutus gladius uestras turbulentissimas animas penetrabit. Loquetur, & respondere non audebitis, quoniam iustus Dominus iustitiæ suæ nullam patitur exceptionem. Dedit. n. uobis leges, & sanctissima rudimenta proposuit. Dedit prophetas, seipsum deniq; dedit, quem & uiuum, & mortuum lacerastis, irrisistis, innumeris cōtumeliis affecistis. Quid ergo pro uestra impietate, pro summa, & incredibili impudentia coram eo in sedē maiestatis po-

sito in uestram excusationem respondere poteritis? Scriptum est enim consurgant, & ascendant gentes in uallem, quam Iosaphat, id est iudicii locum appellant. Quoniam ibi sedebo, ut in circuitu iudicem omnes gentes. Deq; Syon rugiet Dominus, & de Hierusalem dabit uocem suam, & Dicet,

EGO AVTEM CONSTITUTUS SUM REX AB EO SUPER SYON MONTEM SANCTVM EIVS PRAEDICANS PRAECEPTVM EIVS.

NON Eram oiniqui, & insipientes iudei homo solum, quando uobiscum uersabar in Hierusalem, non homo inquam solum, sed etiam Deus. Non eram seruus, sed Princeps, quando etiam per irrisionem me Regem iudeorum appellare non dubitastis. Atque id pro causa, qua cruci demandatus fuisset, supra caput inscribere uoluistis. Vere & iudeorum Rex, & gentium, & Populorum omnium Princeps dici merebar. Quoniam sum, & a Patre meo non solum super uniuersam terram constitutus fueram princeps, & Dominus, uerum etiam super uniuersos celos. Scriptum est enim. Verbo domini Celi firmati sunt, & gloria eius manet in

Psalmus.

ſæculum ſæculi. Neque a modo ſuæ Potestatis, & imperii uerba loquetur Dominus, uerum etiã ſe diuinam legem, & ſanctiſſima præcepta uobis dediſſe cõmemorabit. Quibus in uia ueritatis, & iuſtitie ambulare poſſetis. In monte enim Syon (qui in Hieroſolima eſt poſitus, & exacerbationis tentatio, aut ſpeculatio interpretatur) Diuiniſſimas ſuas habuit conciones. Ex quo loco per uniuerſum terrarum orbem pietatem catholicã diuulgarunt apoſtoli. Vbi etiã qui cum aliis ex centum, & uiginti numerum conficiebant, Sancti ſpiritus numine aſſati ſunt. Et prædicante Petro ex omnibus fere nationibus congregatę gentes ad diſtributionem linguarum commotę ſunt. Et ex iis, qui aderant, circiter tria milia hominum conuerſa in Dominum crediderunt. Hic ſimiliter locus eſt. De quo ſcriptum etiã legitur. De ſyon exhibit lex, & uerbum Domini de Hieruſalem. & alibi. mons ſyon latera aquilonis ciuitas Regis magni, quam Deus fundauit in eternũ. Item qui confidunt in Domino ſicuti Mons ſyon, non commouebitur in perpetuum. Exacerbationis uero tentatio exponitur, q̃ inde ex promulgatis ſanctiſſimis inſtitutis miſeri, & infelices iudei tentati ſunt, cõmoti ſunt, tremor apprehendite eos. Exacerbarũtq; (ut ita dixerimus)

corda sua, & animos, immo diris cruciatibus exacerbarunt in Dominum, & aduersus Christum eius. Speculationis item locus iste merito nuncupatur. Nam in templo ibidem constituti potuerunt immanes, trucesq; iudei a Rege suo denunciata ueritatem spectare, & agnoscere, atq; ipsis (ut aiunt) manibus retinere. Sacratissimus uere, & nunquam satis laudatus mons iste Syon Cēlestem patriam, & Regnum fidelibus prefiguratur. Est, n. Dei mons, & pinguis, unde gratiarum flumina exoriuntur, & totum terrarum orbem irrigant. Mons pinguis, & coagulatus, quia nulla quāuis magna diffusionē minuitur: Sed in suā quamadmirabilis concretionis magnitudine permanet. Super montem syon constitutus Dominus: Nos uero super eum, qui dicitur Syna. Et æterna tentatio, siue odiū appellat, quia ad Terrenum attinet Principatū. Quem Seruator noster aspernatus est, inquit. Regnum meum non est ex hoc mundo. Constitutus est ipse Rex a Patre super ecclesiam, ut ad beatæ uitæ habitaculum homines subleuaret. Quos uoluit ab æterno, nisi sua culpa deficerent, saluos futuros. Constituit Pater filium Regem, ut prædicaret Euāgelium ueritatis. At illi eidem in hunc modum uisus est loqui, mi

fili ego hodie genui te: ipseque Beatissimus filius
attestatur Dicens.

DOMINVS DIXIT AD ME. FILIVS
MEVS ES TV. EGO HODIE GE-
NVI TE.

Vbi Magnum quidem, & admirandum
suggeritur uerborum mysterium. Pater filium
uocat, atque illum hodie se genuisse commemorat.
Si semper enim genuit, quomodo hodie? Si ho-
die, quomodo æterno patri coæuus, ac eiusdem
substantiæ credetur, & appellabitur filius? Neque
antequam ipsum genuerit, adduci possumus,
ut credamus, ab eo filium uocatum esse, quod &
ipse, a quo genitus est, tum pater, aut esse, aut ap-
pellari minime potuit. Quando insuper o bone,
& admirabilis Deus, filium genuisti, tum in te
ipso antequam gigneret (precor mentem meam
illumina, tuaque pietate recense) illum ne intelli-
gebas, an potius id tibi euenerit, ut ipsum præ-
ter intentionem (ut ita dixerim) procreares?
Hoc quidem nefandissimum dictum est, neque de
tantæ maiestatis numine cogitandum. In te ipso
igitur antequam illum gigneret, intelligebas,
tumque pater eras. Quo itaque pacto (ut ipse nosti)
fieri potuit, ut antequam filius genitus esset, fi-
lius appellaretur? Ex sua generatione hoc ha-

bet, ut sit, & filii nomine nuncupetur. Sunt hæc
alta quidem, & profunda ualde tuæ Diuinitatis
mysteria. Quæ mentis nostræ caligantes pertur-
bant oculos. Qui tamen sola tua pietate liniti eo-
rum quicquā uelut umbrā coniiciunt. Quis, no-
tantæ aut eruditionis, aut eloquētix uir unquā
fuit. Qui generationem filii tui exacte aut intelli-
gere, aut explicare ualeret? Quocirca diuinus ille
Vates, qui inter Euangelistas cōnumerari facile
potest, exclamat. Deum quis unquam uidit, aut
quis consiliarius eius fuit? Generationem eius
quis enarrabit? Si de æterna, non temporanea
procreatione locutus est Esaias, hæc quidem su-
perat omnes cogitatus humanos. Quæ sane nisi
illam intuentibus oculis raptus in Cælum homo
conspiciat, alioquin comprehendī non potest.
Quando nō suis uiribus, sed Diuina ope, & ope-
ra innixus Diuinitatis naturā induerit. Si uero
de temporanea generatione Diuinus ille sermo
audiatur, quum sine genitore ille ipse prodierit
filius, solaq; uirgo mater illum ex utero procrea-
uerit, mira quidem res est, & omni mentis captu
longe superior. Dicam ergo tāta in re tuo fretus
numine, quid me meā imbecillitas docuit: Ne
seruus tuus uideatur tanquam mutus silere corā
te, & tua super eum manus coarctata fuisse.

GENVISTI Ergo hodie filium Domine,
 quod nulla sit præteriti, aut futuri temporis ra-
 tio apud oculos maiestatis tuæ. Sed omnia ue-
 luti præsentia sunt coram te. Atq; ideo sempiter-
 nam illam, atq; immutabilem filii tui generatio-
 nem tuus ille magnificus explicat sermo. Qui
 quum præteriti temporis complicit uerbum,
 nullum certe generationis eius fuisse principiū
 designatur. Quæ tamen de præsentis facta esse de-
 scribitur. Quoniam ita nunc uigeat, unoq; ac eo-
 dem modo se habeat quemadmodum iuxta ca-
 ptum intellectus nostri fuit in sempiternum.
 Semper ergo Pater genuit filium, atq; eodem
 modo illum ipsum hodie genuit, quo ab æterno
 genitus est. Verum quamadmirabilis illa æter-
 nitatis mensura ob id quod præsentis temporis
 ratione melius explicatur, hinc factum est, ut ex
 ore tuo Domine acceptum sit pro nostro benefi-
 cio te hodie tuum unius, & eiusdem substan-
 tiæ, coæuumq; filium genuisse. Nunquam uero
 ante ipse pater fuisti, quam filius eo nomine
 describeretur. Eo. n. quod genitus est, filius ap-
 pellatur: & quod ipse illum genueris, genitor fa-
 ctus es, ac ab omnibus sub eo genitoris nomine
 ueneraris. Ipse quoq; o secundissime rerum om-
 nium pater, & opifex non preter intentionem

(quod quidem horresco referens) sed maximo
 proposito, & intelligentia tuum filium genuisti.
 Nec unquam uerum fuit, antequam illum gi-
 gneres, ut ipm gignendum in teipso cōspiceres.
 Quoniam neq; ante, neq; post, neq; ulla tēporis
 differentia admirabilem illam tuam operationē
 distinguere potuit. Siq; forsam teipsum solum
 contemplari uolueris, fieri, nec nē possit, San-
 ctissime genitor hesitauerimus, pietate tua con-
 fili a te audire sperabimus id quidē fieri posse.
 ob id, quod reipsa a filio tuo distingueris. Verū
 temetipsum tunc nō ut genitorem; sed ut Deum
 mente concipere. Ad te quoq; me uerto sapien-
 tissima soboles a parente tuo hodie genita, me
 inquam uerto, & tuo adiutus numine uidere ui-
 deor te una tantum generatione nunc, quando
 factus es homo, & ab æterno Patris tui filium
 appellari debere. Mater. n. tua Virgo sanctissi-
 ma quēadmodū sola fuit, quæ te peperit hodie,
 ita etiam genuit, ac sibi soli in filium noua gene-
 ratione suscepit. Te igitur hodie & æterna, &
 temporanea, quæ Patris respectu una, & eadem
 est, Pater ipse tuus generatione progenuit. Parce
 precor si de te, tuoq; sanctissimo genitore im-
 pure loquor, ac minus digna uerba pronuncio.
 Meum tibi cor patet, tibi mea loquitur lingua.

Tu in hunc sermonem mea labia dirigere uoluisti: Tu aq; immensa bonitate dum gentium uarietatem, populorum insaniam, iudeorum impietatem, & illusionem commemoro, mecum uisus es loqui, ac dicere Dominus dixit ad me filius meus es tu, ego hodie genui te.

POST VLA A ME, ET DABO TIBI GENTES, HAEREDITATEM TVAM, ET POSSESSIONEM TVAM TERMINOS TERRAE.

SED: Cur ad postulandam hereditatem a Patre filius inuitatur? Nonne ingenui officium est, & genitoris p̄cipue absq; postulatione, quod iustum, & honestum est, liberis cōdonare? Nonne ipse omnium Pater, & Princeps te filium ex memoria eius secunda quam liberalissime genuit? nihil inde retributionis expectans, extra suam hypostasim actione illa praestantissima te ipsum constituens? Quae quidem (ut reor, & tu pater omnipotēs nosti) nō adeo perfecta fuisset, nisi tanta cum liberalitate manasset. Si ergo liberalissime tua est genita proles, cur etiam absq; postulatione illi eius hereditatem non condonasti? Finxisti ergo filii tui postulationem, aut ad postulandum illum potius inuicasti, ut quod ipsi merito fuerat tribuendū, ab aeterno uiuisq;

cōsilio uenturum hominibus significares. Non inuitasti, ut peteret, quū tibi sit natura par, neq; precibus, aut muneribus inflectaris, ut sibi debi tam hēreditatē conquireret. Sola. n. mente siunt inter uos uestra colloquia o beatissimæ hypostases. Atq; ideo summa illa soboles, Quæ gratissimæ infirmitatis nostræ naturam assumpsit, uolente patre, a quo suam quoq; originem habuit, ut inuitata fuit, ita etiam libēter illam suscepit. Postulauit filius gentium hēreditatem, quum genitus est, postulauit, quum humanam carnē assumpsit. Postulauit, ac illam ipsam suo iure obtinuit. Quippe decentissimum erat qui esset dei uiui filius, ex homine etiam nasciturus, eiusdem filius diceretur. Obtinuit gentium omnium hēreditatem. Quam, nisi seipsam perdere uoluisset, non solum cura, & studio, sed etiam firma possessione obtinuisset in Cēlis. Gentes etiam pro singulari hēreditate habuit filius, immo non gentes solum: sed etiam nationes, & populos uni uersos. Scriptū est. n. Deus uult omnes homines saluos fieri. Quī neq; personarū exceptor est, aut esse constituit. Magna quidem hēreditas ab imensa æterni patris uoluntate proueniens. Maxima, & felicissima hēreditatis cōditio, quæ tantum hēredem potuerit promereri. Non erat fa-

tis Dei uiui filio sua in Cælis, & Diuinissima quidem hæreditas, qua æterni patris, & sancti spiritus gloria frueretur. Quod in terris aliā quoque sibi asciscere uoluit hæreditatem. Non egebat sane Deus ipse quū esset, terrena hac, & uili admodum hereditate. Sed ipsa infirma, ac imbecillis hæreditas tanto hæredis splendore egere maxime uidebatur. Amauit eam, atq; ideo illam suscepit. Amauit, ut illam erigeret. Suscepit, ut custodiret. Custodiuit, ut saluam faceret, & suo sanctissimo numini cōsecraret. Ingrata quidem, & infelix hereditas si se tanto heredi maxime debere non nouerit, si amore mutuo, summaq; obseruantia, & pietate illum non prosequat. Qui ut illam ipsam sibi susci-peret, sua Diuinitate uacuum fieri uisusest, formā serui accipiens. Serua eras, & domina facta es. Ipse uero Dominus erat: & formam serui suscepit. Poterat te unico nutu ad suas eleuare sedes, sed summa pietate motus ea de causa uenit ad te: ita sane humilis factus, ut ad crucis mortem, & supplicium duci uolu-erit. Non enim aliter bonitate sua, & misericordia suscitare te uoluit, quæ iam perieras, & ab iniquitatis spiritu possidebaris. Perieras felix, & Deo grata hæreditas. Perieras, & inuenta es. occupabaris ab hostibus, & redempta es precio san-

guinis : Aca Deo tuo , & Domino ab ortu solis
 usq; ad occasum per omnes fines terræ possessa.
 Ad quos altissimi Dei rumor, & felicissima pene
 trarunt eloquia. Penetrarunt actu, & si non per
 homines (quod forsam quædā nunc, & non am
 plius uisæ, terrarū partes inuentæ sint) tñ per spi
 ritus sancti uocem loca omnia compleuerunt.
 Scriptū est. n. Spiritus Domini repleuit totum
 orbem terrarum, & hoc quod continet omnia,
 scientiam uocis obtinuit. Compleuit omnia spi
 ritus, ut postulata hæc hæreditas uniuersum hu
 manum genus complecteretur. At perditissimæ
 gentes, & populi se ab illa temere subtraxe
 runt. Quo factum est, ut ille ipse æternus pa
 ter, & Dominus Sanctissimo filio dixerit.
 Qui se ab hac tua felicissima hæreditate sub
 traxerint.

REGES ILLOS IN VIRGA FERREA;
 ET TANQVAM VAS FIGVLI CON
 FRINGES EOS.

VT. s. errores in primis suos agnoscant, &
 ad uitæ rectitudinem redeant. Deinde nisi redi
 re uoluerint, temporaneo prius, & Demum æter
 no supplicio puniantur. Misericors. n. & pius
 quemadmodum fuit, ita etiā hominibus uisus
 est Deus. Sed propterea summā suam, ac ineffa

bilē iustitiā non derelinquit,quinimmo illa ipsa
 manet(ut canitur)& perseverat in sēculū sēculi.
 Regi data est uirga, quæ recta sit ad obseruan-
 dam iustitiæ rectitudinem. Ad castigationem
 ferrea data est. Quod si facile hinc inde flectat,
 infliktionis merita non coequabit. Scriptū est.n.
 delicti quanta fuerit magnitudo, tanta esse de-
 bet afflictio:ut ubi in malum sit factus excessus,
 inde ad bonū reditus per oppositum fieri cōspi-
 ciatur. Qui corrigi non uult, & a iustitiæ semita
 declinauerit, ferrea uirga percutiendus est,& ad
 ima pellendus, ne uideat faciem Domini;sed in
 profundo tenebrarum maneat in sempiternum.
 Virga ferrea usus est filius, Dum diaboli pote-
 statem diminuit. Quæ passim per uniuersum
 hominum cētum,& absq; ullo discrimine debac-
 chabatur.Dedit.n.per aduentum suum sanctis-
 simum sacra. illis remedia, quibus communis
 hostis iacula reiicerentur: Ex lorica fortitudinis,
 galeaq; sapientiæ, ac Diuinæ pictatis Clypeo ar-
 mati letales amplius ictus non pertimescerent.
 Virga ferrea usus est Dei filius dum obstinatissi-
 mam gentium mentem uariis cruciatibus,& tor-
 mentis afflixit. Toties ob idolorum cultum in-
 uersa Roma,ob uanitates innumeras conflicta
 italia, Miser hic,aut ille mortuus imperator.

Toties concremata hæc, aut illa ciuitas, uastari
agri, Desolatae urbes, ut uere dici potuerit Deus
optimus uirgam uirtutis suæ constantissime ex-
ercuisse. Virga ferrea percussi sunt infelices iu-
dei, dum durissima obsidione afflicti, coacti
sunt inedia deperire. Virga ferrea percussi sunt,
quum maximum paterentur incendium, &
amisso templo, sacrificio, imperio, libertate, in-
tolerabilem modo hinc inde fusi seruiunt serui-
tutē. Virga ferrea, & inflexibili iniquorum ani-
mas Domine percussisti, & una cum corporibus
in tremēdo iudicii die percuties, ut ultio, & uin-
dicta, quam tibi seruaſti, suum locum obtineat:
Virga es tu, quam ex syon Emittendam decan-
tari percepimus, ut regnares in medio inimico-
rum tuorum, Regnares, & te magnum Regem,
& terribilem illis ostenderes, ac de tuis hostibus
inuietissime triumphares. Virgam, nō dormien-
tem Te uidit alius uates, uidit, & uigilantissi-
mam appellauit, quod rectissimus, & perspicu-
cissimus quidem sit tuæ prouidentiae oculus. Qui
quod suum est pro meritis unicuique distribuit.
Virgam peccatorum super sortem iustorum re-
linquere noluiſti, ne iusti ad iniquitatem ma-
nus suas extēderent. Virga tua, quam de radice
ieſe prodiſſe lætamur, & baculus tuus me con-

solatus est, & docebit quo nam a facie tua ausu-
giam. Virga Moseos in colubrum facile uerteba-
tur, ut ulciscantis iustitiæ mortalibus daretur
exemplum. Coluber in uirgam denuo mutaba-
tur, ut in ultione nunquam a rectitudine rece-
dendum esse demonstraretur. Vltus es Domine
in hunc modum peccata populi tui. Vltus es pas-
sionem tuam acerrimam, & ab inimicis tuis illa-
tam iniuriam superasti. Rexisti eos in uirga fer-
rea, atque ita rexisti, ut tanquam uasa fictilia unde
quæque confringeres. Non est consilium, aut po-
tentia aduersus Dominum. Fractæ sunt gentes,
& populi, fractus Demôn, fracta, atque mentita est
iniquitas sibi. Atque ideo nobis, quibus data est
potestas seruandi Domini hæreditatem, & in
eius uinea laborandi modus concessus est, exclamare licet.

ET NVNC REGES INTELLI-
GITE, ERVDIMINI, QVI IVDI-
CATIS TERRAM.

QVVM Enim diu aduersus Dominum
fremueritis, quum madata eius, & instituta san-
ctissima neglexeritis, iam tēpus est ut audiatis,
& intelligatis quæ Dei sunt abiicientes opera te-
nebrarum. Hactenus inania, friuola, fallacia me-
ditati non fidem, non caritatem, non uestras ani-

mas colere uoluistis. Quum nondū occasio abierit, qua possitis agere hæc omnia: intelligite uerbum Dei. Nec intelligatis solum necesse est: Verum etiam discatis illi obtemperare, & infallibilibus eius obedire mandatis. Quid enim prodest homini si libenter audiat, & quod audiuerit, operari nō discat? Vere audit, & intelligit, qui quod suum est, operatur. Qui integram Dei ueritatem in corde suo non atramenti, sed sanguinis characteribus descriptam conseruat. Qui dei manum ut uult, scribentem omnia in anima sua non impediuert: sed in eius fidem, & pietatem exarserit, Hic uere sermonem Dei audit, & audiendo intelligit, & intelligēdo semper obseruat. Nunc ergo Reges (ad uos Diuinus sermo cōuertitur) dum tempus est acceptabile, Dum in navigatione estis, quæ ad salutis portum directā est: Quæ errantium uestrorum, & infaniarum ueniam, atq; emēdationem potestis suscipere, Intelligite Dei uocem clamantem, & dicentem. O Reges erudimini, quoniā estis rudes, infani, & miseri. Erudimini, qui iudicatis terram. Non. n. super terram recta esse queunt uestra iudicia sine Diuina eruditione, Sine spiritu quomodo in spiritu iudicare potestis? Qui. n. recte iudicat, in spiritu iudicat, & qui recte loquitur, in spiritu lo-

quitur. Quoniā scriptum est. Non estis uos, qui loquimini, sed spiritus patris uestri, qui loquitur in uobis. Falsa erunt, quæ dabitur in terris sine eruditione iudicia, Namq; erronea quoque sunt ea, quæ intrinsicus in peccatis uestris quotidie celebratis. Ex immundo corde mundum aliquid exire non potest. Et quod diu emarcuit, in putredinem erumpere opus est. Erudimini igitur Reges, & terram postea iudicate. Terra, n. sancta est, & iudicia iniqua diutius ferre non potest. Sancta est terra, quoniam sanctus Dominus. Qui eam in mūdi medio pro hominum, qui sancti essent, habitaculo collocauit. In medio sita est terra, ut qui illam iudicare uoluerit, intelligat inter extrema uirtutem & qua lance consistere; Et in qua seipsum prius, deinde alios iudicet. Docuit enim nos & uitæ, & salutis nostræ optimus institutor Iesus facere prius, & postea alios edocere. Exēplum (inquiens) dedi uobis, ut quemadmodum ego feci, ita & uos faciatis. Terra etiam sancta est, quod prima luce una cum Cēlo creata conditoris sui bonitatem, & potestatem edocuit. Quæ item una cum cēlo creata est, ut ex terra cēlum fieri posse homo concipiat, si recta iudicia dare uoluerit, & in sanctissima eruditione permanserit. Ad uos Reges

II

pro omnibus Diuinus sermo conuertitur. Vos
eosdem ut erudiimini hortatur, & prouocat.
Quoniam illi ipsi estis, qui iniustitiam præ aliis
colitis, qui durissimis bellis, & innumeris im-
pietatibus manus datis. Vos uocat, & enixe pre-
catur Deus, ut duritiem insipientiæ uestræ, & ini-
quitatū furores a uobis procul abiiciatis, Enim
uero autoritate uestra malis omnibus comple-
ta sunt omnia. Et ab eo multum hæreditatis sub-
trahitur. Pro qua se moribundū offerre uoluit,
ac in maxime laudis sacrificio ueluti saluberrī-
mam hostiam immolauit. Erudiimini primum
oportet, ut deinde gentes, & populi resipiscant,
& una uobiscum Domino in timore deseruiant.
Quocirca.

SERVITE DOMINO IN TIMORE,
ET EXULTATE ILLI CVM TRE-
MORE.

SERVITE Illi primum, ut ipsi postea
uerissimam, atq; gratissimam seruiant seruitutē.
Seruite Domino, quoniam felix est ea seruitus,
cui præparatum est Regnum in cælis. Felix ser-
uitus, quæ suauissimū iugum imponit, & leuissi-
ma onera perpetuæ iucunditatis adducit. Id ser-
uire est cæteris imperare, uitia depellere, carnem
domare, malignos calcare spiritus: innumeras

mundi sordes abiicere, cēlos scandere, & coram
 Diuinæ maiestatis throno sese statuere in sem-
 piternū. Cum timore est Domino inseruiendū.
 Quoniam timor ab amore, & ueneratione suum
 capit exordium. Bonus, sanctusq; Dei timor,
 quem propheta sapientiæ initium appellauit,
 est cum desiderio, & spe salutis coniunctus, om-
 nenq; dubietatem, & merorem ab animo procul
 abducit. Neq; coactæ, aut miseræ seruitutis est
 iste timor, sed amoris, & uoluntatis, sed iucundi-
 tatis, & gratiæ. Timēdum ergo est, ut uehemen-
 tius Deum amemus. Timēdum ne forte quum
 minus illum non timendo colamus, eius in nos
 gratia, & pietas minuat. Felix timor, qui uero,
 & expectatissimo gaudio iungitur. Felix pauor,
 qui in sanctissima dum adest, se nouit seruitute
 gestire. Deo inseruiunt Angeli, & summo illi ue-
 nerationis obsequio subministrant. Seruiunt,
 timent, gaudent, Dominantur sua sorte cōtenti,
 & altissimo de acceptis beneficiis immortales
 gratias agunt. Atq; ideo uos iidē Reges, & Prin-
 cipes, neq; uos ipsi solum, uerumetiam uniuersæ
 hominum nationes, & populi seruite Domino,
 illi obsequimini, illi obtemperate, Dominum
 colite, & suprema uenerationis formidine prose-
 quimini. Nāq; timor iste exultationis esse dicet:

II

Et cum tremore peccatorum Diuinæq; ultionis exultatio erit admixta. Tremat peccator, quoniam iam Deum offendisse cognoscit. Tremat iustus, ne peccatis Deum sibi iratum, aut insensum reddat. Exultat, uero quum nouerit eius obedire mandatis. Non ita tamen exultat, ut non debeat semper orare, suisq; precibus illum proerratis ad pietatē deflectere. Quoniam nemo adeo iustus est, quin quotidie iniustitiæ laqueis capiatur. Atq; ideo scriptum est. Qui se stare cognouerit, uideat ne cadat. Modesta esse debet exultatio nostra, si in peccatis, quæ ad mortem sunt, nos non esse perpendimus, aut coniectamus. Quum nemo sane tutus sit, dum in hac mortali uita peregrinatur, aut intelligat, dignus ne sit ira, uel odio. Timor ergo in Deum suum eleuat caput, tremor ad Dei uindictam, & peccata ne admittantur, dirigitur. Cum ueneratione summa, & obediētia iunctus est ille. Hic uero cum moderata exultatione actionum bonarum.

QVAMOBREM Nos hac in seruitute positi, hoc gaudio, & exultatione affecti, hoc timore, ac tremore compuncti uocamur a Domino, & ad capiendam eius disciplinam assidue incitamus. Inquit, ne

APPREHENDITE DISCIPLINAM NE, QUANDO IRASCATUR DOMINVS, ET PEREATIS DE VIA IUSTA.

APPREHENDITE Disciplinam inquit, non ut sciamus tantum, sed etiam ut quæ ipse cum prophetis, ac legibus iusserit, obseruemus. Ex seruitutis obsequio timor, ex timore gaudium, & exultatio, ab hac autem disciplinæ apprehensio est subsecuta. Qui enim recte Domino inseruit, timet illum, & summo opere ueneratur. Qui uero eum ueneratur, & colit, certe non gaudere, aut exultare nõ potest. Qui autem gaudet, & exultat in Domino iam perfectæ eius disciplinæ, & sapientiæ factus est capax. Quæ præparauerunt illa, hæc ipsa complet, & optatum finem inducit. Non. n. statim in seruitutis initio capit homo domini disciplinam, sed multorum Dierum labore, & studio opus est, antequam ad eius perfectionis gradum perueniat, qui etiam dum gradatim ad lumen ueritatis accedit, meretur magis, & stabilius in proposito permanet. Disciplina hæc sancta, & immaculata, Ad quam capiendam, immo apprehendendam uia Domini uoce sedulo inuitamur, est, ut credamus, amemusq; & iustitiæ opera exqua

mur: Vt abiiciamus cordium nostrorum fremitus, & detestandos affectus: Vt erroribus (siqui sunt) & impietatibus eliminatis, pietissimalux ueritatis appareat: Vt deniq; pace sancta, & letissima animi quiete iter fideles cōposita, Deo uiuamus, non Demoni: Amicis, non hostibus opiiulemur. Apprehendamus disciplinam hanc ipse Dei filius, qui patris est non discipulus, sed disciplina, nos ita quidem hortatur. Nanq; plus satis apprehendere est, quam capiendi modus ostendat.

APPREHENDAMVS Itaq; disciplinā, sed prius erudiamur, quod implementum sapientiæ esse non potest, nili eadem tanquam fructus lectissimus post inaximam agriculturam in animo recipiatur. Apprehendamus igitur hanc disciplinam, ut post fructuosos, saluberrimosq; labores Dei uiui filium, qui uera est disciplina, & sapientia patris, deosculemur. Tunc n. id perfecte erimus assecuti, quando non amplius inania meditati uitæ huius ambages, & misérias despicimus. Quando erimus tecum Domine in tua celeberrima, & decātatissima, quæ nos expectat, patria cōstituti. Nunc uero ueluti in caligine tenebrarum immersi cęcutientibus oculis illū exosculari non possumus. Non n. nostra impuri-

Psalmus

tas patitur, ut cum tantæ sinceritatis lumine cōiungamur. Osculabimur filium tuum Domine si recte, & pro tui uoluntate uixerimus. Osculabimur, ac perpetuæ cum eo futuræ pacis illi dabimus signa: posteaquam erimus & sensuum, & malignorum spirituum, & perfidorum hostium pugna, atq; periculo liberati. Osculabimur filiū, & puris cordibus, mentibusq; sinceris adorare poterimus, quē modo suspicimus, & tanquam per tenebrosū speculum eius imaginem ueneramur. Apprehendamus itaq; illum, & disciplinam eius exosculemur, ac sincerissime in præfenti uita (ut possumus) adoremus: ut uera eius possessio, uera coniunctio, uera adoratio in alia deniq; subsequatur.

NE FORTE Si nostra ignauia, torpore, iniquitatibus diutius desipiamus, nobis irascatur Dominus, & e iustissima rectitudinis uia in profundum baratrum præcipitemur. Iustus est enim Deus, & iustitiæ suæ illum non pœnitabit. Quam quotiescunq; acriter pro scelerum magnitudine exequitur, irasci, aut indignari describitur. Si igitur disciplinam Domini consequemur, in p̄mium nobis propositum est diuinę Maiestatis osculum sempiternum. Si uero nostra culpa (quod neq; secus fieri potest) uoluer

II

rimus illam apprehendere, nos manet sine fine supplicium. Quod quandocumq; pro demeritis nostris eueniet, breuissimo interiectio tempore euenisse dicetur. Idq; erit omnino.

QVVM EXARXERIT IN BREVI IRA EIVS. BEATI OMNES QVI CONFIDVNT IN EO.

TVNC Enim ira Domini exardescet, & ad summum indignationis gradum cito peruenisse uidebitur, quoniam celer, atq; nimium uelox est, quantumcumq; retardauerit irreparabilis perditio animarum. Breui post futurum est seruatoris nostri iudicium, quo una cum corporibus animæ æternis suppliciis demandabuntur. Breui inquam futurum est, quod nunquam a miseris expectatum: & respectu sempiternæ miseræ ea temporis dilatio nulla est. Breuis est etiam omnis temporis magnitudo ad Dei oculum comparata. Namq; (ut scriptum est) mille anni sunt in conspectu eius tanquam dies externa, quæ præterit. Beati ergo illi, qui cōfidunt in eo. Qui confisi prius ita demum confidentiæ opera exercebunt, ut neq; gētium fremitus, neq; populorum uanissimæ cogitationes, neq; Regū consilia, neque Principum authoritates, neque arma, neq; uis ulla inde illos unquā abduxerit.

L ii

SIC TV Domine, qui unigenitum tuum
 hodie, quem genuisti, allocutus es, & super san-
 ctam tuam ecclesiam Regem cōstituisti, ut sibi
 promissam hereditatem sanguine compararet,
 fac queso, & obsecro, ut post nostram toto ani-
 mo tibi oblatam, ac pręstitam seruitutem, sua-
 uissima eiusdem filii tui oscula capiamus in
 Coelis. Vbi tecum uiuit, & regnat Deus cum
 sancto etiam spiritu per sæculorum omnium
 sæcula. Amen.

• III

IN PSALMVM: DOMINE QVID
 MVLTIPlicATI SVNT. QVI
 FVGA DAVID A FACIE
 ABSALONIS FILII
 SVI INSCRIBI
 TVR. ET
 EST. III.

n Onne fatuus, & infanus
 sum ego Domine, si credā
 te uero nomine appellare
 dum tua pietate me sinis
 tecum loqui hoc incarnis
 ergastulo cōstitutum: Dū
 te Dominum, aut Regem
 Regum, & Altissimum
 uoco, dum te rerum omnium cōditorem, Deum
 optimum Maximum esse commemoro: Nonne
 quum mentis inops, & pauperrimus sim, qui
 uias tuas inscrutabiles esse percipio, & diuitia-
 rum tuarum altitudinem metiri non possum, te-
 mere audebo uelle impura, quæ concipio, tibi
 nomina imponere? Magnum • n. illud est, San-
 ctum, atq; terribile (ut scribitur) quod quoti-
 die magnificamus, suspicimus, & super omne
 nomen esse fatemur. In quo etiam spes nostræ

fixæ sunt omnes, & ante solem permanet. Neq̃
illucere unquam poterit, nisi in diebus eius iusti
tia, & abundantia pacis appareat, propulsata a
nobis Lunæ opacitate. Quæ assidue nobis impe
dimēto est, dum in uitæ huius catceribus immo
ramur. Sunt. n. de te omnes nostrę cogitationes,
& nomina ab operibus tuis accepta, Quæ quidē
tua magnitudine adeo excellis, ut id inuestigari
nō possit. Serui tui sumus, atq; ideo te Dominū
appellamus, creasti nos, & creatorem uocamus.
Sed hæc omnia indigna sunt Maiestate tua, lō
geq; magis aliena, quam ut credamus tibi ple
nis significationibus conuenire. Quattuor litte
rarum, & sane Sacratissimum nomē tuum He
bræi summo opere uenerantur, quo te unum esse,
& omnia explicent. Sed neq; illud est, quod im
mēsam tuam amplitudinē equare possit. Immo
& sincerissima singularitate, & præstantissimo
rerum omnium. complexu diuinius quoddam
es, quod neq; mente attingere possumus, neque
lingua proferre. Quocirca arcana Dei, quæ uide
rat diuinissimus Paulus, homini explicare non
licuisse dicebat. Parce igitur Sol omnium splēdi
dissime si a tuo lumine appellationes nostrę defi
ciunt. Satq; tibi sit te, quod nō es, nostris nomi
nibus uocitari. Simul etiā inclina aures tuas ad

preces nostras, atq; ita nos precor exaudi, ut quā de passione filii tui, & populorū in eum cōspiratione dixerimus, sanctissimam eiusdem resurrectionem cum propheta enarrare possimus, & cogitare quantum mortalium persecutiones indoleas. Quas tanquam Magnus ille Citharedus Dauid filium Absalonem (qui patris luctus, aut gemitus interpretatur) aufugere uisus es. Dicebat igitur sapientissimus Dei filius.

DOMINE QUID MVLTIPPLICATI
SVNT QVI TRIBVLANT ME?
MVLT ENIM CONSVRGVNT
ADVERSVM ME.

QVID Inquā illud sit, declara Domine, Non mihi, qui omnia tecum intelligo, & ab æterno minutissime accepi, sed iis, qui hæc scire cupiunt, & desiderant aduentum meum. Declara inquam Pater optime, & mentibus eorum infige, ut detestandam iudeorum impietatem quotiescunq; meminerint, noscant a se suas errorū miseras propulsare: & nequaquam cum multitudine abeāt (multi. n. uocati sunt, ut scribitur) sed electorum paucitate lætentur. Qua arctam, & angustam uiam Domini, quæ ad salutem ducit, inueniant. Declara Pater benignissime si malignorum hominum perditionem doleas, & in

Psalmus.

gemiscas, & de unius tantum pœnitentia maior
rem, quam de plurium iustitia lætitiā capias,
quid in causa fuerit, quod permisisti eorum nu
merum adeo augeri, ut non esset, qui bene age
ret, aut de te bene sentiret, & fortasse ne quidem
usq; ad unū. Declara pater, & aperi populis tuis
secretum antiquissimę uoluntatis tuę, & reuela
oculos eorum, ut intelligant se sua culpa, & ma
ligno spiritu periisse, qui iam iustissimo tuo iu
dicio perierūt. Qui uero sunt in pereundi peri
culo constituti, pedem referant a lapsu, & ad te
uiuum, & uerum Deum propria ora cōuertant.

DECLARAVIT Deus per naturam
prius mortales suo conditos fuisse arbitrio. Quo
quicquid mallent, prosequerentur, & cuperent.
Declarauit per prophetarum oracula uenturum
uerbum Dei. Id iam uenisse confirmarunt Apo
stoli. Et opera eius in primis celeberrima docue
runt. Scriptum est. n. si mihi non creditis, saltem
operibus credite. Habenda erat fides operibus,
quod scriptis tātum, & sermonibus assentiri no
luerint. Quæ tamen eorum animos non commo
uerunt, ut crederent. Sed accumulatis odiis ad
eam sane multitudinem deuenerunt, ut innu
meri, & sine ordine positi in seruatorem truces
(si potuissent) manus iniicere uoluissent. Mul,

III

tiplices etiā facti sunt inimici tui Domine postquam immundę eorum manus tuo innocentissimo sanguine maduerunt. Atque ita eorum est ad auctus numerus, ut mirū certe sit, unde amisso imperio, Templis, & sacrificiis, profugi, ac per totum terrarum orbem dispersi plures, quā credere par sit, fuerint propagati. Id certe non alia ex causa factum esse coniecimus, quam ut in peccatis uiuentes erumnas augeant suas, & tanti perpetrati sceleris conscii denique relapsant. Scriptum est, n. multiplices fecisti gentes, & non auxisti letitiam.

LOQVEBATVR Cum patre æterno filius ac cum Dominum uocitabat, quoniam pater. Cui uenerationis nomē debetur: licet uterque fuerit in summa æqualitate consistens. Dominū appellabat, quatenus esset futurus homo, ac eo ipso satis natura inferior. Cum eo inquam loquebatur, ac in modum iustę quærimonię uerba huiusmodi proferebat. Conquarebatur multitudinem miserationum nostrarum, & sese iniquitates nostras laturum ingemiscere uidebatur. Indolebat animarum, quas cōditurus esset, perditionem, & declinantium a ueritate numerum expauescebat. Cōquerebatur plenā luctus, & miserię futuram Hierusalem. Et quæ Domi-

M

mina gentium appellaretur, in teterrimam seruitutem lapsuram. Lamentabatur funesta, ac innumera impiorum arma sibi a sceleratis manibus inferenda. Ac ipse idem dum in humanis esset, & passioni propinquus, ea de re quammaxime lamentabatur. Inquiens si fieri potest, Pater optime, abeat a me Calix iste, & acerrimum amaritudinis poculum transeat: sed tamen fiat uoluntas tua. Non horrebat hostium multitudinem æque ac illorum errorem. Non atrocē adeo afflictionem (si fieri potuisset) euitare habebat in animo, ut magnum quidem numerum perditorum. Infestatio hæc illi maxima fuit, & perturbatio, quod sapientia sua spectaret omnia, & bonitate pulchra, ac perfecta eadem fieri uoluisset. Fugiebat pie quantum in eo erat cruciatum futurum, & causam eius maxime fugiebat. Fugiebat Pater filii luctum & gemitū, filius acerrimū iustitiæ exitum ægreferebat. Sed nostra fuit iniquitas, & quo accensi ambo erant in nos ardentissimus amor, qui eos ad huiusce miserationis assensum induxerit. Quum enim flagrantissima caritate humanum genus Deus ipse diligeret, æterni patris filius animam posuit pro amicis suis. Et pro eis quidem amicis, qui illum toties infestarunt, qui animis, linguis, operibus

agminatim consurrexerunt in eum. Infestarunt illum, ac maxime perturbarunt iudei, antequā ueniret in mundum. Sed postquam uenisset, nō solum infestarunt, uerumetiam multiplici ingenio quāsiuerunt Regnum, auctoritatem, & nomen eius inuertere. Infestant quoq; miserrimi sacerdotes, qui pientissimum eius, & diuturnum dogma scindere satagunt: deq; innouatione sæculi hoc tempore maxime gloriantur. Neq; ipsi solum, sed etiam innumeri iniquitatis filii corū contagio propagati debacchantur in eum, & aduersus illius pietatem armati castra ponere uisi sunt, non cum hominibus, sed cum eo ipso dogmatis authore decertaturi. Quocirca in sanctissimi mo^{do} quod sapenumero habuit cum Patre colloquio, conquestus dicere consuevit.

MULTI DICUNT ANIMAE MEAE;
NON EST SALVS IPSI IN DEO
EIVS.

NQN Satis enim erat perfidis, & iniquis iudeorum cohortibus in tui necem sili optime conspirasse, te alapis percussisse, uinxisse, flagellasse, Caput, manus, pedes, latus acerrime trāse fodisse, Totum corpus in crucis aram crudeliter distendisse, nisi tuæ etiam animæ sanctissimæ insultarent, & dicerēt, Non est salus ipsi in Deo.

M ii

Psalmus

eius, Cogitabant, n. te ideo Deum non esse, quod ea uis animæ nō appareret, quæ indissolubilem corporis compaginem continuisset. Aut. n. (ut Saducci) hominum animas una cum corporibus interire putabant, Aut si anima superesset, tibi illam non fuisse Diuinam. Arbitrabantur miseri, & infelices se inuitum exitio tradidisse. Putabant diuinæ animæ uim ita corpori (si Deus esses) fuisse coniunctam, ut per quācūq; ei illatam iniuriam dissolui non posset. Non poterāt crassa sua minerua, ac terreno nimium spiritu contemplari quod moribundum esset, Diuinitatis uinculo fuisse connexum. Non poterant inquam illud agnoscere, quoniam dictis eius, factis, professione, præceptis, institutis, uita se in primis obiicerent. Non agit Deus, nisi ubi actionis suæ paratam sedem inuenerit. Non effundit Sol lumen suum, ubi ad alterius arbitrium tenebræ continentur. Non illustratur domus, aut specus, quæ sit ita undecūq; conclusa, ut Astri radius illam penetrare non possit, Se reddiderunt insensos Diuino corpori scelerati, & imundi iudei. Er propterea animæ non detrectarunt offensam. Illi. n. una cum corpore iniuriam intulisse arbitrabantur. Quam etiā si abintestina a corpore persequi maleficio potuissent,

III

utiq; persecuti fuissent. Tanta.n. erat apud eos non hominum, sed ferarum rabies, liuor, iniquitas, ut non corpori solum, quod cruci affigendū unanimes statuere, sed etiam animæ maxime inuiderent. Atq; ideo scriptum est, & non pepercerunt animæ meę. Non pepercerunt, quoniam fortasse rumor erat in populo Te uerum Deum esse, & postridie resurrecturum, quod dixisses templum ubi destructum esset, te Trium dierum spacio instauraturum. Dicebant ergo non est salus ipsi in Deo eius, quoniam de salute, quam proposueras populis, formidabant, ob id solum ne. s. ab eis imperfecti ritus, & cerimonie, leges, & imperium auferretur. Dicebant tibi nō esse salutem in deo tuo, quoniam ita futurum cuperent, Tibiq; non tantum, aut animæ tuæ hāc obloquendi, & dirius sentiendi iniuriam intulerunt, ut quam non possent, salutem adimerent: Sed etiam in deo tuo patre optimo tibi illam nō esse testatissimis uocibus significarunt. Dicebāt enim uah, qui destruis templum dei, & triduo illud instaurabis: Audiuerunt miseri pientissimam tuæ humanitatis uocem, dum animam agebas in cruce. Qua Deus Deus meus, cur me deseris, proclamabas. Et lamentationes illas ex utraq; tui partē tam Diuina, quam humana pro

latus intellexerunt, quod obcecati essent, & sua culpa in tenebris ambulant.

AT TE Precor Clemētissime fili cur dum huiusmodi uerba obloquerentur iudei, tibi postea in Deo tuo salutem non esse illos dixisse commemoras? Nonne alius es tu, & alia est anima? Quis. n. est usq; adeo mentis inops, qui nesciat totum hominem ex duplici corporis. s. & anime constare natura? Quomodo igitur tibi non esse salutem dixerunt, si id de anima falsi sunt? Quē quum ita supplex interrogo, sentire uideor in meis auribus intonare. Verum, & interiorē hominem omne corpus excludere. Alius. n. (ait Diuinus sermo) interior homo ē, & exterior alius, quum igitur tuā animā salutem non esse commenti sunt, tibi etiam, qui tua es anima, illam cogitatu uisi sunt adēmisse. In Deo tuo tibi, atq; animā salutem nō esse asserēbat impietas, quod neq; post interitum, neq; dum uiueres quicquā tui aut cogitatu, aut operibus diuinitus actum fuisse crediderit. Neq; solum te Deum non esse ex aperto uoluit ostendisse, uerum etiam si simplex homo fuisses, Te Deo, quem tuum esse dicebas, insensum existere. Vere tuus erat ille, & nequaquam eorum Deus, Quoniam non agnouerunt illum, sed auerterunt oculos uanitatis a

III

pulchritudine, & decore ipsius. Deus tuus erat; immo unus, & idem tecum natura Deus, qui est beatus in secula. Quia non crediderunt impii, in ueritatis testimoniū coacti sunt (sic te uolente) fateri. Et tu sapientissime fili ter eorum commemorata multitudine ineffabilis trinitatis in te re lucentis Mysterium attigisti. Multi. n. in spiritum, In aquam Multi, Multi in sanguinē (quæ quidem tria unum sunt, & de ueritate tua testificantur in terris) impias iniecerunt manus. Multi primum, quoniam ignobiles, & imperfecti, Nanq̃ ideo es tu rerum omnium præstantissimus, quia solus Deus, & in summa simplicitate consistens. Multi, quia confusi. Multi, quoniam ingenio debiles, & spiritu imbecilles in multitudine sanguinis ædificati. At tu, qui præter uana eorum desideria, & blasphemias anime tuæ in Deo tuo, quam uere nunquam amisisti, salutē fueras affecutus, uisus es cum patre tuum cōtinuasse sermonem, & ad nostrā (ut scriptum est) eruditionem dixisse.

TT AVTEM DOMINE SVSCEPTOR MEVS ES, GLORIA MEA, ET EXALTANS CAPVT MEVM.

MENTITI Enim sunt in corde suo, qui

oppugnabant me gratis, & defraudati sunt, quoniam neque corpori, neque animae meae salus unquam, aut conservatio defuit. Quodque periisse uisus sum illis, id factum est, quoniam uolui. Neque uere me periisse confiteor, Sed animam meam paucis horis a corpore propria uoluntate seiunxi, ut me Deum ostenderem. Seiunxi animam, & de nouo illam coniunxi, ut maius esse mihi, a te Deo meo collatum beneficium uideretur, quam si nullo unquam tempore ea utriusque partis in me disiunctio facta fuisset. Susceptor enim meus es tu, quod ab aeterno, quem genueras, deseruisse non poteras. Susceptor, quod si in terrenum mundum me miseris, in celum sumpto humano cortice me faustissime reuocasti. Susceptor, quoniam gratissima omnia, quae pro te egerim, fuere tibi meae seruitutis obsequia. Audita est enim uox illa tua dulcissima. Hic est filius meus dilectus, in quo mihi complacui. Susceptor meus es tu, quia & animae, & corpori concessum numen nunquam te authore dimiserim. Susceptor, quia tecum semper in celis eram, etiam postquam me in hunc mundum misisti. Et quum ad te homo redierim, qui non eram prius, me hominem tibi pro tua in me pietate gratissimum suscepisti. In tua enim gloria, qua semper maxime gloriatus sum, posui

III

gloriam meam: immo honos tuus, & gloria mea est. Ipseque (ut uerius dixerim) gloria mea semper fuisse: In qua ergo speraui. Vnde fortitudinē & constantiam aduersus eos, qui infestant me ueluti quodam uirtutis tuæ Clypeo protectus, accepi. Inde uictor factus, & mortem exuperans inferni Claustra reueraui. Opima animatum spolia retuli: Et coram solio Maiestatis tuæ magno liberatorum agmine de hoste infensissimo triumphauī.

QVO Etiam factum est Pater, ut caput meum, quod ex tuo prodiit capite, plurimum ex altares. Caput inquam illud, quod Corona spinea unquamq; cōsolum, & sanguineis riuulis madidum spectabatur: Caput sedissime elatum in crucem: Cui non erat uox, neq; decor, neq; ullū a mortalibus beneficium, despectum, laceratū, iniquorum manibus subditum: Caput inquam illud te authore, qui es gloria mea, uisum est ex altari super choros angelorū ad Cēlestia regna: Tuq; sanctissimo capiti propinquum factum ad tui dexteram collocasti. Quē quidem locum (ut scribi uoluisti) mihi paraueras, donec pones res hostes meos pro scabello pedum meorum. Felix capitis exaltatio, quæ tantam pedum elationem obtinere promeruit. Felices pedes, qui

N

Psalmus.

tanto capiti tam magnificum, tam splendidum, tam gloriosum parauerunt ascēsum. Felix triumphus, qui tanta patrum expectatione, & ineffabili trinitatis gaudio subsecutus est. Felices animæ in Triumpho ductæ tui Augustissimi capitis, Beatissimorum pedum, excelsæ Dexteræ tuæ innumeras, ac perpetuas laudes decantantes. Non enim erant amplius squalore affectæ, aut tenebrarum caligine offuscatae. Non angustia Terrarum præscriptæ, aut temporis molestia perturbatae. Sed uiuaces, & splendidæ, liberæ, & in optatissimo beatitudinis termino constitutæ. Neq; minus felix caput in tui uicem a te relictum fuit in terris. Vsq; adeo enim exaltatum est, ut illi pro tua in ipsum, & ecclesiam pietate, ligandi, atq; soluendi auctoritatem concesseris. Quæ Regnum, & Imperium super omnes alios Reges continere conspecta est. Decentissime igitur subdere potes, & tuis uerbis sanctissimis attestari inquitens.

VOCE MEA AD DOMINUM CLAMAVI, ET EXAUDIUIT ME DE MONTE SANCTO SVO.

VOX Enim tua erat, qua ad Dominum, ut te pro humani generis salute exaudiret, Clamasti. Et uere tua, quoniam ea ipsa eras, quæ me

III

dium opportunum fuit, & maxime instaurationi
nostræ conueniens. Vox inquam tua, immo uer-
bum ipsum es, per cuius incarnationem salui
facti sumus, & exaudita est oratio tua, quam ab
æterno in supremo trinitatis cōcilio proposuisti.
Vbi tuus, qui tecum, & sancto spiritu idipsum
precabatur, aderat Pater. Quem semper ebedien-
tiæ causa, qua in terras seruandas descensurus
fueras, Dominum appellasti. Voce tua clamasti,
dum inter homines uersatus preces fundebas al-
tissimo, ut Post destinatum tibi uitæ exitum re-
surrectionis palmam concederet. Voce tua non
ideo reuiuiscenciam exorasti, quod nescires, aut
dubitares illam suborituram (Nanq; unus, &
idem Deus ante carnē, & in carne semper fuisti,
qui omnia nosceret, supremoq; Maiestatis im-
perio gubernaret) Verum ideo te clamasse, &
exauditum esse memineris, quod nos perpende-
re uoluisti quantus erat tuus in mortales amor,
& desiderium salutis eorum. Neq; uereor etiam
profiteri dum in horto, aut in cruce uocē tuam
ad Patrem misisti, qua homo eras, alterius cen-
ditionis, & summum quidem affectum, quo pro
pterea detinebaris, te orantē ostendere uoluisse.
Pro tuis enim persecutoribus pientissimæ audi-
tæ sunt preces, atq; illis, ut ignosceretur, erasti.

Pſalmus

quoniam nescirent quid facerent. Non egebat clamore tuo, aut precibus pater in Cœlis, quod & ipse perlustrans omnia id quod impetraſti, ab æterno futurum ſuis legibus ſtatuiffet. Verū ad noſtram eruditionem huiusmodi commemorata ſunt omnia, ut nos filios eius factos eſſe facilius agnoſceremus. Et cum admirabili eiufdem exaltatione pariter attolleremur ad Cœlos. Clamaſti igitur, & exauditus es a patre de mōte Sancto ſuo. Cuius quidem cacumen in Cœlum uſq; elatum eſt, & amplitudinis eius meſura dari non poteſt. Mons. n. iſte quid aliud nobis, quam ſummam, & infinitam Dei bonitatem ſignificat? Qua creati ſunt cœli, ſubſiſtunt Elementa, ac omnia, quæ in eis ſunt cuiuſq; generis animalia. Ab hoc monte tanquam a præſtantiffimo ſeminario omnia prodierunt: Ad quæ item omnia enituntur, ut redeāt, quatenus in ſua perfectione, & ſalute conſiſtant. Ex hoc ipſo ſanctitatis Monte Dei filius exclamauit ad Patrem, & exauditus eſt. Quem ambo una cum ſancto ſpiritu ſingulari authoritate, & fauſtiſſime quidem inhabitāt. Terrenum quoq; Principatum, qui patris etiam dici poteſt, quo Chriſtus Pontifex futurorum bonorū fuiſſe deſcribitur, Mons iſte ſanctitatis declarat. Super quo fundati ſunt

III

montes alii, qui successiuis temporibus supremam ligandi, & soluendi nacti sunt auctoritatem, Pro quo etiam monte filius patrem orauit ne deficeret fides eius, sed una cum sanctissima eius ecclesia usq; ad consumationem sæculi perduraret. Quam supra eundem montem ueluti supra stabilem, & incōcussam Petram extruxit, ne aliquando aduersus illam præualerent inferorum hostium potestates. Extruxit moriens, & erexit resurgens, ut gloriosa eius esset uictoria, magnificusq; triumphus in conspectu omnium populorum. Quo factum est, ut idem de seipso dicat, quum se a Patre exauditum esse meminerit.

IACVI, ET DORMIVI, ET EXVRREXI, QVIA DOMINVS SVSTENTAVIT ME.

VBI Se hominem ostēdens aliorum more iacuisse commemorat, & dormiuisse, Sed alio quidem & feliciore modo a somno, Domini uirtute quæ sua etiam erat excitatum fuisse. Paucis gloriosissimus filius & casus, & erectionis suæ narrat historiam, ut quemadmodum nullo indiget ipse, aut pater eius, quo quæcunq; uoluerint, exequantur, ita etiam uno uerbo huiusce modi resurrectionis Mysterium intelligatur.

Iacui (inquit) Dormiui, & exurrexi. Iacui, quoniam uolui, ac ita quidem, ut mortis somno detento mihi mea a corpore separata sit anima. Nam si obdormire uoluerim, opus fuit, ut prius meo arbitrio iacuissem. Vis enim mea, quæ mihi erat peculiaris, & propria, uis Diuina, & supremum mihi concessum numen, quod mortis somno detineri debueram, iacuit, & permisit humana, atq; mortalis conditio, ut natuum suum cursum perageret. Si, n. obstitisset erecta, neq; uoluti iacens permisisset corpus in propria natura persistere, certe nunquam obdormire, aut emori potuisset. Iacuit etiam, & dormiuit Optimus filius, quoniam statim ab obitu non resurrexit, Quum enim modico, ac tenui quis somno affectus paulopost expergiscitur, iacuisse potius dicitur, quam dormiuisse. Obiit autem, neq; subito a mortuis resurrexit. Sed tertio die resumpto ab anima habitaculo, uisus est, quæ deinceps perpetuæ forent, uigilias celebrasse. Somnum uero, aut somni cuiusdam initium mortem ideo uoluit appellare, quod una cum corpore non intrinsecus spiritus. Quemadmodum & mortales cuncti emorientes obdormire dicuntur. Vis. n. quæ intrinsicus corpus fouet, ac uiuidum facit, dum recedente anima nequaquam extinguatur, uigi-

Iat: Et corpus ipsum eadem priuatim obdormit. At uerior quidem, & admirabilior seruato-
ris appellandus est somnus. Quoniam superstes
anima rediit, Et, quo pars utraq; etiā disiuñcta
Diuinitatis uinculo detinebatur, nunquam solu-
ta fuit, sed Augustissimo denuo illi consortio co-
pulata. Felix casus, quo nos pariter tanto autho-
re sumus erecti, Felix somnus, quo perpetuo ui-
gilamus, Felicior resurrectio, qua aeternis mise-
riarū laqueis liberati tibi omnipotens fili iuges,
& immortales gratias decantamus. Semel resur-
gere uoluisti, ut duplici nos resurrectione dona-
res: Et sicut scriptum est, tanquam celi sydera
effecti tecū in claritate perpetua habitaremus.

SUSTENTAVIT Te Dominus, ut
suscitaret uerus, ac bonus pastor, qui oues suas
non amplius expoliaret, uoraretq; sed custodi-
ret, & spiritali pasceret cibo. sustentauit corpus,
ne in putredinem facile erumperet, Non enim
datum est sanctum tuum uidere corruptionem.
Sustentauit, & paruo interiecto tempore ad Ce-
lestia una cum anima transtulit. Diebus tribus
in sepulchro delituit, ut Beatissimæ Trinitatis
numero felix illa requies honestaretur. Neq; ta-
men tres illi ab obitu integri connumerati sunt
dies, Sed una cum dimidia luce, & duabus, nte

gris noctibus describuntur. Quemadmodum maiores nostras esse tenebras, dum hac in uita sumus, quam lucē uoluit explicare, ut eniteremur assidue quæ sursum sunt sapere, si una cum illo a peccatis nostris consurrexerimus, non quæ super terram. Quadraginta etiam horarum spacio totum illud tempus distinguitur, ut ueluti quadraginta annis mansit Israeliticus populus in deserto, sic ipse consimili horarum numero donec sanctos Patres secum abduceret, apud inferos extra corporis habitaculū fuisse percipiatur. Eidem etiam numero consecratum est ieiunii tempus, quo ipse idem quadraginta diebus, & noctibus a cuiusq; generis alimentis abstinuit. Quadraginta quoque, ut a peccatis auerteretur, Niniue pro termino dati sunt dies, Et antequā in Cælum ascendere uisus est Dominus, quadraginta diebus est conuersatus in terris. Quadragenario dierum numero purificationis tempus cōfuevit impleri, quo ad templum a puerperio mulieres (ut a beata uirgine obseruatum legitur) legitime queant accedere. Sacer ergo hic numerus, & iam multiplici ex causa celebratus: non utiq; mirum est si resurrectionis morē cōueniat.

SVSTENTAVIT Te igitur fili optime Dominus, atq; suscepit, ut per tuam quoq;

operam, quam fundasti sanguine, sustentaretur
ecclesia: Et a peccatorum maculis, uariisq; iacta-
tionibus suscitata, quæ saepenumero, & his po-
tissimum temporibus fere mortua uisa, est tibi
acceptum referat de recuperata salute. Non in
alio medio reuiuiscere potest, aut in pristinam
salubritatem restitui. Felicibus tuis auspiciis ea-
dem surget, & illuminabitur, quia gloria tua ex-
orietur in ea, & instar Cælestis Hierusalem pre-
ciolissimis, quibus p̄dita erit, letabitur ornāmē-
tis. Surgemus omnes, te Authore, in Die illo No-
uissimo, quoad Tubæ sonum fuerimus excitati.
Surgemus, & incinerata corpora denuo suis eis-
dem partibus reformata constabunt: Etiam si ab
obitu fuerint in mille rerum species transmuta-
ta. At si qua ex partibus plurium hominum per
alimentum propria facta esse dicatur, potentia
maiestatis tuæ supplebitur, quod defuerit alteri,
& uni tantum corpori, pars illa conueniet. Sur-
gemus inquam omnes, & non more tuo, a Domi-
no sustentabimur, q̄ Diuinum extincto corpori
nostro coniunctū numē non adsit: Neq; tātē di-
uinitatis culmine nostra, quæ satis obscura est,
& imbecillis, afficitur anima. Surgemus in quā
omnes, sed non omnes (ut scribitur) immuta-
bimur: Quod tecum in legem mandatorum tuo

rum hac in uita resurgere noluerimus, sed ad te
nebrosa loca, & quidem miserrime decidemus:
Qui uero immutabuntur, in perennes lucis, &
piceis uigilias suscitati uere surrexisse dicentur.
Resurrectionis Nostræ sancte fili tua ab sua
uillimo sopore facta surrectio spes magna fuit,
& comprobatum indicium. Si enim resurgere
noluisses, aut te non surrexisse a mortuis nos do
cuisses, future nostræ resurrectionis spes ablata
fuisset. Neq; ideo te semel oculis solum conspi
ciendum, sed etiam manibus sapius attrectan
dum illis exhibuisti inquit, palpare, & uidete,
quia spiritus carnem, & ossa nō habet. Corporis
nanq; tui intactam telam seruasti, quæ (ut scri
ptum est) præcipitauit mortē, in sempiternum;
Cuius obremissimam, indissolubilemq; textu
ram dicere legitime potuisti.

NON TIMEBO MILIA POPV
LORVM PRAELIANTIVM,
ET IN CIRCVITV POSITO
RVM ADVERSV ME.

QVIS Enim est ira fortis, & potens sicut
Tu, qui es Deus noster? Non timuisti corporis
tui hostes acerrimos, qui ut id dilaniaretur, in
stantissime petierunt. Non timuisti impias men
tes, & animos, qui adduci non poterant ad cre

III

dendum te maxima cum uictoriae palma resurre-
 cturum. Qui sanctorum patrum agminibus in
 Cælum ductis de interitu, & inferorum Principi-
 bus, qui millenario numero præ multitudi-
 ne describuntur, gloriosissime Triumphares. Non
 erat tibi iusta ratione timendum, ne ab innume-
 ris populis circumstantibus ullatenus patereris.
 Quoniam Deus, & Dominus uniuersorum, bel-
 lator fortis in prelio, Rex gloriæ nosceris, & ap-
 pellaris, Qui attollendas Ditis ianuas imperasti,
 cæliq; portas tuo Ductu & auspiciis mortalibus
 aperuisti. Neq; tuæ erat ecclesiæ pertimescendū
 ne ab eisdem hostibus frāgeretur. Qui tot annos
 illam tam armis, quam impietatibus fere usque
 ad excidium sunt persecuti. Sed tamen tua forti-
 tudine, admirabiliq; potentia adiuta perstitit, &
 ad id incrementi deducta est, ut de Maiestatis
 tuæ subsidio, & protectione magnopere glorie-
 tur. Dixisti tunc.

EXVRGE DOMINE, ET SALVVM
 ME FAC DEVS MEVS QVONIAM
 PERCVSISTI OMNES ADVERSAN-
 TES MIHI SINE CAUSA, DENTES
 PECCATORVM CONTRIVISTI.

TALIA Loquebaris, quod eras conscius
 futura tuæ exaltationis debellatis atrocissimis

hostibus. Qui absq; ulla causa, sed solo ambitu, liuoreq; intimo ducti tibi dum uiueres, & ecclesie sunt totis uiribus aduersati. In maxilla percussi, & ad minutissimum usq; puluerem cōtriti sunt Dentes, quod mendacissimi facti sunt, & quam lacerare, ac inuertere procurarunt, ueritate detecta, eorum poenitus omnia, una cum desideriiis euauerunt. Sed id ipsum modo, quā amplificasti, gens sancta, tibiq; delectus populus decentius exclamaret. Exurge Domine, saluum me fac Deus meus. Quoniam quemadmodum antea meos hostes debitis ultionum ictibus percussisti, ita nunc, quū denuo in me, pietatemq; tuam acerrime insurrexerint, aduersus eos insurgere. Neq; tantum eorum maxillas, rabideq; dentium furores compesce, sed etiam intima uenerosorum cordiū penetralia arce, dissice, disrumpe. Non enim uerentur temere hac tempestate Legem tuam sanctissimam, & cerimonias prophanare, mutare sacrificia, innouare ritus, auferre omnia, quæ ad rectum uiuēdi cultum, & normam tanta cum sapientia, & mysterio sunt Diuinitus instituta. Etenim

DOMINI SALVS EST.

QVI Te filium suum unigenitū ab omni illata iniuria saluum fieri uoluit, Et ipse nostra

III.

es salus, & resurrectio, qua salui nos etiam facti
sumus, & inexplicabilibus inuolucris liberati.
Qua quidem ratione factum, est ut sic
SVPER · POPVLVM TVVM BENE
DICTIO TVA.

IDEST Augustissima tuę voluntatis sen
tentia, atq; decretum, quo illum periturum nun
quam ingenue statuisti. Quod sane iam pridem
Patribus, quibus loquebaris, & Abraę potissi
mum, legimus Dñum promississe. Bñdicetur. n.
(sacra hęc editio) de semine tuo filii propagati,
& sicut stellę Cęli numerabuntur: Quorum glo
ria, & dignitas manebit in sempiternum.

BENEDIC Igitur nobis Domine, ac in
tua nos sic benedictione conserua, ut quum ho
die resurrectionē tuam maximis (licet indignis)
laudibus celebremus, tecum in extremo iudicii
die in immortalitatem consurgere ualeamus.
Qui uiuis, & regnas cum Patre, & Sancto flami
ne Deus per innumera sęcula sęculorū. Amen.

IN PSALMVM QVVM INVO
CAREM, QVI VINCEN
TI IN CANTICIS IN
SCRIPTVS EST.
ET QVARTVS
ANNVME/
RATVR:

9
Vum simplicitatē tuam
consideremus Domine;
ac nostram multitudinē,
uariāq; naturam sciamus
nobis semper officere, in
te, qui finis es omnium,
uerumq; sabbatum, melo
diis erigimur tota Die: Et
tuum saluberrimum auxilium inuocamus. Ad
id inuitatur anima, quod eadē Harmonia, qua
conditi sunt, cēli mouentur: Tuāq; Maiestati
gloriam concinunt Angeli, ac in suo harmonico
temperamēto res omnes, quas creasti, cōsistunt.
Inuitat ad te Deus meus me anima mea, ut con
centu pacis, & bonarum actionum suauissima
consonantia preces meas effundam. Inuitat scip
sam anima, & se ad tui imaginem procreatam in
telligit: suaq; cōsona disparitate audet gradatim

III

per suos numeros ad ineffabilem tuam unitatē
ascendere. Vicit eam gloriosa filii tui compago,
& admirabilis harmonia. A qua superata aduer-
sus terreni corporis dissonantiam magnam qui-
dem uictoriam est affecuta. Atq; ideo dum ex
temperatissimo corpore eiusdē pius cruor efflue-
ret, uniformem, & inuariabilē æternitatem sibi
datā potuit agnouisse. Ista sunt organa, & bene-
sonantia Tympana. Istæ sunt Citharæ, quibus
Magnus ille musicus, & Propheta David tuas
sæpius aures demulsit, ac utriusq; Testamenti
laudes cōplexus est. Inde Seruator noster Iesus,
quum resurrexisset a mortuis, & suo denuo cor-
pori anima consonasset, suauissimo uerborum
concentu in hunc modum locutus est.

QVVM INVOCAREM EXAUDIUIT
ME DEVS IVSTITIAE MEAE: IN TRI-
BVLATIONE DILATASTI MIHI.

INVOCAVIT Te Deus, sæpius, & oravit:
quod magnæ quidem efficacix apud Maiestatem
tuam sint hominum preces. Illis. n. tibi obediūt
uniuersi, se continent, atq; custodiunt, cauentq;
ne a uitiorum sordibus inficiantur, & polluant
sanctum suum. Per orationem tuæ adherescunt
uoluntati, & se immaculatos seruant in hoc sæ-
culo. Oratione sapientiam tuam imbibunt, quæ

Psalmus.

Dei sunt, & considerare, & agere consueſcunt. Oratione ſibi gratiam tuam, & benignitatem conciliant, Iracundiam mitigant, furorem extingunt, peccatorum miſericordiã conſequuntur. Per orationem cor emundatur, nitelcit anima, ſpiritus expiatur. Per orationem in mentis ſinceritatem eleuantur ſenſus, deſtituitur corpus, colligitur animus, rapitur intellectus, mens Diuinitus occupatur. Oratione tanquam tenaciſſimo glutino Deo coniungimur, unum cum ipſo effici-mur, nunquam ab eodem, ſi uolumus, ſeparamur. Non enim noſtro lumine te Deus conſpicere, aut inueſtigare ualemus, Sed per orationẽ tibi mentem noſtram, & animum, in quem influas, lacto corde ſubſternimus, & ſupplices te iugiter obſecramus, ut ſcintilla ignis tui ampliſſimi demiſſa, in nobis uelut in arundinetis diſcurrat. Et quoniam ex noſtra imbecillitate, & culpa ſicceſcimus, & facti ſumus ſicut terra ſine aqua tibi, gratiã tuã pluuiam imploramus. Qua item noſtrum uellus, ex quo infirmam, ac debilem uitã telam conteximus, maceat, & tuã ſanctiſſimæ liberalitatis rore pingueſcat. Orauit Abel & iuſti nomen promeruit. Orauit, & orationis eius oblatio, ſacrificiique ſumus recto curſu in cælum tendere uiſus eſt. Orauit Abraam, uidit,

credidit, adorauit, & immortale iustitia benefi-
cium est assecutus. Orauit Isaac & a mactatio-
nis iniuria est preseruatus. Orauit Jacob, & sca-
lam, qua Cælum ascensurus erat, per somnium
cōspicatus est. Orauit Moses, & in numeris asse-
ctus muneribus mirabilia fecit. Orauit Iesuc, &
Cælum a suo cursu continuit. Orauit Ezechias,
& per solis reuocationem, ad longioris uitæ cur-
riculum est destinatus. Orauit puer Dauid, &
funda interfecto gollia, qui a tot millibus homi-
num superari non poterat, se, & Hierosolimę im-
perium futura Tyrannide liberauit. Orauit Sa-
lomon, & summa sapientia præditus Templum
extruxit. Orauit Daniel, & se a ferocissimis leoni-
bus uindicauit. Orauit Iudit, & Olofernis ca-
put excidit. Orauit Susanna, & superata senum
iniquitate pudicitia pariter, & uitam seruaui-
t. Orauit Helias, & igneo curru in cælū euectus ē.
Orauit Heliseus, & puerū a mortuis suscitauit.
Orauerunt alii uates, & Vaticinii sunt autori-
tate donati. Orauerunt Apostoli, & quęcunq; in
Nomine filii tui petiuissent, feliciter sunt asse-
cuti. Orauit Paulus, & ad ineffabilis trinitatis
solium raptus est. Orauit Stephanus, & resera-
tos Cēlos aspexit. Orauit Petrus, & suis concio-
nibus die uno tria millia hominum baptizauit,

ac meritissime Seruatori in terreno Principatu
succellit. Orauit ipse seruator pro illo, ne aliquā-
do eius esset desitura fides. Pro seipso etiam, &
in horto, & in monte, & in sacrificio te Patrem in-
uocare uoluit, ac exorauit. non solum ut illum,
qui ut homo, Diuina quidem ope indigere uide-
batur, exaudires, sed etiam ut nō esse maius uin-
culum inter mortales, & summum omnium cō-
ditorem, quam orationem, preceq; purissimas
edoceret.

SE Itaq; ad Orationem accinctum prius te
inuocasse commemorat, quoniam orationis est
initium inuocatio: Et illius sane, quæ in tuā pro-
xime, aut per internuncios dirigitur maiestātē.
Non. n. dum alios nobis pares, aut inferiores ora-
mus, ita illos inuocare dicimur, aut ab eis auxi-
lium implorare. Sed nostro quodā iure ita illos
eosdem rogamus, ut ipsis imperare quodam mō
uideamur. Inuocatio sancta, quæ ex intimo pe-
ctore ad os usq; diffunditur: & formatam prius
in corde uocem significat. Inuocatio felix, quā
Diuinorum Ordinum intelligentia pręparat,
similitudo confirmat, contactus perficit, sacra-
tissima, & Diuina coniunctio sequitur. Felix ora-
tio, qua in Cælum animæ reuocant, Et in sancto-
rū circuitu positæ sunt ita Diuinitatis tuæ factę

III

participes, ut perennem tecum gloriam ualeant promereri. Sūmus, & pius in te noster affectus est, quo te inuocare debemus. Sed sine tuo afflatu nihil est, quod aut dicere, aut cogitare possimus. Esaia Prophetæ, ubi Calculo ignito tetigeris, emundata sunt labia: Et eodem non inferior Hieremias, quem sanctum in matris utero procreasti, a a (inquit) Pater, puer ego sum, & sine tuo auxilio loqui non possum.

INVOCAVIT Te igitur filius tuus, & pientissimis precibus pro resurrectione, pro salute humani cætus orauit, Et se ob suam iustitiam exauditum esse commentus est. Iusta enim, si salutaris, esse debet oratio. Iusta, ut quod petitur iustum sit, ne quando nobis (data repulsa) dicatur, nescitis quid petatis. Iustæ quoque dictæ sunt preces, quæ non ab impio, & iniusto funduntur. Non enim uerbis solū, sed et factis ita orandum est, ut impetrata gratia exaudiamur a Domino. Scriptum est namque non omnis, qui dixerit Domine Domine, sed qui uoluntatem patris mei fuerit executus, Regna Cælestia ingreditur. Iusta etiam est, immo iustissima Oratio, qua prolata nos statim exaudiri percipimus. Quum enim iustus sit Deus, immo summa iustitiæ relictudo, iustam a iusto effusam orationem exau-

diendam differre non solet: etiam si effectus pręsentia differatur. Atq; ideo breuissimam debere fieri orationem Seruator instituit, dum quotiescunque orare uoluerimus, inquit. Dicite. Pater noster &c. quod nō longo sane orationis tenore, aut ullo uerborum lenocinio, sed solo cordis affectu se exorari posse monstrauerit. Quod quidem hisce uerbis, dum se patrem inuocasse, & uoti compotem factum esse recensuit, prętulisse conspicitur. Non enim quum perorassem (inquit) exauditus sum, sed quum inuocarem, .i. antequam orationis uerba profunderem, in ipso orandi proposito, quod perorabam, obtinui propter iustitiam meam.

ET BONE Deus quęnam filii tui eiusmodi iustitia fuit? Quum enim tecum esset unus, & idem Deus, nonne tua quoq; iustitia illa & putabatur, & erat? Iustum erat, immo iustissimum, ut quę ab æterno illi deputata fuerant, cōsequeretur a Patre. Carnis corticem induit, Humana perpeti uoluit, obiit, resurrexit, redemit Israel, claustra inferni confregit, hostibus terrorem inenclit, Beatas Patrum animas liberauit, Triumphum spectatissimum in Cælum duxit, atq; ideo sue iustitię adeptus est pręmium, & exauditus fuit a Patre.

III

DISCAMVS Nos inde iusta, atq; honesta petere, si statim uelimus quæcunq; petimus impetrare. Neq; iudeorū more, quæ corporis sunt, aut fortunæ: sed quæ ad animum pertinent, quæ Deus ipse pietate sua denegare nō potest. Discamus inde quum innumeris esset, ac immēsis uirtutibus præditus, se Christus ob nullam aliam, quam iustitiam exauditum dixisse, quod uirtus hæc aliarum omnium mater est, & Principi peculiari nota cōueniens. Nihil est enim, quod magis aures offendat, & animos, quam quum auditur in eo iniustitiam reperiri.

EXAUDITVS Ergo est post inuocationē filius tuus Domine, & subsecutę gratiæ signum commemorauit inquiring.

IN TRIBVLATIONE DILATASTI MIHI.

PRVS Se a Deo, quem inuocasset, meminit exauditum fuisse: mox te illi Cor suum præingenti læticia dilataste subiunxit, ac si elatiorem ibi uocem emitteret, qua gesticantis animi ab eo darentur signa, & Maiestati tuæ gratias agere uideretur. In tribulatione dilationem cordis accepit, quod eo, & naturali quidem indicio, adueniente etiam gaudio propulsatum esse mœrorē sentimus. Quod sane ex optauissimij euentus con-

Psalmus.

secutione accidere consuevit. Neque ideo solum in aduersis casibus orandum esse docemur. Immo ea uera, integra, tutissimaque extat oratio, quæ cū lætitia, & prosperitate profunditur. Orant Angeli, qui sua iamdiu sunt desideria consecuti. Quos non pro aliis solum, sed etiam pro seipsis preces effundere credimus, ut in sua felicitate, & gaudio perseueret, eo etiam addito, quod perenne illud fore, Deum intelligant statuisse. Pro eo, n. quod optant, licet obtineant, orare queunt. Et ea quidem pulchra extat oratio, quæ sine anxietate in conspectu tuo habetur.

AT NOBIS, Qui in peccatis concepti sumus, & uiuimus, est semper pro eisdē orandum, ut a te Domine tuæ bonitatis, & gratiæ aliquid accipiamus. Neque solum pro erratis nostris id muneris exercēdum iubetur, sed etiam aliorum, quibus & naturæ, & pietatis officio natos nos esse cognoscimus. Hinc factum est, ut sacro eloquio moneamur pro nobis inuicem incessanter orare, ut salui efficiamur. Atque ita certe nobis orandum est, ut ex peccatis coactō cordi ea lætitię reseratio adueniat, qua tua imbibita gratia nunquā amplius (si fieri queat) oclusio sublequatur. Patescēs. n. & mundū Cor semper diligere uisus es, & tuæ patentissimæ obnoxiiū pictati.

NEQVE Sat esse uidebatur seruatorem nostrum dixisse facta Oratione ob summam innocentiam se exauditum fuisse, nisi etiam quibus uerbis illam composuerit, edocuisset. Subdit. n. MISERERE MEI, ET EXAUDI ORATIONEM MEAM.

AC Si diceret. Is sane fuit meæ inuocationis contextus, quo a Patre uoti factus sum compos. Miserere mei, quoniam undique perturbationibus uitæ huius infestor. Carnem indoleo, indoleo uenturam mortem, & ut mortalis sum, opem, & misericordiam tuam imploro, atque ita enixe, ac ex animo illam cōflagito, ut statim orationem meam exauditam intelligam, & sponte suscepto interitu resurgere ualeam, partisq; animarum tropheis ad te redeam, unde me discedere uoluisti.

PRO Scipso, & nobis seruator preces effudit, atq; ideo nostrum potius, quam sui ut misere retur, precatus est patrem. Quoniam ipse Deus est, Nos autem omni ex parte debiles, & infirmi egemus alterius auxilio. Orauit ergo & orandum nobis instituit, ut nō ex operibus nr̄is, sed ex Dei Optimi liberalitate nos saluos fieri posse credamus. Et tāto uerius ea nobis debetur oratio, quanto uere miseri sumus, obq; nostram

miseriam Diuinum auxilium imploramus:

DISCAT Inde moribundus, & sordidus
homo se non amplius felicem uocare. Desinat ia
ctare diuitias, uires, formam, & uanam mundi
huius sapietiam. Quibus delusus in misero uitæ
statu reponitur. Discat se miserum appellare, etiã
si toti imperaret orbi. Quoniam & se Dei mi-
sericordia indigere Seruator noster ostendit,
miseriq; alioqui indignum nomen sua humani-
tate subire non dubitauit. Non dixit suam inte-
riorem pulchritudinem admiratus (quoniam
Deus erat) more luciferi. Ponam sedem meam
ab aquilone, & ero similis altissimo. Sed pientis-
sime quidem patrem orauit, ut misericordia affe-
ctus preces suas admitteret.

ATQVE Ideo emissã oratione, & impetrata
ab eo gratia ad suos primum persecutores, de-
inde ad alios suæ familię adscriptos se amicabili
uoce conuertit, inquiens.

FILII HOMINVM VSQVEQVO
GRAVI CORDE, VT QUID DILI-
GITIS VANITATEM, ET QVAE-
RITIS MENDACIVM?

SI ORAUI Patrem pro me, ut a mortuis
surgerem, & exauditus sum, quid amplius graui
corde in me quotidie insurgitis? mihiq; &

III

nomini meo tanto iniquitatis pondere pregra-
uari estis infensi? Filios hominum uos ideo ap-
pellare cōstitui, q̄ Dei esse nō uultis. Potuissē
uocare uos (ut uere estis) Demonis filios: sed
honestiori uocabulo usus sum, ut intelligatis, li-
cet corda uestra grauissimo impietatis morbo la-
borent, posse tamen (dum uelit) ad hominis
officium reuocari. Poteratis, & merito uocari ser-
ui, quoniā ego Dominus: Et seruitutis, quæ pec-
cati est, ignominiam uobiscum defertis: Volui
tamen uos uiri filios nuncupare, quoniam mei
filii estis, pro quibus & acerrimos pertuli cru-
ciatus, & nefandissimam mortem subiui, ponēs
item ex ea, qua maxime conflagrabam, charita-
te, animam meam pro uobis. Quos etiam meas
oues, quarum ego Pastor essem, pietatis causa no-
minauī. Vir nanq̄, non homo solum extiti, quo-
niam fortis, & magnanimus uisus sum. Atq̄ ita
re ipsa præstiti, quod omnia miseriarum graua-
mina superauerim. Vos eodē filios adhuc meos
appello, quos sanguine enutrire constitui, licet
me aspernati sitis, & gloriam meam cum exul-
tatione pariter obprobrio habeatis: immo uos ip-
sos, & honorem uestrum cum salute uituperetis.
Vsq̄ quo igitur (inquit seruator Iesus) hac in
uestra p̄fidia perseverabitis? Vos uoco, uos rogo,

Q

ac amantissima uoce, ut mihi respondeatis, compello. Quandonam erit illa dies, ut labantes pedes referatis ad uiam iustitiæ, & oretis, ut exaudiamini a Patre, ut promissa uobis hæreditas, salus, imperium subsequatur? Quando tempus aderit, quo doctrinam sanam, & integram profiteamini? Quo fidem sanctam, uitam ingenuam, actiones puras, & redolentes in conspectu Domini proferatis? Tunc, n. uere filii Dei eritis, & merito uocabimini, reiecta procul, & impietatis, & Hostis acerrimi seruitute.

VOBIS Certe non solum mea hæc uerba pronūcio, Verumetiam, immo iis potissimum, qui meo sunt nomine, & insignibus præditi. Qui mea gloria, suoq; singulari beneficio plurimum gauisi esse uidetur. Qui passim leges meas & documenta nequaquam ueriti sunt profiteri. Qui etiam sacrorum titulo utuntur, & primas in Ecclesia sedes occupare cōspecti sunt. Ad hos me conuerto, & ardentissima uoce illos in hunc modum interrogo. Vsq; uero in uanitatibus uestris, in imperfecta fide, in simulata iustitia, in cordium impuritate, in erratorū uestrorum miseria permanebitis? Non enim (ut decet) minus uobis afficior, qui semel felicia pietatis insignia suscepistis, quam illis, qui nunquam eadē

III

admittere uoluerunt. Et quanto magis uos diligō, tanto maiore me contumelia afficitis. Eoque uestra est impudentia eorum negligētia maior, quo accepti iam beneficii detestanda est magis obliuio. Vani sunt illi, uos uaniores. Mendaces illi, uos mendacissimi, quod a uanitate, & mendacio semel recedentes denuo ad iniustitiæ insanias rediistis: Non credentes baptismati, reiicientes suscepta sacra, renunciantes promissionibus, & uotis Deo iureiurando factis: Virtutem nullam, nullam animi integritatem seruantes. Quo usq; igitur (inquit) in hunc modum animam meam tolletis? Quādo resipiscetis? & redeuntes ad cor uobis ipsis, fideiq; uestræ attestabimini? Vos uoco, uos expansis manibus, & apertis brachiis præstolor, ut ueniatis, & in sinum meum relabamini, quos complexu foueam, & intellecta, quam semel admisistis, ueritate, iustitiam exerceatis, uosq; ideo ueros in filios habeam, & me in patrem optimum suscipiatis.

NEQVE His solum contentus uerbis usus est redemptor, sed alia rationabiliora, & iucundiora subiunxit.

ET SCITOTE QVONIAM MIRIFICAVIT DOMINVS SANCTVM SVVM, EXAVDIET

Q ii

ME DVM CLAMAUERO AD
EVM.

SCITOTE, Quoniam scio, & uos uestra animi duritie dubitatis. Scitote, & non oculis solum, sed etiam manibus perpédire, & contrectate resurrectionis mysterium còsumatum fuisse; Nanq̃ dum se tangendum suis discipulis prebuisset, palpate (inquit) & uidete, quia spiritus carnem, & ossa non habet. Scitote, quod non est uobis amplius dubitandum. Nanq̃ admirabilem in eius resurrectione fecit Dominus sanctum suum. Admirabilem uobis, qui nunquam eiusmodi factum negocium credidistis, admirabilem iis, qui ab infidelitate se conuerterunt ad fidem. Admirabilem inferis potestatibus, quæ aduenientem illum ter quisnam esset adeo fortis, interrogantes (ut scribitur) obstupuerunt. Admirabilem superis, & uirtutibus Angelorũ, quum nunquam alias conspicati sint hominem posse supra eorum triplici ordine distinctos choros diuinitus collocari. Admirabilem omnibus sæculis, omnibus nationibus gloriosum, & sanctum filium suum. Quem se esse immensa sua modestia præteriuit. Neq̃ sanctum, quem admirabilem fecerit Dominus, filium uoluit appellare, ne forte ab impiis arrogantæ crimine accusa-

III

retur. Sed sanctum suum admirabilem ait Dominum instituisse. Sanctum suum, quoniam æterna lege apud ineffabilis trinitatis cōcilium sanctum, atq; firmatum fuerat illum hominem futurum, & pro humano genere moriturum. Qui reuiuiscentiæ beneficio esset admiratione dignissimus.

I MODO Humana sordes, & prosapiam iacta, uanamq; tuorum stegmatum longo ordine nobilitatem quibusq; horis & momētis commemorata. Quum optimus, & sanctissimus Dei filius se neq; admirabilem, neq; sanctum, neque Dei filium ausus sit appellare. Qui in hunc modum sermonem suum continuat.

EXAUDIET Me, quum clamaui ad eū. Clamaui, & exaudiuit me, Quoniam resurrexi, & me admirabilem fecit super omnia opera manuum suarum. Exaudiuit inquam semel, quum eius clementiam, & misericordiam inuocarem. Atq; ideo si ad eundē clamaui, si preces meas in conspectu eius profudero, Scitote (quoniam certus sum) denuo imploratam gratiam impetabo. Maior utiq; Clamor ille fuit, & inuocatio ardentior, qua totius humani generis salutē precatus aduersus ueteres inimicos magnam certe sum, & gloriosam uictoriam assecutus, Quo sit,

Psalmus.

ut si tunc exaudiuerit me pater meus, quanto facilius, quum hæc, quæ intercedunt, ut pro uobis orem, petiero, mihi ille ipse concedat? Sunt enim longe minora, quæ pro conficiendo salutis uestre beneficio uobis supersunt. Adimpletæ sunt leges, consummata oracula, sacra exhibita, quibus potestis in uia iustitiæ, & ueritatis incedere. Nil ergo aliud extat ut orem pro uobis, nisi ut aspiret uobis Deus, piaq; uota uestra secūdet. Et quum aduersis fortunæ casibus agitabimini, tūres prebeat, uoluntatem confirmet, neque ad dexteram, neq; ad sinistram uos flexos uelit; sed recto cursu ad summum bonum, & animi tranquillitatem conducat.

ANIMADVERTAT Huc impius ethnicus, consideret perfidus Hebræus, cogitet Christianus ingratus, menteq; sana reuoluet quanta sit benignitas seruatoris. Qui nō semel tantum, & instantissime pro eorum redemptione orasse commemorat, sed denuo se paratum ostendit, ut pientissimas preces effundat. Quibus Dei leniat iram, furorem mitiget, differendam obtineat ultionem. Neq; ueretur ipse idē optimus Orator, ac nostri cuiusq; boni author Iesus se pro repetita oratione (nisi uestra obfuerit culpa) quæcunq; libuerit, impetrare. Considerate, ac profun-

III

da mente perpendite quanta sit illius merces in celis: quem Thesaurum meritorum reliquerit: quas opes dederit, quas diuitias tulerit. Quibus ditiones sacræ, felicia Regna, munitissima imperia subsequuntur. Neq; solum se orantem pro infirmitatibus nostris dum in cælo uiget, assidue pollicetur. Verumetiam antequam ad super celestem patrem ascenderet, Pontificem nobis dedit Diuina autoritate peditum. Qui ligandi, soluendiq; iudicio fungeretur: Nec non huius, & alterius sæculi animas, quæ nondum ad sublimia euolauerint, pientissimis suffragiis adiuuaret. Qui tamen tot beneficiorum immemores, & ingrati quotidie illum negligimus, incultas facies, tenebrososq; oculos ad terrena conuertimus, impietate, iracundia, & iniquitate repleti. Ac ille ipse propterea nunquam desinit hortari nos, ut eius precibus digni efficiamur. Qui & si ob naturæ fragilitatem ad leuam interdum rationis deflectimus, non tamen insolentiæ, procacitatis, desperationisq; uitio labefactari debere nos admonet. Inquiens.

IRASCIMINI, ET NOLITE PECCARE, QVAE DICITIS IN CORDIBVS VESTRIS. ET IN CVBILIBVS VESTRIS COMPVNGIMINI.

NON iubet Deus propterea, ut irascamur. Sed si quandoque nos irasci contigerit, cauete (inquit) ne in peccatum, quod animam occidit, incauti incidatis. Potest enim iracūdia sine magna Dei offensa locum habere. Quod primi animi motus nostræ nequaquam ita subiacent potestati, ut ne nobis insultent, prohibere possimus. Quos, ne progrediantur, facile cohibemus. Atq; ideo diuinarum litterarum monitis cautū est, ne eiusmodi, paruuli quum fuerint, adolescere permittamus, sed allidamus eos ad petram. Quæ seruator noster est Christus, bonarum omnium actionum stabile fundamentum. De iracundia ipse idem uoluit facere mentionem (licet defectuosa, imbecillisque natura sit ad malum in uniuersum prona) quoniam ad illam promptius, atq; facilius cōcitamur. Est enim effectus quidam, qui nos iusta semper de causa, & nativo impetu rationis exagitare uidetur, quum in ultionem illatæ nobis iniuriæ promouemur, Non ita concupiscentiæ ratio est, quæ nos ad uoluptates eiusmodi concitatione compellat. Prohibetur iræ, ut facilius concupiscentias auferamus. Maiori est occurrendum incendio, ut minores cohibeantur flammæ, & æquabile temperamentum in anima reperiatur.

III

IRASCIMINI Igitur quâdoq; sed aduer-
tite (inquit) idem Dominus, ne sol occidat su-
per iracundia uestra. Irascimini, & subitam ac-
censionem restinguite, ne transgressis fortasse na-
turæ impulsibus excusatione, & uenia carcatis.
Poteratis iudei primas illas uestri in me accensi
sanguinis arcere commotiones, & nullus fuisset
uobis imputatus error. Potestis & modo quo-
tiescunq; aduersis fortunæ casibus agitamini,
uerustillimum furorem uestrum, & insaniam
obliterare: Corda uestra ad Pii seruatoris uocē,
& benignitatem cōuertere. Et non amplius iræ,
odii, ac impietatis fouere partes. Quibus iam nō
in peccato solum assidue perseveratis, sed præ-
nuntia cōsuetudine illo ipso Anima uestra fouet.

IRASCITVR quandoq; Deus, ut iusti-
tiæ opera exequatur. sed non eius ea est ira, qua
homo se ualeat excusare, dum in ultionem accen-
sus illam profectitur. Si. n. iustus est, mente im-
pediri non potest, quin quod suum est, pro uir-
tute agere ualeat. Nequaquam uera Dei est ira.
Quoniam sapientissimus in seipso, aut actioni-
bus suis non concitatur. Gratificatur uere, & su-
pra hominū merita illos eosdē amplectitur, sed
neq; ueris iracundiæ stimulis agitur, neq; ullis
operibus appellationem huiusmodi illi tribuens.

R

dam censemus. Non.n.ex his, quæ sunt nobis prohibita, licet aliquod nomen eius confingere: Sed ex illis tantum, in quibus magnopere laudamur. Siquidem omnis iracundia detestabilis est, licet aliqua eius eruptio ob infirmitatem nostram, quam ab ortu contraximus, bona nobis cum uenia permittatur.

NEQVE Solum cohibendam esse animi accensionem filius tuus iubet Domine, ut grata sit in conspectu tuo eius oratio: sed etiam antequam exterius prodeat, in cordibus nostris recto consilio extinguendam hortatur. Quum.n. quis se concitari persenserit, prius intus sua iura composuit, quibus paulopost prorumpendum esse legitime uideatur. Ideo quid dicat, quid sentiat, quibus rationibus moueatur, perscrutatus cogitet, antequam totum corpus excandeat, & iracundiæ opera prosequatur. Contremiscat Dei Potestatem, eius clementiam, & benignitatem suspiciat, Sileat, inq̃ cubili suo dum in hac cogitatione permanserit, & aliquâisper quieuerit animus, compungatur totus, & non laxabit iracundiæ frena. Sed penitus qui iam inceptat, excandescentiæ motum sedabit. Non perturbato animo, nequaquam corpus immutari conspicietur: Non flammescere oculi, nō titubare lingua,

III

non os, aut mentum contremere, non anxium,
 anhelumue pectus reddi, non nigrescere labia,
 neq; dentes fremere, neq; facies, neq; caput, aut
 manus, & pedes (ut iratis euenire solet) gressi-
 bus deturpari. Contremiscat igitur, qui se primo
 iracundiæ impetu percitum esse cognouit. Ini-
 tium enim sapientiæ est Domini timor. Contre-
 miscat, & se in conspectu tuo humiliet Domine,
 Tuamq; immensam bonitatem consideret. Ex-
 rata doleat, & ingemiscat, compungatur, silcat,
 & non prorumpet in popularem uocem. Silen-
 tium, n. (ut legitur) tua est laus. Et per quietem
 sensilium actionum, in quibus semper huma-
 nus iactatur sermo, Diuinitatem tuam agnosci-
 mus, iustitiam celebramus, pietatem colimus,
 tibi ex immensa beneficiorum erga nos magni-
 tudine obsequimur : ac omnem iracundiæ, &
 concupiscentiæ fomitem radicitus extirpamus.

NON His deinde monitis solum ut eius
 acceptæ sint preces nos seruator horatus est.
 Quinimmo plenus amoris, & gratiæ legitur sub-
 didisse.

SACRIFICATE SACRIFICIUM
 IUSTITIAE, ET SPERATE IN
 DOMINO.

RESTINCTA Etenim sua iracundiæ

R ii

flamma, qua plurimum homines exardere solent, iustitiam nos colere edocet, qua maximum tibi Deo sacrificium exhibeamus, ut salui denique efficiamur, & cum eo ipso filio sacratissimo in celis perpetuis temporibus habitemus. Iustitię obseruationem sacrificium uocat, quod non sit tibi uirtus alia gravior, qua etiam tuo magis sanctissimo nomini consecremur. Maxima enim est iustitię amplitudo. Quę rectitudinem cunctis actionibus humanis imponit. Qua erga te Deū, & proximum, quod nobis est nostro iniunctum beneficio exequimur. Ex cuius quidē legitima obseruatione leges omnes, & prophetę dependent. Verum profecto id est, & immaculatū piaculum, quo tibi in errores innumeros, & sordes prolapsum humanum genus conciliatur, dirigitur, expurgatur. Non. n. suauibus nidoribus; aut concinnis uocibus delectaris: Non lectissimis ornamentis, preciosisue tabulis gaudes: Nō exactis cerimoniis, & aureis inuneribus caperis. Non ditissimę suppellectilis, & magno facum apparatu mitescis, sed piētissimis uotis, castissimis cordibus, integerrimis iustitię holocaustis leniris, flecteris, & possideris.

A T Si quis iustitię opera finxerit. tuique sacratissimi corporis, & sanguinis sacrificium im-

III

mutauerit, Antiquam ecclesiae consuetudinem,
& Patrum auctoritatem neglexerit, Missas ab
rogauerit? qua nam alia orationis uis? quæ uitæ
moderatio? quæ carnis afflictio? quæ crux? quis
mundanarum rerum contemptus? quod sacrifi
cium tibi offerri poterit? pro quo a filio tuo exo
rari uolueris?

HUIUSCEMODI Enim uitæ homini
bus non est sperandum in Domino, quod inte
stino ambitu labefactari turgescunt, & alterius
patriæ bonis efficiuntur indigni. Illis autē spes
esse debet, & expectatio firma, qui recte uixe
rint, & sese tibi optimum sacrificium, uiuentēq;
hostiam exhibuerint. Qui fide integri, & æternæ
uitæ scientissimi non esse non possunt.

EX ALIIS Vero multi quidem sunt, qui
dicant.

QVIS OSTENDET NOBIS BONA?

HOC n. Sacrosancta pietas habet, ut fide
uiuat, iustitia speret, spe gaudeat, & nōdum scire
delibatis bonis perfrui uideatur. Multi plane
sunt, qui eiusmodi sententiam proferunt, quod
unum tantum bonorum genus admittunt, qui
bus immergi sunt, Cætera uero omnia respuunt,
tanquam uana, & commentitia, quæ nequa
quam nos mancant in futura post mortem uitæ.

immo neq; uitam ipsam putant corporis dissoluta compagine superesse, summumq; bonum in fallaci, & turbulenta sensuum uoluptate constituunt. Audiant ergo hi, & desipere aliquando desinant, quum ipse idem optimus, de quo habetur sermo, Orator noster Iesus summa pietate nos moneat inquitens.

**SIGNATVM EST SVPER NOS LV
MEN VVLTVS TVI DOMINE.**

AC Si diceret, Non sunt alterius uitæ bonæ? Sed quomodo lumen, & splendor æterni patris extat effigiatum in nobis? si dissoluto corpore dissipareat anima? In facie præstantiores sunt oculi. Oculus diuinæ Maiestatis summus est, & splendidissimus intellectus. Hic uero sui effigiem in sibi similem substantiam imprimit, quæ nostra est anima. Quam ea etiam ratione creasse Deus conspicitur, ut ad eius similitudinem constituta sibi quandoq; perenni beatitudinis uinculo iungeretur. Quo igitur pacto non sunt alterius uitæ bonæ? O insipientes, & stulti corde, q; Thesaurum, qui intus in uestro animæ sacrario later, penitus ignoratis, aut negligitis, quod alienas sordes præponitis uestris gemmis & auro, infirmisq; delectis suprema nauseabundi contemnitis. Signatū est itaq; lumen uultus tui Domine

III

in nobis triplici tuæ maiestatis radio insignitis. Meminimus. n., intelligimus, & amamus. A memoria intelligentia prouenit, ab utraq; amor exoritur. Tribus sane istis imperfectis luminibus in tuum sacratissimum, & effusissimum lumen ascendimus, ubi nostra sunt gaudia, ubi finis est noster, & requies sempiterna. Maximum profecto alterius uitæ indicium nostra hæc in nobis est tui splendoris imago. Maximum, & diuinum filii tui sapientissimi argumentum, & ratio. Quæ & humanæ uitæ immortalitatem, & alterius patriæ habitationem ostendit. Si. n. id nobis natura inditum est, ut fluxis, & terrenis rebus noster ad plenum animus satiari non possit, si diuina, & quæ a materiæ sordibus abiuncta sunt, esse perpendimus, Si naturam, statumq; nostrum nequaquam a suo fine, & nativo desiderio defraudari contingat, Si ad ipsam deniq; æternitatem peroptandam communi quodâ instinctu propellimur, Quid est, quod regionem illam esse non credimus? aut despiciamus? in qua & firma uitæ possessio, & optimus ob administratam in terris iustitiam fructus accipiatur? Nostrum id imbecille lumen, quod tui splendidissimi Solis, non quidē speculum est, aut esse potest, sed umbra, si paulo pensculatius aduertimus, non erit

cur de alterius uitæ bonis ambigere debeamus? Atq; ideo sese colligat homo, & quæ intus effigata, descripta, purisq; coloribus adumbrata complectitur, aduertat, spectet, consideret, ut ab eo omnis prorsus suspicio tanti mysterii submoueat. At tuum postea Domine super humanas uires nobis demissum lumen, est, quod in bonorum tuorum spem nos maxime debuit erexisse, quod uaticiniis, quod miraculis, quod sanctissima uetere, & recetiore lege, quod apostolis, quod euangelis, aliisq; sacris patrum editionibus longe, lateq; omnes gentes, & populos illustrare uoueris. Hac ratione effectum est, ut pie litteræ te patrem luminum uocent, A quo sane omne pro sui natura cuiq; datum, est optimum, omneq; insuper condonatum perfectum est. Non enim uno tantum, sed duplici luminis tui beneficio nos afficere uoluisti. Quibus uelut maiestatis tuæ oculis gratiores sumus, ita etiā magis, ac magis redderemur obnoxii: & facilius ad arcem, fontemq; splendoris tui auspicatissimi prouehemur. Bonitate tua, & clementia quum creaueris omnia, tuo etiam fulgore eadem exornasti, quo in seipsis uera sunt, & pro sui conditione tuæ supremæ ueritati similia. At quæ maioris claritatis munere digna esse uidebantur, propria, & pecu-

III

liari quadam luminis dote signasti, ut rectius, & iustitiae, & liberalitatis tuae opera explicares: Et mirabilius in seipsa conuersa lumina tibi maiores indices gratias agere uiderentur.

QVO Fit, ut qui alterius uitae bona nequam admiserint, emancipatum in se lumen uultus tui non cogitent. Neque in seipsos, & animam suam conuersi externa solum, & obliqua considerent. Terrena enim, crassaque nimium corporis moles, & scelerum magnitudo tuae in eis diuinitatis radium hebetem facit. Qui eadem ratione ita quidem obtunditur, & tenebrascit, ut nulum in eis, ne minimum sane uestigium lucis appareat.

AVDIANT Ergo sanctissimi filii uocem, qua signatum super nos non manuum, non pedum, non aliorum membrorum, sed uultus aeterni patris lumen significat. Quem si hominis cuiusdam instar effingere uoluerimus, pedes ad elementa, brachia & manus ad Caelos, caput & uultum eius ad Angelos & homines referretur. Qui ab eiusmodi coeacti corporis partibus sibi designatum splendorem acceperint.

ATQVE Ideo amantissimus idem Orator noster Iesus datam sibi a patre in corde suo letitiam memorat, quod a prestantissima sui parte

S

non ipse solum, qui eius filius esse, & appellari promeruit, sed cuiusq; generis homines illustrati fuerint, & inter sacratissima beatorū numina collocati. Non potest enim non maxime lætari animus, & gaudere, si se nouerit ueræ felicitatis factum esse participem, Ac tanto quidem ex ea cognitione lætitia maior exoritur, quāto ad præstantiorem beatitudinis, & trāquillitatis statum perpenderit destinatum fuisse. Ridere ob hanc potissimum causam uidentur Cæli, qui micantibus astris præ radiorum multitudine, & uarietate exultare quodammodo conspiciuntur. Suo quoq; fulgore hilares & iucundi Angeli amore flagrant, illuminant alios, pariter & accendunt. Fecisti, n. (sicut scriptum est) spiritus, illos, & ministros tuos, ignem urentem.

SIQVIS Ergo est, qui seipsum minime nouerit, sed cecutiens alterius uitæ bona neglexerit, ei maxime Diuinum est implorandum auxilium. Quo dicat, Exalta super nos lumen uultus tui Domine, quoniam obcecati sumus, & ipsum, quod ab ortu nobis dedisti, iam fere extinctum est lumen. Tenebris mundi huius, & sensuum laqueis præpediti ad fontem splendoris tui decurrimus, ac supplices te rogamus, ut de oculis tuis exiguis eniteat radius, qui ad caligantem

IIII

mentē deueniat, & crassitudinem eius cum opacitate disrumpat. Namq; ab ea felici admodum, & peroprata illustratione uehementi cordis letitia afficiemur: Et eorum bonorum, de quibus maxima facta est nobis pollicitatio, desiderio conflagrabimus.

QVA ratione effectum est, ut quum eiusmodi filius tuus Domine de fallacibus iudeis fecerit mentionem, quod nequaquam tuo letatium lumine celestia aspernati sint bona, nec unquam, nisi mundana hæc, & fluxa petierint. Dicat.

A FRVCTV FRVMENTI, VINI, ET OLEI SVI MVLTIPlicATI SVNT;

QVONIAM. scilicet rebus huiusmodi solis distecere uoluerunt. Non curarunt Patrē, & filium eius agnoscere. Sanctissimum trinitatis mysterium reiecerunt, suis in me impietatibus acti, quæ ad corpus, & fortunam attinuissent, perdere timuerunt. Quæ uero animæ felicitati conduxissent, penitus abrogarunt. Ego uero, qui filius tuus sum Domine, & tuo iussu pedibus terras calcaui, ut illos, & aliorum turbam a peccatorum uinculis uindicarem, Qui supercelestium bonorum prædicator extiti, & autoritate tua in genus distributor. Qui non ut corporalia, & fluxa, sed spiritalia, & æternæ uitæ alimenta ho-

minibus impartirer, accessi, qui præter id quod acerbiſſimum mortis ſupplicium pertuli, pro eorum recuperatione & ſalute quotidie Patrem inuoco, ac meas inſantiſſime illi preces effundo, Ego inquam.

IN PACE IN IDIPſVM DORMIAM,
ET REQUIESCAM.

POSTQVAM Enim a ſomno mortis tua benignitate surrexerim, non eſt mihi amplius ut eorum manibus iacter, odiſue perturber: Sed pulchro & iucundiſſimo ſopore pacis detinear. Qui ſumma eſt gloria, ſumma quies, ſumma felicitas. Circa idipſum igitur pacis propoſitum, in quo ab æterno ego, & Pater una cuſ ſanctiſſimo ſtamine uerſati ſumus, perſeuerabo, cupiens mortalibus ſalutem, & eiſdem ſpiritualem alimoniam prebens, ut quæ ſua ſunt, quærant, & reuiuſcant: ac mecum ipſi idem, quos ardentiffimæ quidem dilexi, perpetuis pacis temporibus requieſcant.

INDE Summa ſeruatoris humanitas, ſummum officium, ſummum, & incredibile pietatis exemplum accipi poteſt, quod tot oblitus ſit iniquitatum noſtrarum, quibus illum ſumma iniuria affecimus, nomen eius deſpeximus, uitam abſtulimus, mores, & inſtituta contempſimus,

III

in malo deniq; proposito perseueramus. Ipse tamen se in sua erga nos antiquissima pietate permanfurum significat, & pollicetur. Velit ergo mitemscere impius, parcere iniuria lacessitus, amare insensus, quiescere aduersis casibus agitatus. Resipiscat iracundus, desistat a uanitatibus cupidus, satietur auarus. Et una cum seruatore suo, qui pro illis assidue pces effundit, orent, oēs clament, inuocent, exaudientur. Ita enim quisq; illius beneficio quum proprium lumen, animiq; decorem inspexerit, cēlestia consequetur. In quibus se cum eo pariter pacatissime dormire, & requiescere gloriabitur. QVONIAM inquit ille.

TV DOMINE SINGVLARI
TER IN SPE CONSTITVI
STI ME.

SINGVLARIS Spes data fuit illi redemptionis, & humanæ pacis a Patre, propter quam se humilem reddidit, & tantam malorum omnium molem sustinuit, quibus deniq; consuetudinis cēlestem nactus est pacem.

ITA ETIAM Singularis sit nobis ea spes, ut in pace uiuamus, & relictis mundanis fordibus, conspecto exiguo in nobis lumine ad Diuinum, & Altissimum solem oculos erigamus.

Psalmus

QVEM, Te pater optime rogamus omne,
ne, pro quibus assidue orat filius tuus Iesus,
& humiliter obsecramus, uelis, ut eius ipsius
ductu, & auspiciis attingere ualeamus, qui
Tecum una cum felicissimo nexu uiuit, & Re
gnat Deus, in sæcula. Amen.

V

IN PSALMVM. VERBA MEA
 AVRIBVS PERCIPE. QVI
 VINCENTI AD HÆ
 REDITATES IN
 SCRIBITVR,
 ET QVIN
 TVS
 EST.

Anta est in nobis Domine
 ex infirmitate nostra, quā
 sentimus assidue, concer-
 tatio, ut nequeamus sine
 ope misericordiæ tuæ sub
 sistere. Licet enim uictrix
 ratio suo iure de sensibus
 triumphare deberet, inter
 dum tamen nostra culpa succumbit. Queniam
 oculos nostros ad te non tollimus terrena hæc,
 & infima nimium auide prosecuti. Si sciremus
 familiarem, ac intimum nobis hostem deuince-
 re, ipsumq; infrenem appetitum aureis, quos de
 disti nobis, uinculis continere, facile quidē esset
 alios superare, Quibus Cēlestis hæreditas, ad
 quam nati sumus, subtrahitur, Creasti nos Do-
 mine, & sub umbra alarum tuarum legitime con

gregasti, ut nobis peccatorum, & miseriarū uulneribus, te Duce, consuleremus. Sumus uelut in torrente quodam, hoc in uitæ curriculo constituti. Vbi nisi nobis tanquam rector, & auxiliator affueris, certe peribimus. Quare quum gloriosissimus filius tuus te semper pro infirmitatibus nostris orare uoluerit, nosq; ita credamus, non alio instrumēto, quo tibi orationes nostras componamus, utemur, quam quo ipse emoriens tibi obsequi uoluit, ut non inutiles terrarum angustias, uanamq; & instabilem promissam hæreditatem, sed firmas, atq; amplissimas, quæ in cælis sunt, opes, eo authore conquirere ualeamus. Et quoniam nullus est, qui alterius non egeat auxilio, concordēs omnes, unus pro alio, & pro omnibus quisq; ad te supplex recurrit, inquit.

VERBA MEA AVRIBVS PERCIPE
DOMINE: INTELLIGE CLAMOREM
MEVM.

Si. n. orare uolumus, uerba prius necesse est, ut ore formemus. non quod penetralia cordium nostrorum te lateāt, quia singulos eorum sinus, & latebras perscrutaris, dumq; uelis, cogitatus omnes enumeras; Sed ut quisq; accendat magis in tui obsequium, & amorem; Dumq; uerba idonea labiis componere studet, animo sit magis in

V

tento, totusq; a tui contemplatione pendere conspiciatur. Modus etiam orandi percipitur, si tecum colloqui uideamur. Non, n. sciunt omnes quid orent, quid petant, quid tuæ sit placitum uolūtati. Data est sane ob eam causam a te Deus hominibus lingua, ut animi conceptus ualeant explicare: Inde q; alius, atq; alius alterius exēplo discat non modo inter homines fari, ut quibus egeat, exprimat, sed etiam ad Cēlum, unde exortus sit, intētissimas preces effundat. Non potest homo interdum præ nimio, quo angitur, affectu se abstinere a sermone cum mutis, dum de anxietate sua conqueritur. Aut. n. aduersæ fortunæ casus enumerat, aut secum ipse recenset quæ nam omiserit, aut obeunda sint, ut uoti compos efficiatur. Sermone animus gaudet, clarescit ratio, Tedium abigitur, spiritus recreatur, mens sibi refocillata constat, & quæ sua sunt, recto cursu prosequitur. Quāto magis tecum homo eniti debet, ut colloquatur, qui non elinguis, aut mutus, sed eloquentissimus Deus es? Qui script s, prophetis, operibus, quæ tuā enarrent gloriam, nobis quotidie loqueris? Atq; ideo dulcia, omni- que suauitate suauiora facta esse eloquia tua dicimus, & constituta supra mel, & fauum. Hac ratione ad te formata uerba dirigimus, quum ta

T

Psalmus.

men prius quales nostri fuerint mentis conceptus, agnoueris. Verba, quibus animus explicatur, & tuæ interdum ita demulcentur aures, ut pro factis nobis reputata sint, & a te (licet immerito) exaudiamur. Hac ratione audemus in conspectu tuo compositos proferre sermones, & animati coram solio maiestatis tuæ prodimus: Nam usq; adeo pius es, & misericors Deus, ut & filium tuum te pro nobis indefinenter orare uoueris: Et nos (ni fallor) tua ineffabili pietate, ut oremus, orare quodammodo uidearis. Hinc plane fit, ut congregatio tua, quam instituisti, & tuis insignibus exornasti, sui ipsius confisa iuges preces effundat, pientissimæq; uerba pronunciet, quibus opem tuam imploret. Verba mea (inquit) auribus percipe Domine, quæ nullo sunt prorsus ornata fūco, aut Lenocinio præparata. Verba inculta, & auribus tuis indigna, sed tamen puro corde prolata: Verba, quibus si desunt facta, animus deesse non potest. Quæ sane mea esse testificor, quoniam ieiuna, manca, infusa quum sint, tuæ sapientiæ, & gratiæ supplemento indigent, ut coram tua amplitudine merito proferantur. Eoq; audētius mea ad te facio uerba, quod ore ad os quandoq; maiores nostros non dedignatus es alloqui. Quod etiam unigenitus

tuus quoties ad orationem accesserit, non corde solo, sed labiis id executus est, dum a se calicem, quem bibiturus erat (si fieri potuisset) auferri precatus est: Et suum tibi in cruce spiritum commendauit. Ipse quoq; filius, tuum est admirabile uerbum. Quo uelut ex ore mentis tuæ secundissime prodiens tuam exprimit potestatem, ita se tibi gloria, & honore parem ostendit. Verba mea (inquit) ecclesia) auribus tuis percipe Domine, ut quandoq; ipsa eadem digna efficiatur audiendi uoces tuas. Quibus (ut solebat) se sponsam, amicam, & columbam filii tui, formosam, atq; dilectam abs te, & ab eo pariter appellari perferat: Atq; ideo hilaris, & iucunda, omni argento, auroq; & gemmis ornatior coram te posita ingentes tibi gratias agere uideatur.

AVRIBVS Tuis, te rogat Domine, ut sua uerba percipias, quoniam nullis aliorum precibus uti statuerit, ut imploratam gratiam consequatur. Animosior fortasse facta, quam deceat, sed spe, & confidentia bonitatis tuæ suffulcta: Aures uero tuæ mitissime Deus sunt iustitia, & pietas. Nanq; iniusta, & impia audire nō potes. Neq; una tantum iustitiæ aure indigemus, ut orationes nostras, & inculta uerba percipias, q̃ sane nostris operibus indigni sumus, ut audia-

mur a te. Sed misericordiae tuae facti participes sperare audemus, & petere, quae alioqui iuste nobis concedi non possent. Quare altera ex tuis magis grata nobis est auris, quae facilius demulcetur, & patet, ut peccatorum uoces admittat. Dextramque propterea illam appellare poterimus, qua quidem melius, atque facilius nostra uota secundes. Grata uero auditus attentio optimam intelligentiam prae parat, & orantem sapientius uoti compotem facit.

QVVM Illius itaque uerba auscultaueris Domine, ut clamorem suum intelligas, te orat ecclesia. Sperat, non immodice certa est, si petitionem eius bene perceperis, non tantum uocis eius clamorem, sed etiam cordis meditationem intelliges. Clamat ad te, ut penetralia eius, & animi uoluntatem respicias. Clamat, non ut audiatur solum, sed etiam intelligatur, & postquam audita, atque intellecta fuerit, exaudiatur a te.

CLAMOR iste, bone Deus, magnaque sponsae filii tui uociferatio undenam prodit? Est ne infana, aut insolens facta, quod tam temere coram te, & pietissimo sponso strideat, exclamet? Es ne tu Domine usque adeo surdis auribus? aut ita procul distas ab ea, ut elatibrem longe quam deceat, uocem emittat? Nonne tua ubique uis ui-

get, urget presentia: & conspectus adest: Nonne
 Cælū, terram, maria, & Elementa omnia occupas?
 Tota insanire non potest, quoniam eam elegisti,
 & mira animi pulchritudine decorasti. Quæ cum
 infania, & insolentia se esse non patitur.

EXCLAMAT Ergo, quoniam uehementer
 tibi afficitur, & exaudiri peroptat. Exclamat, quod
 in maximis iactationibus constituta, quo sum-
 mopere indiget, auxilium tuum implorat. Quan-
 do mandata tua despiciuntur, pietas non obser-
 uatur, iustitia opprimitur, rectus uiuendi modus
 aufertur, commune Reip. bonum omittitur: sedi-
 tionibus, odiis, simultatibus, & atrocissimis bel-
 lorum turbinibus cōplentur omnia: Tuique ideo
 nominis hostibus manus dantur, ut illam cōtur-
 bent, agitent, & nisi tuo numine adiuta fuerit;
 prorsus inuertant. Hæc ingentis clamoris ratio,
 hæc implorationis uehementis causa. Qua quū
 maxime se affligat ecclesia, ne pereat, ad te con-
 fugit, & intentissima uoce precatur, ut uerba sua
 quomodocumque prolata auribus tuis percipias
 Domine, & percipiendo intelligas clamorem
 suum, qui ab intima pectoris meditatione pro-
 dierit.

NON Dixit percipe, & intellige, sed perci-
 pe intellige clamorem meum. Quoniam auribus

Psalmus.

tuarum perceptio ab intelligētia tua non discrepat, immo unum, & idem sunt. Atq; ideo dum te precatur, ut uerba sua percipias, idem exprimere uisa est. ac si dicat, me, meumq; cogitatum, & clamorem intellige. Et quoniam tua etiam intelligentia, quando iustæ sunt peccatorum preces, pro tuæ sacratissimæ uoluntatis sentētia haberi potest, hinc factum est, ut post illam, tuam etiam intētionem, & almæ uoluntatis decretum ecclesia implorare non differat. inquit

**INTENDE VOCI ORATIONIS
MEAE REX MEVS, ET DEVS
MEVS.**

Siquis Sane a Principe quicquam duxerit impetrandum, primum roget illum, ut adhibeat aures, opus est, deinde, ut petita intelligat, Demum si hæc iusta fuerint, annuat. Vno, & eodem contextu tibi tria hæc nurus tua petere uisa est, ut quoniam iustus es, & omnia momento libras, uerborum apparatu te non indigere monstraret. Ac si dixisset, non in oratione mea attentum te faciam Domine, neq; ut minutim quæcunq; dixero, intelligas, obsecro, sed ut statim, quum me audieris, immo antequam mea proferam uerba, te oro, & obsecro, ut exaudias me, & intendas uoci orationis meæ,

Atq; ita intendas, ut quod cupio, tu quoq; uelis,
& statuas, Vtriusq; nostrum sit unum, & idem
uorum, una, & incommutata uoluntas. Ad tui
enim obsequium nata sum, tibi parendum est. a
te mea pulchritudinis speranda est conseruatio
Rex Meus, & Deus meus.

NANQVE Licet me sponsam filii tui esse
uolueris, Te tamen una cum ipso Regē meum,
& Dominum appellare constitui: Quoniam es.
Neq; solum te Dominum uoco, sed etiam Deum
optimum maximum. Qui regas omnia, imperes
uniuersis, tuo iure, quod suum est, unicuiq; di-
stribuas. Dum sane tua administratione, & pro-
uidencia maxime indigeo, Te socrum meum,
aut filium tuum sponsum appellare non audeo,
præsertim, quod mei plurimum niteris amiser-
im: susceptæq; a te dignitatis, & authoritatis
fere mihi ablatum sit munus: Quod delinquen-
tium ignauia, & insolentia impiorum, uera tibi,
& inculta quidem, facta sum serua, nullo ferme
tecum affinitatis, aut beneuolentiæ nexu con-
iuncta. Intende pater, quoniam infestor undiq;
ab hostibus, qui me quotidie perturbant, & lace-
rant. Qui me aflagunt, & fere usq; ad internicio-
nem deducunt. Intende oculos, & mentē tuam,
intende manus, & dexteram potentiæ tuæ, ut

uirtutem, & mirabilia faciat in terra Aegypti.
 Quæ sane hostilis est, & uirulenta, ac omni amaritudine amarior. Ita. n. liberata quum fuero, si mihi intenderis, in terram promissionis deueniam. Quæ plane sancta est, suauis, & omni iucunditate iucundior. Duritiem, & asperitatem sonat Aegyptus. Vbi nulla quidem animi hereditas, nulla libertas, nulla mansuetudo, aut requies inuenitur. Intende Pater optime, succurre, & subueni, ut si me in dilectam, & formosam habueris, nunc quoque me ad decorem pristinum redire uelis, & diligas. Quando decolorauit me Tuus sol, quoniam cum alienigenis commisceri coacta sum, & puritatis meæ Candorem, quo splendescbam, amittere. Intende, & spiritum tuum demitte, ut recitet, & renouetur in me facies animæ meæ. Intende, rectoque cursu propera, ac magna uirtute calamitati meæ succurre. Quoniam supplex, & ex intimis cordis penetralibus ad te preces meas effundo. Quas præ nimio pietatis ardore, unde incipiam nescio, & si tumultuarie incepero, non uideo quo tendam, aut quibus uerbis sermoni meo inculto, inconcinnisque uocibus finem imponam. Vereor propterea optime Pater, ne quum his præludiis me ad orandam maiestatem tuam accingo, deficiam, soloque

exordio contenta me tuæ prorsus sapientiæ , & pietati committam . Oraui etenim læpius te , & ad orationis calcem perueni . Nunc uero id agere mihi meus non suppetit animus , aut uires sufficiunt, quod noctis quadam caligine obtenebrari uidear : Et inimicorum tuorum (quos in sinu meo, & complexu inuita detinco) impietate conspergar. Oraui, oroq; , & in futurum orabo, ut quantum in me erit , paucis comitata noctis huius tenebras (quas te odisse scio) procul abiciam. Speroq; matutinis tam iustitiæ, quam pietatis tuæ temporibus exaudies uocem meam. Atq; id ipsum præ nimia lætitia repetō.

ORABO AD TE DOMINE, ET MANE EXAUDIES VOCEM MEAM.

NON Enim tuus Sol nubibus lætari solet, aut tenebrosis illabitur oculis . Lux tua animi puritatem desiderat , qua , quum affectus fuerit splendere maxime ualeat : Et demum inter proxima tua Maiestati, atq; felicia numina collocari. Orabo ergo mane , & mane exaudies me . Si uero non mane orauero, nō utiq; exaudies. Quā uis . n . semel e matris utero exierim , fonteq; purissimo abluta, e defecato prius sim orta conceptu: Quum tamen ex meis pleriq; omnes in perniciolam denuo, & frequētem labem inciderint,

amissam lucem recuperent, & tanquam stellæ de profundo noctis oriantur denuo, opus est, fulgoris tui præstantissimi radiis illustratæ.

ORARE Potuit, & proculdubio antequâ filii tui, seruatorisq; nostri lumen spectaretur, orauit ecclesia. Sed nisi, postquam uti maximus, & optatissimus Sol, ubi delituisset, apparuit, ex audita non fuit. Orauit te ipse idē assidue filius, ut institutum ab æterno legationis munus sibi demandaretur: suæq; sanctissimæ, quam elegerat, ciuitati lucem pariter, & salutē afferret. Non erat ullum ei noctis impedimentum, quod tua, & ipsius est una, & eadem Lux, quæ totum uniuersum illuminat. Sed tamen post diuturnas mundi huius tenebras matutino tēpore factus est uoti compos a Patre. Atq; ideo scriptum auspiciatissime legitur. Surge, & illuminare Hierusalem, quia uenit lumen tuum, & gloria Domini orta est in te. Quando ille ipse, & tu pariter exaudiri promeruisti. Eo tempore dixisse poteras o felicissimum mane. & uere aureus solis ortus, quo tam salutaris, & gloriosus mihi dies illuxit. Felix oratio, quæ te tantum ex olympo solem deduxit. Beatissimæ preces, quæ post longam seruitutis caliginem me summo libertatis splendore donarunt. Faustissimus, alboq; lapillo signan

dus dies, qui me Regiam ciuitatem instituit, &
 ueluti dilectissimam sponsam, A eterni Patris
 filio perpetuo connubio iunxit. Per imam noctē
 orauī, & mane exaudita sum. Antequam exau-
 direr, sperabam omnino tanquam aurora quæ
 dam mane una cum fulgentissimo sole confur-
 gere. Quum uero, quod diutius efflagitasset, de-
 niq; obtinuerim, moxq; mihi per tempus lumen
 defeccecit, stellarum instar, quæ interdum deli-
 quium patiuntur, mane denuo tibi assistam Do-
 mine, ut mane me hilarem, & clarescētē efficias.

QVOD Quum item hac tempestate conti-
 gerit, bone Deus, neq; unquam magis tua hæc
 luna defecerit, ob innumeras agitatorum homi-
 num sordes, ad te suum splendidissimum solem
 conuersa in hunc modum alloquitur.

MANE ASTABO TIBI, ET VIDE
 BO. QVONIAM NON DEVS VO-
 LENS INIQVITATEM TV ES.

ASSISTAM Igitur, atq; ita preparabo
 me, ut pro tua pietate meis annuas uotis. Quod
 quidem est mane tibi assistere. Nam qui impa-
 ratus ad orationem accesserit, tibi in tenebris he-
 rere dicitur, immo uerius non herere, aut assiste-
 re, sed distare procul, neq; is unquam uoti com-
 pos efficitur. Paratus est, qui uiam Domini, in

qua ambulet, præparauerit, & rectas iustitiæ semitas faciet. Imparatus uero, qui iniquitates obseruauerit, & ueritatis, atq; modestiæ pondus sustinere non poterit. Astabo igitur mane tibi, & uidebo, ipsa eadem inquit ecclesia, ac si dicat, nisi eo tempore tibi astitero, utiq; non uidebo gloriã tuam, neq; petitio mea grata erit in conspectu tuo. Clausi mihi erunt oculi mei, ac uere cecutiens obuertam illos, & expectabo unde matutinum mihi lumen appareat, quo tuæ serenitatis uultum prospiciam. Tunc sane ex aperto cognoscam te uerum Deum esse, atq; intelligam nulla impietate quãuis minima inflecti posse, sed puritatem cordis, atq; animi sinceritatem expetere, ut gratiam tuam infundas, tibiq; fidelium cætus pares, atq; concilies. Quo. n. pacto fieri potest, si iustus, & pius es, ut impietatem, & iniustitiam diligas? si hominibus bonum procuras, ut malũ uelis? Et qui dolose congregationi tuæ officiant, ut eos protegas, atque defendas? Duæ nanque (nescio qua sorte) inuentæ sunt ciuitates. Quarum Dei altera Hierosolima, quæ pacis inspectio interpretatur, altera Babilon, & cacodemonis dicta est. Quam ob assiduam eius iniquitudinem, & prauitatem odisti, quod neq; tu illam feceris, sed a semetipsa (te serme inuito) ad mi-

seriarum ima deciderit . Ego uero ciuitas tua tecum mane ueluti stella consurgens , Quam elegisti , & destinasti ad gloriæ tuæ hereditatem , spero exaudies me : & quemadmodum filii tui coniugio , ita Cælestis quoq; patriæ fructu donabis . Quo felices illæ nuptiæ perpetuis temporibus celebrentur . Altera uero est , quæ sub iniquitatis Principe suum malignum , & detestandum coaluit spiritum . Quæ item coram te sanctum , quod dedisti illi , labefactare , & a uoluntate tua auertere non erubuit . Quæ felicissima seruatoris sponsalia detrectauit , Quæ fastus , furoris , cedis , rapinæ , mendacii partes secuta est ; Et tibi ueluti nunquam assistere uoluit , ita neq; gloriam maiestatis tuæ prospiciet . Semperq; ad uesperas animo , & oratione cõtendet . Non . n . pudet Virum impium , & iniustum sua petulantia confisum orare , & petere , quæ iusto Dei iudicio illi concedi non possunt . Mala , & execrabilis consuetudo ita hominum ingenia obtundit , uelat , obnubilat , ut neq; seiplos , neq; alia in tuo beatissimo lumine , sed in propriis tenebris intueantur . Quam obrem quantouis splendore natiuo refulgeant , nunquam ad mane tuum consurgunt , uerum in uespertinis luminibus negotiantur .

DVPLICI Hac rerum contemplatione sex

Dierum opera in mundi fabrica distinguuntur.
Quorum uesperę, & mane coniuncta singulatim
circulum complent, tuę sapientię, & bonitati
gratissimum. Quo etiam fit, ut (quum uespera
non solum rei cognitionem in proprio genere;
uerumetiam sequentis diei initium sonet, quo
res creabilis in uerbo perspici dicitur) in hunc
modum dies septimus, qui sane sabbati, & quie
tis est, uesperas non habere dicatur.

QVICVNQVE Igitur ad te consur
gunt, te uident, tuo sempiterno lumine gau
deant. In quo seipsos, & rerum omnium opifi
cium spectant, te laudant, & tibi gratias agunt,
suam omnem in te quietem, & tranquillitatem
constituunt.

QVARE Quum huiusmodi omnia tibi
tua ecclesia memoret, aliorum sibi aduersantius
perfidiam, inquietudinem, iacturam reticere nõ
potest inquiring.

**NEQVE HABITABIT IUXTA
TE MALIGNVS, NEQVE PER
MANEBVNT INIVSTI ANTE
OCVLOS TVOS:**

SI ENIM Iniquitatem non odisse nõ po
tes, malignum hominẽ, qui & iniquus est, quo
modo apud te habitare permittes? Tua sane

summe Pater habitatio est florida, læta, suavis. Apud te purum, & immaculatum animarum consortium, frequentes Angelorum cætus, Beatorum spirituum agmina, Tot speciosissima, & candidissima lumina in tuum conuersa solem. Quæ nihil profecto malignæ noctis, aut tenebri colî silentii prorsus admittunt. Malignorum autem habitatio deserta est, arida, & obscura. Vbi fletus, & stridor dentium. Vbi angoris, & incendii finis esse non potest. Noluerunt siquidem benedictionem, & procul remota est ab eis. Voluerunt maledictionem, & adiecta est illis.

DE INIVSTIS Vero quid dicam? Qui ob id, quod abusi sunt authoritate illis cōcessa, per obliqua, & inuia incedentes declinauerunt a semita mandatorum tuorum. Quid inquam mihi dicendum est? Habitabunt ne iuxta te? In tuum ne illos suscipies habitaculum? Quod quidem malcolentiæ nihil, sed suauissimum bonarum actionum spirat odorem. Suscipies ne, an reiciies potius? Si reiciies, illuc prius aduentasse dicetur. At quomodo per iniustitiam facti sunt Regno tuo immaculato propinqui? Non reiciies ergo iniustos, aut propelles a te gloriosissime Pater, sed ante oculos tuos permanere nō poterunt. Eminus certe, atq; in immensum tua

prospiciunt lumina. Verum tanta est iniustitiæ uis, & abhominabile scelus, ut eiusmodi labe infectos homines intueri non possis. Atq; ideo coram te concident, & non subsistent eorū iudicia. Vires, gesta, imperia, tetræq; tyrannides nō permanebunt, sed cotruent in profundum. Neque sane illos in sinu meo complectar, nisi forte per fraudem, & simulatam fidem sese mihi in gremium introcluserint. Quos demū detectos procul abiiciam, & tuis sacrosanctis uirtutum, & donorum monilibus ornata gaudebo corā te Deo meo, Patre, & Domino uniuersorum. Abiiciam plane procul iniustos, quia amore ardeo erga te. Et tu uersa uice me diligis, atq; unicam tuam appellas. Diligis me, & inimicos meos odio habes, qui me, & nomen tuum sanctissimum persecuti sunt gratis.

ODISTI OMNES, QVI OPERANTVR INIQUITATEM PERDES OMNES, QVI LOQUENTVR MENDACIVM.

ODISTI, Quoniam perperam egerunt, antequā filius tuus demitteretur ab alto. Odisti, quoniam post aduentum eius in suis iniquitatibus durissime perseuerarunt. Vbi neq; timor ul-
lus potestatis tuæ, neq; poenarum tremor inuen-

V

tus est. Sed petulantia, libido, ambitus, impietas, & infensissimum tuæ Diuinitati mendaciū. Odisti eos, & conturbasti, odisti, & regno tuo, tua gratia, tua felicitate priuasti. Immo seipsos odio uisi sunt habuisse coaliti, atq; coacti in desideriis suis: Non diligentes sanctum suum, non curantes spiritum ueritatis. Qui (quotiescunq; uoluissent) locutus esset in illis. Neq; solum locutus, sed mirabilia operatus, ut de ciuitate perducta ad sacrosanctum hominum conuentum ducti suas infirmitates cum immortalitate mutassent. Neq; duæ profecto essent ciuitates, quarum altera Demoni, & perditissimo omnium spiritui deseruiret: Sed una tantum ciuitas, una cōgregatio, unus conuentus. Qui longo bonarum mentium ordine tibi summo, uero, optimo omnium Principi obsequeretur. Velut. n. unitate gaudes Domine, ita multitudinem spernis, Quæ simplici unitatis uinculo necti non potest. Quo fit, ut Beatissima trium Hypostasum tibi sit unitas, & simplicissima atq; indiuisa perfectio. Non potest duabus in Ciuitatibus, ubi incertus est ordo, communis pax, & rectus uiuendi modus institui. Cum una, & eadē ueritate uarii, & cōs hominum cōsensus nequeunt inueniri. Veritas omnis pura est, atq; sincera, quæ quidem alteri

X

Psalmus.

ueritati repugnare non potest, neq; ullo quātulo
cunq; mendacio cōmisceri. Ipse tu ueritas es, &
ueritatum omnium fons, atq; principium. Filius
tuus est ueritas, immo primum ueritatis uerbū,
per quod facta sunt sæcula, & cui ueritates aliae
subministrant, Veritas est amor ille tuus immē-
sus ex tua fecūdisima, & filii ueritate profectus.
Qui certe in odium, & furorem aduersus men-
daciū commutatur. Odio habes, & merito qui-
dem iniustum, quod tuam in externis actibus
inuiolabilem iustitiam administras. Sed eū qui
mendaciū profitetur, maxime edisse debes,
quoniam intestinis tuis, & peculiaribus orna-
mentis opponitur. Iniustus quoq; licet opere, &
sermone sit mendax, & secus, quam dicet ratio
exequatur, non tamen omnem prorsus reiicit ue-
ritatem. Ex multis fane, & simplicibus, & com-
positis mentis actionibus, quæ ueritatem attin-
gunt, adiectis falsis falsitatem, & errorem enun-
ciat. At qui omnibus modis est mendax omni
prorsus ueritatis lumine caret, & in profundissi-
ma tenebrarum nocte uersatur.

ODISTI Igitur recta ratione mendaces,
neq; id solum, uerumetiam perdidisti. Immo se
ipsos turpiter perdiderunt, eo quod non custo-
dierint se ab inquinamentis animarum suarū.

V

Perdidisti, & in futurum perdes loquentes, & sentientes mendacium. Non, n. mendax ille solum est, qui aliud corde sentit, & aliud uoce pronuntiat: sed etiam qui tacet, dum male sentit de fide, de moribus, de sui ipsius, & alterius uita. Is namq; est ueritati contrarius, qui dum hac in falsitate perseverauerit, perdendus omnino est, atq; extra egregie, & perspicue ciuitatis terminos statuendus. In qua scriptum est habitare illos solummodo, qui ueritatē in cordibus suis locuti sunt. Qui non egerunt dolum in lingua sua. Detestandi profecto utriq; At minus hi, quoniā sibi ipsis tantummodo nocere queunt: Illi uero & sibi, & aliis. Non enim quis mendax est ore, nisi prius mendacium in corde formauerit, credat illud, aut non credat.

EXCLVDETVR Etiam ab hac tua sanctissima ciuitate uir sanguinolentus & dolosus. Atq; ideo ab ecclesia subditur.

VIRVM SANGVINVM, ET DOLOSVM ABHOMINABITVR DOMINVS.

QVOD Qui in Sanguine suas uersant manus, atroces sunt, & impii, nulla religione, nulla humanitate præditi. Sed ferarum more, effigie, animo, natura abusi sunt sua. Quos quidem non

modo perditissimos uoluit Dominus : Verum etiam abhominabitur illos , & nomina eorum. Quantum.n.sit Deo optimo infensum, per uim eius tam celebre, tantisq; artibus, & ingeniis constructum opus dissolui , nemo est , qui merito ambigat. Sequit̃ies, quæ humanum genus nõ mutat solum, sed etiã inuertit, summa profecto est, & quæ superbam Babiloniam a Cœlesti cõsortio procul abducit. Eiusmodi enim uitæ homines, qui in sanguine suas assidue uolunt manus, facile in se omnia uitiorum genera cõplectuntur. Maligni siquidem sunt, iniusti, mendaces, & luporum omnium rapacissimi . Quibus certe (ut uidere est) omne scelus frontem perfricuit. Quæ ratione sponsa filii tui dilecta , quum se nouerit ab huiusmodi perditionis cõuentu exemptam, in hunc modum tecum dum loquitur, summo pere gloriatur.

EGO AVTEM IN MVLTITV-
DINE MISERICORDIAE TVAE
INTROIBO IN DOMVM TVAM:
ADORABO AD TEMPLVM SAN-
CTVM TVVM IN TIMORE
TVO.

SI LICET Gloriari, maxime glorior (non enim aut odisti me Domine, aut pdere uoluisti)

salua per te facta sum. Protexisti me a malignan-
 tium conuentu, & longo interuallo ab iniquo-
 rum consortio direxisti. Sine tuo numine repro-
 bata eram, & ex meis quibusq; actionibus ad
 tantam splendoris tui gloriam eleuari non pote-
 ram. Verumtamen misericordiæ tuæ beneficio
 immortalis Donata ad Beatissimas atrii tui sedes
 destinata sum, atq; infimis mundi huius anfra-
 ctibus liberata. Si gloriior itaq; non in meipsa,
 sed in tua misericordia gloriior, qua sanctissimā
 Domum tuam ingrediar, & me cœlesti familiæ
 tuæ adscribes. Tua hæc est gloria optime Pater,
 non mea, quod imbecilla sum, & infima, quod
 in peccatis concepta, tuæq; amplissimæ liberali-
 tati id muneris est merito tribuendum. Domum
 tuam gloriosam, ac præ omni laude dignissimam
 quali me credis animo ingressuram? Qua læti-
 tia? Quo iubilo? Qua exultatione sentiam oscula
 sponsi mei amantissimi genis meis infigi? Qua
 suauitate, & spirantissima fragrantia Diuinum
 eius os meo indigno, sed dilecto ori iunctum ex-
 periar? Quo ipse uultu? quibus congressibus me
 in Thalamum suum suscipiet? Quo me honesta
 bit conuiuio? Quibus uelcemur epulis? Quo cœ-
 litum concentu, atq; tripudio tam felices, atque
 præstantes nuptiæ celebrabuntur? Gestit fere

Psalmus

nunc in immensum animus meus, dum hæc ipsa commemoro. Quæ me longo post temporis spacio præstolantur, inde quæso considera mi pater, & Domine (quod iam optime nosti) lætabor ne, aut potius gestiam, quum me Domum tuā sanctam recepero. Quando uno, & eodem actu te Deum optimus, Sanctissima trinitatis lumina: Angelorum choros, Cælitum cateruas, totum denique, ac triforme uniuersum potero contueri.

TUNC Etiam adorabo te Domine ad templum sanctum tuum in timore tuo. Adorabo, quoniam Deus es, non ubicunque (in Domo. n. tua, ut scribitur, mansiones sunt multæ) sed iuxta altare tuum in tabernaculo tuo. Vbi est locus, qui sancta sanctorum uocatur, ubi alata sedent cherubin. Quorum alæ faciem tuam obuelant. Quoniam nequimus per eorum naturam in tug diuinitatis perspicuam notitiam deuenire. Licet enim hi sacratissimi spiritus inter res creatas splendidissimæ intelligentiæ priuilegium habeant, non possunt tamen suis quantumuis pernicioribus alis ad contemplationem tui altissimam euolare. Siquis ergo eo cursu uellet tantæ felicitatis metam attingere, palam est eum, nisi ad obuelatam faciem tuam, peruenire nō posse. Atque ideo non nostro, aut Angelorum uolatu eo

V

usq; pertingimus, sed tuo opus est numine, aura,
& afflatu. Quo & primam Domus tuæ partem,
ubi est assidua temporis uicissitudo: Et secundā,
quæ septem syderibus, &que ac lampadibus ex-
ornatum candelabrum, cælum habet: Et postre-
mam deniq; ubi tuum est propitiatorium, ascen-
damus.

TABERNACVLVM Tuum in terris,
quod in circuitu adoraret populi, statuit Moses.
Vbi arca fæderis, & inuisibile sanctuariū aderat
immemsam tuæ Maiestatis amplitudinem præ-
figurans. Tabernaculum istud sancta tua se in-
gressuram sperat ecclesia, ubi adoret te, sempiter-
naq; beatitudine perfruatur. Aliud enim est ado-
rare te, & adorare teipsum ad Templum sanctū
tuum. Adoramus te dum hoc in sæculo misera-
bilem uiuimus uitam, Adoramus, dum in pecca-
tis sumus, te Deum optimum prædicamus, a te
ueniam petimus: Sed extra templum tuum exi-
stimus. Dum sane gratiæ tuæ beneficio priuati
sumus, Dum nos sancti spiritus uascula nō esse
pernoscis: Tunc uere neq; habitacula domini
dici meremur, neque in templo tuo sanctissimo
habitamus.

SIQVIS Ergo uelit perfecte tuum colere
numē, Te in ornatissimo, & pulcherrimo animę

Psalmus.

tuæ templo requirat. Se tibi templum efficiat, ut aliud in semetipso, & admirabilius templum inspiciat. Vbi adoret te, summoq; intelligentiæ, & uenerationis splendore affectus in tui amorem exardeat, ac in perspicuam maiestatis tuæ notitiam rapiatur. Tunc enim iuxta aram immensę pietatis tuæ, & glorię constitutus te in timore tuo colet, & adorabit. Non ob id, quod de tua bonitate diffidet, sed quia teipsum ueneratione quã maxima, prosequetur.

INDE Quocumque quis recte adorationis munus exercere uoluerit, tuam timeat potestatem, uereatur recedere ob obseruatione mandatorum tuorum. Se noscat impurum esse, & innumeris erumnarum sordibus inquinatum. Neq; tamen ita uelim diffidat, ut in Dei iram incautus incidat, quam in diffidetię filios influxam legimus. Verum opposita ratione confidat, speret, amet, colat, ut ex templo huius sæculi manufacto ad perpetuum, & admirabile Trinitatis templum tuum deueniat. Quo fit, ut sponsa filii tui, de qua noster ceptus est sermo, quum se eius dilectam agnouerit, antequam eiusmodi tam felici successu posita sit, quinimmo in maximis perturbationibus posita ad te uocis suas in hunc modum emittat.

V

DOMINE DEDUC ME IN IUSTITIAM TVAM PROPTER INIMICOS MEOS: DIRIGE IN CONPECTV TVO VIAM MEAM.

SI ENIM (ut mihi per sanctos patres innotuit) digna effecta sum, ut tecum in tuo habitem thalamo. Quum tamen nondum tempus tantæ felicitatis aduenerit, te precor Domine, ut in iustitia mea non modo me perseuerare sinas, sed etiam efficaciter uelis, & statuas. Sunt enim undiq; mihi, quibus premor, angustia. Est malus ille Demon sathan Babiloniae caput, & Princeps, qui meis quotidie gressibus implicatur. Qui cōgregationis tuæ filios irretit, & illaqueat. Qui meis ornamentis, & bonorum operum odoribus perperam emulatur. Qui a recto iustitiæ calle totis uinibus non ipse solus, sed una cum tota Demonum acie me diuertere studet, in me assidue machinatur, seditiones parat, & nutrit, sensuum blandimenta proponit: Honori meo, & gratiæ inuidet, & me perdere satagit, ut tota mortalium una sit ciuitas: Quæ illius miserabili, ac funestissimo administretur imperio. Hi sunt inimici mei: propter quos te rogo Domine, ut deducas me in iustitiam tuam: inimici enim tui sunt, qui libidinibus exarserunt suis: non cru-

Y

bescentes propriam cuiusq; speciem immensæ
 tuæ pulchritudini præposuisse, Hi sunt, qui me
 infestant assidue, & mille artibus stimulant, ut
 similis illis fiam, & a peccatis detinear in sempi
 ternum. Hi sunt, qui mihi mundi huius opes,
 honores, uoluptates gregatim assidue iactant,
 & concinunt: ut meas (sirenarum more) falla
 citer demulceant aures. Verumtamen maxime
 inimicitie signa eorum perhibent oculi. Qui
 bus me torue aspiciunt, dum meam perditionē
 procurāt, Quum uideant me in suas nequaquā
 partes posse pertrahere.

ATQVE Ideo enixius, quo fieri queat te
 oro, & obsecro, quoad hisce in agitationibus man
 sero, me regas, & dirigas uiam meam. Quæ alio
 quin intorta est, & obliqua nimis in conspectu
 oculorum tuorum, qui sunt tuæ sanctissimæ uo
 luntati conformes. Via mea in hunc modum
 sapientiæ tuæ filo directæ non mea erit, sed tua.
 Et quæ secus delitescere consuevit, mihi tuo
 pateſcet lumine. Quo & ipsa cum adolescentu
 lis tuis longo ordine ad te ualeam peruenire. Et
 tu, sponsusq; meus pulcherrimus ante ascen
 sum meum mihi mel gratiæ suæ, & pietatis ro
 rem assidue influat; eo quod certissima ratione
 cognosco.

V

QUONIAM NON EST IN ORE
EORVM VERITAS. COR EORVM
VANVM EST. SEPVLCHRVN PA-
TENS GVTTVR EORVM, LIN-
GVIS SVIS DOLOSE AGEBANT.

LICET .n. innumeris blandimētis afficiar,
nosco tamen, quoniam mendaces sunt; Et ab eo-
rum corde mendacissimo quas insinuant, proue-
niunt actiones. Lux mea nō capitur nugis, Ver-
borū Lenocinio ueritas non obfuscatur. Eorū
guttur, & pectus impietatum omnium recepta-
culum est, atq; sepulchrum, Quo scelus omne re-
condant, atq; ita sepeliant, ut exhaustum nullo
unquam tempore uideatur: licet assidue malorū
omnium, & iniquitatum flammæ cuomet, &
eructet. Os. n. a gutture, guttur a corde, cor ab
animi malignitate, & uirulentia amarescit, ac
quoscunq; uoluerit, inficit. Non enim ea est De-
monis, malignorum spirituum, & iniquorum
hominum amaritudo, aut pestis potius, quæ suū
dumtaxat, ubi exorta est, occupet locum: Sed so-
ras exit, ampliaturq; nullis præscripta finibus.
Neq; ferme tantum cuipiam dulcedinis, aut ni-
toris comparatum est, ut nequeat (nisi illum ad-
iuueris) eorum tabo, & contagione cōmaculari:
Mille etenim sunt iniquorum artes, & studia so-

Iertissima, quibus die, nocteq; in probas, & con-
stantes animas inuchantur. Quumq; sensuum
illecebris eas irretire non possint, uanitatis aura,
& auiditate glorię capere student, ut modus nul-
lus relinquatur intactus, quo inclinari queant,
& perpetuę perditioni succumbant.

QVAMOBREM Tu omnium pastor, &
rektor sanus, & oculatissimus iudex inquit nu-
rus hęc tua.

IVDICA ILLOS DEVS: DECIDANT
A COGITATIONIBVS SVIS SECVN-
DVM MVLTITVDINEM IMPIETA-
TVM EORVM. EXPELLE EOS,
QVONIAM IRRITAUERVNT TE
DOMINE.

IVDICA Illos, aut potius destrue, quod. n.
emendari noluerint, castigatione non egent am-
plius, sed inflictione, atq; inexorabili poena. Iu-
dica, & perde, quoniam perdendi omnino sunt,
qui iniuste alios perdere uoluerunt. Iudicabis iu-
dicio tuo sanctissimo, & ultione iustitię condem-
nabis. Quando a prauis cogitationibus, & ma-
chinamentis se decidisse conspicient ob innume-
ras eorum impietates. Cogitabant. n. me laqueis
suis ad turpia, & inhonesta pertrahere. Machi-
nabantur mihi, & frequentissimas parabant in-

fidias. Arbitrabantur mundi huius uoluptates esse perpetuas. Tuam deniq; misericordiam consequi non dubitabant, nimium sperantes in te. Iudica ergo illos, & expelle a conspectu tuo, inq; malignantium conuentu constitue, ubi se collocarunt. Reiiice, quoniam irritauerunt te, & deserunt tibi pariter inutiles facti. Nomen tuum sanctissimum non agnouerunt. Te Dominum fortem, & potentissimum obliti usq; in supremum uitæ Diē, qui de omnibus iudicat, in suis errorib; inuolucris pmanserūt. At uice uersa qui tibi obsecuti sunt Domine, opposito se habere modo necesse est. Quo fit, ut

LAETENTVR OMNES, QVI SPERANT IN TE, IN AETERNVM EXVLTABVNT, ET HABITABIS IN EIS.

VERA Enim, non simulata lætitiā gaudebunt se in tui consortium annumeratos fuisse. Lætabuntur, quos etiam latari maxime cupio. Quoniam & ipsa Lætor de manibus inimicorū erepra. Lætabor, quod tua sim, tecumq; diutissime fuerim. Neq; solum lætabuntur illi, sed sperabunt in te, ac exultabunt in sempiternum. Longe sane, quam lætitiā, est exultatio maior. Et ualde iucundius, atq; felicius est ad æterna gau

dia prouehi, quam exultare. Neq; exultatio hæc
sempiterna, grata tibi proculdubio uideretur,
nisi in me, filiisq; tuis pietate tua, & misericor-
dia inhabitares. O felix itaque, & faustissima
dies, qua tanta lætitia afficiemur, qua promere-
bimur diuinitatis tuę habitaculum fieri. Si felix
es Domine, quum habitabis in nobis, nonne fe-
lices erimus tecum, atq; dicemur? Si Deus es
nonne & nos tunc appellabimur Dii? Neq; so-
lum, qui ad Cēlestia regna prouecti sunt tales eē
dicentur, sed etiam reliqui omnes superstites
erunt ea felicitate Donati. Quæ certe, nisi in sæ-
culi consumatione, compleri non potest. Si qui-
dem quotidie ad Cēlum expurgatę remeant ani-
mæ. Quæ tuam ita regiam habitent, ut ipse in-
habitentur a te, & cōmuni quodā amoris glu-
tino congregiamini. Atq; ideo.

GLORIABVNTVR IN TE OMNES;
QVI DILIGVNT NOMEN TVVM
QVONIAM TV BENEDICES IVSTO.

GLORIABVNTVR Gloria tua, quo-
nia; iactauerunt cogitatus suos in te. Gloriabun-
tur gloria, & honore nominis tui Sanctissimi.
Gloriabuntur, & perennis gloriæ fructus acci-
pient. Pura, & sincera erit Beatorum spirituum
gloria. Quæ iustitiæ tuæ, & benedictionis mune

re afficietur. Vera erit, & tuo firmata nutu, quoniam nominis tui dilectio, cui innitetur, stabile illi futurum est fundamentum. Gloria itaque mea talis, & tanta (ut spero) te authore mihi continget, ut non meis curis, & studiis, non meis actionibus, aut meritis me ad eam peruenire posse intelligam. Enimvero.

DOMINE VT SCVTO BONAE VOLUNTATIS TVAE CORONASTI NOS.

ARMA Etenim tua, non nostra, illa sunt, quibus inimicos nostros superare potuimus. Arma iustitiæ, benedictionis, & uoluntatis tuæ sanctissimæ. Qua me sponsam filii tui ab æterno deligere uoluisti. Arma, quibus non cruore mactantur, aut in furorem, & mortem ciuntur homines, ut ea sunt, quæ nostra hac tempestate tractantur. Sed quibus uita paratur, fouetur Spiritus, pax & conciliatio animorum conquiritur. Dedisti, bone Deus, Arma, quibus uti noluerunt ignaui, sed inermes tam ab intestinis sensuum, quam ab externis hostibus superati sponte potius, quam ui concidete uoluerunt. Tuis uero spiritualibus uirtutum, & Donorum armis armati aduersus eos mirifice præualuerunt, & de utrisque gloriosam palmam uictoriæ reportarunt. Quos

Psalmus

etiam aurea tuæ sapientiæ galca Coronasti, & ad
amantino fortitudinis Clypeo protexisti, ut re-
iectis hostium uiribus felices ad suam hæredi-
tatem accederent. Quæ in decantatissima Hiero-
solimæ Ciuitate uiuis ex lapidibus constructa
reposita est.

AD Quam, Ego filii tui sponsa, & congre-
gatio tua te rogo Domine, ut abiectis inimicis
meis, me cito iubeas peruenire, ubi tecum dite-
scere ualeam. Qui uiuis, & Regnas Deus cum
unigenito tuo, & Beatissimo flamine in sæcula
sæculorum. Amen.

IN PSALMVM. DOMINE NE
 IN FVRORE TVO. QVI
 SEXTVS EST. ET SV,
 PER OCTAVAM IN
 CANTICIS IN
 SCRIBI,
 TVR.

Et si causam habet, ut spe-
 ret in Te populus tuus
 Domine, & in misericor-
 dia tua confidat, non ta-
 men sic sua spe erigi meri-
 to potest, aut debet, ut in
 solēs factus tuam nequa-
 quam amplius iustitiam
 uereatur. Sudare, & algere illum necesse est, in
 laboribus, & erumnis die, nocteq; uersari, ut se-
 ipsum exuperet, ac proportionem animæ ad cor-
 pus, mentis ad sensus, Diuinitatis ad mortalita-
 tem, spiritus ad carnem augeat, & iustissimum
 furorem tuum aufugiat. Ita, n. homo gradatim,
 quum usq; ad octuagesimum uitæ annum profi-
 ciendo peruenerit (ultra quem non est facile fi-
 lum produci) maximum uirtutis robur, soli-
 damq; meritorum magnitudinem sibi compa-

rasse intelliget. Qua quidem suæ cōditionis par
ta stabilitate Diuinæ pietatis subeat fundamen-
tum: Et ueluti a primo, sensuum, phantasiæ, ra-
tionis, & intellectus quadrato, per intentiones
Duodecim fidei gradus, sexq; uirtutum pariter
excellentiā, tanquam per coniunctissima me-
dia, lustratis nouem Angelorum ordinibus, de-
niq; secundum attingat. Atq; ideo recte si quis
sui ipsius octocordium appellatum, hac in uita
pulsauerit instrumentum, octauumq; diuinę cir-
cumcisionis diem per carnis macerationem fue-
rit imitatus, dicetur in Denarium (quo legis fi-
nis describitur) numerum deuenisse. Quumq;
in primis Beatitudinis normam, deinde Serua-
toris passionem, uictoriam, pietatem, Sui ipsius
confidentiam, ac Sexto loco timorem mortis, &
pericula inferni meminerit, obseruaueritq; nihil
ad uitæ perfectionem, quæ senario est similis, ul-
tra requiret. Ad hæc si sex dierū fabricam homo
suspexerit, seq; ut sui creatione, ita bonis operi-
bus eiusmodi senarium nouerit impleuisse, non
modo super Aereas regiones octaedra figura de-
scriptas, uerum etiam se super octauum Celi cir-
cuitum constituendum fore percipiet. Quo fit,
ut ille ipse populus tuus dilectus Domine me-
rens, & ingemiscens errores suos, ne satuias, aut

VI T

nimum irascaris, Te in hunc modum, & sane
consulto deprecari statuerit.

DOMINE NE IN FVRORE TVO
ARGVAS ME, MEQVE IN IRA
TVA CORRIPIAS ME.

SCIO Enim me in conspectu tuo errasse,
& quotidie errabundum in mille laqueos uani-
tatis incidere. Propter quos si iustitiæ tuæ furo-
rem in me exercere uolueris, utiq; nō subsistam.
Afflictus est ob eaz causam pleriq; plagis Aegy-
ptus, ac ob populi numerationem a Rege factā,
Hierusalem peste contabuit. Neq; tamen furor
ille tuus usq; adeo progressus est, ut mali author
funditus euerteretur. Sed dum seipsum emenda-
uerit, illi te semper ignouisse cōspectus es. Furor
sane tuus nescio uerus ne, an potius fictitiu ap-
pellandus, est mortalium insanix, ac uarietati
conueniens. Sed tua pietas tibi, tuoq; optimo, &
Augustissimo imperio est pleniori iure condebi-
ta. Enimvero post primam illam protoparentis
nostri iacturā periisset utiq; mortale genus, nisi
iustitiæ tuæ furorem remittere uoluisses. Tanta
siquidem ingratitude, & ingentium beneficio-
rum memoria detestandus merito uidebatur, ut
nunquam satis ipse, & ab eo progenies correpta,
afflicta, damnataq; esse spectaretur. Creatus ex

Z ii

Psalmus.

nihilo, uirtutum, scientiarūq; munere præditus, animantium omnium Dominus, & deliciarum possessor. Qui toti terrarum orbi esset legitime imperaturus, Qui etiam ab aliis derelictam assequeretur hæreditatem in Calis, nescio quo spiritus elationis, aut teterrimæ uoluptatis incendio se a tua uoluntate subtraxerit. Vere quum populus iste tuus ab eo lapsus se nouerit tua clementia liberatum, neq; modo ullatenus uideat ob innumeros stimulos posse in rediuiua salute cõstitui, Te ne fortasse, quam consueueris, magis excandeas, deprecatur, sed iustum furorem tuum incredibili pietate remissum denuo reprimas, & extinguas. Quum n. ipse non solum sua infirmitate frequentibus peccatorum igniculis accendatur, uerumetiam tanquam furiis interdum agitato in nomen tuum sanctissimum deferatur, ad seipsum ueluti ebrietate solutus, rediens ueretur ne pro furore suo furorẽ tuum incurrat. Dum enim aura uanitatis effertur homo, aut in libidines proruit, dum sitit aurum, aut in alterius uitam inuehitur, furit & debachatur infrenis. Cui sane si uelles pro demeritis debitas penas infligere, non esset ei locus, aut angulus, quo se reciperet, & speraret sibi posse ueniam impetrare. At quoniam pius es, & misericors nimis.

VI

Domine, qui nunquam peccatoris interitum uoluisti, sed ut conuerteretur, & uiueret, audet coram te humiles preces, quibus exaudiatur, effundere, ut pro furore clementia, pro saeueritate māsuetudine, pro iustitia benignitate, & gratia uti non dedigneris. Se noscit ad tui imaginem procreatum fuisse. Tuam saepius liberalitatem expertus est, post frequentes casus erectus, in extremis uitæ periculis adiutus, maximis perturbationibus liberatus. Non ergo mirum si elatis in Cælum oculis ueniam speret, & audentior fortasse factus, quam deceat, tibi tuo numismate ob signatam frontem, & pectus ostendat. Inquiens. Tua sum Deus optime soboles, tua imago: de tuis procreata uisceribus, Ne perdas me, aut uindictam sumas de peccatis meis, Ne sauias, ne furore iustissimo conciteris. Sed mitescas obsecro, ac tuæ immensæ liberalitatis, & clementiæ recorderis. Obluiscere ueteres iniquitates, postpone iniurias, reuoca in mentem largitatem tuā, filii tui promissum, atq; exhibitum pignus recense. Eiusmodi omnia quæso rememora, quæ tibi, tuæq; sincerissimæ bonitati, ut grata magis, atq; iucunda sunt, ita etiam decentissima iudicantur. Abige tristitia, & amarulenta, reicece odiosa, & quæ pietatis nomen offuscant, ut dulcissi-

mus, & suauissimus, quæadmodum es, sic quoque
passim ab omnibus habearis. Neque etenim me
latet Clementissime pater tam iustitia, quàm amo
re in nos posse te, dum uolueris, furere. Hunc
uellem in me tuum esse furorem, Quem in seipso
Tarsensis ille tuus acerrimus persecutor exper
tus est. Qui dum in seruos tuos sæuiret assidue,
sola audita uoce (cur me persequeris) concidit,
& ex hoste dirissimo, factus est tuæ militiæ ma
ximus propugnator. Tum uere pro impio furo
re amantissimus demissus est furor. Quem in
tuos etiam martyres influxisti, qui omnibus tor
mentorum generibus superatis in tui amorem
præ nimia lætitia conspecti sunt furere. Vere bo
nus, optimusque tuus est iste furor, quo nulla
prorsus de causa tam uehementer in alterius fa
uorem & gratiam concitaris: ut ille ipse flagran
tissimæ uoluntatis tuæ impetus quidam esse ui
deatur. Quisnam tecum hoc modo furere non
concupisceret domine? Quis in furore tuo eius
modi non argui solum, uerumetiam redargui
non optaret? Quanquam enim misericors Deus
es, non tamen ea leni, & tarda commiseratione,
quæ uti soles, contentus est homo, sed statim, &
in medio peccatorum incendio constitutus tibi
conjugi, a te rapi, & inuitus quodammodo per

VI

trahi uelle uidetur. At nō omnibus ea data fors est, aut secretissimi tui iudicii cōcessum munus. Sat ergo erit ne in me ultionis tuæ furorem demittas, quumq; laqueis peccatorum detinear, ut acta penitentia ad te redeam. • b tuam grauem & consuetam benignitatem solutus. Ita. n. quū me populum tuum furore illo non argues, nequaquam ira tua similiter corripiendum intelligam. Furor iram præcedit, & reprehensio correptionem, ueluti sententiam tuam, iudicium. Expectare soles errantis gregis reditum ad uiam iustitiæ, neq; nisi maxima iniuria lacessitus iura tua exequeris. Id sane est, in quo confidens ego audeo tuam pientissimam consuetudinem optare, ne quū peccaucero, statim in me tua demittas iacula. Quibus neq; arguar, neq; ex abruptis misericordiæ tuæ rupibus in profundum deiectus, corripiar. Vnde nullus mihi pateat reditus: sed in perpetuis tenebris perseuerem. Neq; etenim ad id petendum a te insolētia prouehor, sed potius infirmitate. Quam quū inspexeris Domine, spero me exaudire dignaberis. Qui in hunc modum ad te meas inchoatas preces continuo:

MISERERE MEI DOMINE, QVO
NIAM INFIRMVS SVM, SANA

ME DOMINE , QVONIAM CON-
TVRBATA SVNT OSSA MEA.

NISI Eniꝫ mei misereri uolueris, spes mihi
omnis uiuendi sublata est, timore mortis emo-
riar, temporaneam, qua crucior, infirmitatem
in perpetuum incendium commutabo. Misere-
re mei, quia populus, & Congregatio tua sum,
quam elegisti, manibus formasti, sanguine sacra-
tissimo de inimicorum tuorum laqueis ingenue
redemisti. Miserere denuo, si alias misertus es
mei, flectare, si flexus es. Si amaueris ama, si me
crexeris, erige, si me uiuum, saluumqꝫ uolueris,
nunc quoqꝫ uelis, quum ope misericordiae tuae
quammaxime indigeam. Viuo ego, an mortior si
ne te? Saluus ego, an perditus? Felix, an miser?
Immo certe miserrimus. Si enim fragilem, & ca-
ducam hominis conditionem considero, nihil
sane mutabilius, nihil ad id consequendum, ad
quod destinatum est, ineptius, aut ferme infeli-
cius esse reperiō. Diuinam partem habet in se, &
terrena prosequitur. Cælum habet, ubi resideat,
& terræ, quaz incolere perpetuo uellet, afficitur.
Super Cælos etiam potest ascendere, diuinisqꝫ
tuis luminibus illustrari, idqꝫ nouit, & credit,
& tamen nescio qua infania ad inferna, & tene-
brosa proripitur. Plorabundus nascitur, uiuit

VI

egenus, etiam si immēsas opes habuerit, omniū
 audus, nunquam satur, trepidus, & sui ipsius
 ignarus. Surgit quotidie, & cōcidit, tollitur, atq;
 deprimitur, inquietus, continuis uanitatum flu
 ctibus agitur. Siq; seipsum nōscit, aut resipit,
 statim cogitatione distrahitur, Errabundus, in
 constans, ingratus, immemor, & a seipso penitus
 alienus.

EST NE magna hæc infirmitas, & egritu
 do? est ne miseratione digna, aut indigna? Tu
 solus es, qui id iudicare uales, quoniam iustus
 es, & sapientissimus iudex eius, & author. Ma
 gnum quidem miraculum in natura hominem
 sapientes esse dixerunt, quod cum Cēlestibus cē
 lestis sit, cum terrenis terrenus. Qui si propria
 ignauia iter ad hæc ima deflexerit, non est am
 plius naturæ miraculum, sed portentum. Diui
 na enim pars deberet mortalem partem deuin
 cere. Qua quidem uiliter superata, sordescit ho
 minis nexus, & suo defraudatus fine in mon
 strum fœdissimum cōmutatur. Fallit seipsum,
 naturam fallit, & te Deum authorem decipere
 uisus est, dum in hunc modum ineptit, furit, in
 sanat. Neq; tū certe ulla est miseratione dignus,
 quod ad turpitudinis, & malorum omnium ex
 trema deuenerit. Incurabilis est egritudo, quæ

omnem Medicorum operam respuit . Quum quis uirtutum omnium receptui capiti, iam uitium emortuus est , a quibus amplius eleuari non potest.

NON Mea est eiusmodi infirmitas (inquit populus tuus) Domine neque adeo me miserum puto, ut misericordiae tuae capax esse non possim . Mea, non sanabilis est egritudo , quia nondum totus meus contabuit spiritus . Qui me dum ad lumen Maiestatis tuae conuertor, uiuificat, & aeternae uitae praemia pollicetur . Conturbatum meum est corpus, quod terrenum est, & affectibus subditum, quod mortale, & obscuritati obnoxium; Conturbata sunt ossa mea, quibus totum corpus insidere conspicitur. Conturbata quidem, sed non corrupta, conturbata, quoniam satis infecta concupiscentia terrenarum rerum, sed nondum putredine, & marcore uitiorum consumpta. Deterior facta est sua culpa nativa eorum conditio . Atque ideo dum uoluerit spiritus, conualescant, & saluberrimum, te auctore, medicamen uitae suscipiente . Sana igitur me (te rogo Domine) & cura meam eiusmodi infirmitatem . Sana me , & medere meis uolubilitatis ulceribus . Quae non modo carnis texturam, uerum etiam ossa facillime penetrarunt . Cura , quoniam ope tua , & opera maxime indi-

VI

geo. Quamobrem te inuoco, te appello, & obsecro Domine, Domine, ut exaudias me. Nam si te semel inuocare, & clamare uoluero, credes totasse me non tam uehementer angere, atque egere misericordiae tuae auxilio. Cōturbata sunt ossa mea, infirmus sum. Neque etenim ab eiusmodi infirmitate exempta mea prorsus est anima. Quae sane dum corpori annectitur, atque illi magis quam decessisset, obtemperat, eiusdem contagio inficitur. Qua ratione fit, ut denuo ipsam una cum corpore: & ossium uiribus perturbatam esse commemorem, inquiens.

ET ANIMA MEA TVRBATA EST
VALDE. ET TV DOMINE VSQVE
QVO?

TVRBATIONE Corporis turbata est anima, non quod per uim illi corpus sordem infligat. Sed occasionem prebeat, ut anima sua uoluntate deficiens illam admittat. Incitat corpus, anima reluctatur, dumque haec est uictoriae compos, minime inficitur. Sed quum primum saeva illius dulcedine trahitur, tum primum alucinatur, & cedit. Mea (inquit populus) turbata est anima, quae ut sensibilis est, non ut diuinam rationem participat, eiusmodi perturbacionibus exposita est. Et licet rationis igniculus suapte

natura sensuum irritamenti obstat, tanta tamen interdum uoluptatum inundatione impetitur, ut submersionem facile euitare non possit. Vehemens ergo perturbatio illa est, quæ mentis aciem obtundit, perspicuitatem obnubilat, diuinitatem tollit, imbecilem, atq; egerrimam facit. Non perturbatus (inquit) est animus, quod is solam animæ partem, quæ ad rationem pertinet, explicare uidetur. Sed mea turbata est anima, ut sensiles, quæ primo turbatæ sunt, uires, & ipsam denique rationem uitiatam esse commemoret.

MAGNUM Quidem est nobis desiderium sanitatis in corpore, quæ in quodam humorum temperamento consistit. Sed longe maius est animæ. Quoniam ueluti præstantior, ita etiam nobis magis est propria. Et modica animæ perturbatio pro illius dignitate omnem corporis langorem exuperat. Cuius etiam incolumitas tanta est, ut dum sensus, & appetitus obediunt rationi, ac in ea ueluti in regno quodam recte ordinata, atq; instituta sunt omnia, corpus egrescere nequeat.

DISCAT Ergo si quis utranq; sui partem sanam, atq; integram custodire uoluerit, curare in primis animæ sanitatem. Qua corpus ita se

VI

habeat, ut (si contigerit) etiam aduersus astra
preualeat. Neque ea uera est, aut esse potest salu-
britas corporis, quæ cum egritudine, & uulneri-
bus animæ commoratur. Aut enim cito hæc pre-
terit, & in aduersam ualeitudinem commutatur:
Aut quantumuis perduret, magna quidem, &
execrabilis est homini infirmitas. Qua, aggraua-
ta anima ad perpetuam miseriarum gehennam
deducitur. Valde itaque & anima, & corpus, & to-
tus turbatus est homo, si carni, non spiritui ui-
uat, Si iniquitatis, non ueritatis principi obse-
quatur. Quem, quum eiusmodi infirmitate affe-
ctum se populus eius agnoscat, uehementi desi-
derio incolumitatis accensus, in hunc modum
humiliter deprecatur.

ET Tu Domine usquequo? S. medclam
mihi adhibere differs, & protrahis? Quid immo-
raris? Quæ te ratio detinet? ne mihi tam uehemē-
ter egrotanti succurras? Neque etenim bis tibi so-
lum inuocato, corporis, ossium, animæ infirmi-
tatem proposui: Sed tertio quoque loco uno, & eo-
dem contextu te Dominum, & salutem meam
appellare constitui, ut quanto distinear sanandi
affectu, percipias. Quādo erit illa dies, qua mihi
gratiam tuam infundas? Qua innumeris mūdi
huius turbinibus liberem? Qua excrucior, in fur-

mitatem abiciā? & gloriæ tuæ beneficio stabili
conualeſcam? Vſquequo Domine me perturba
ri, ac in peccatorum retibus detineri permittes?
Potes enim ſi uelis, mundare me, & ab intorta ſe
mita in rectiſſimam iuſtitie uiam deducere. Vbi
non timeam amplius, aut dubitē in tantas erum
narū ambages proruerē. Tua eſt prona ad mea
ſananda uulnera, bone Deus, uoluntas. Quid
ergo differſ? Quid expectaſ? (ſi licet) quæſo cō
memora. Nanq; ſi diutius immoraberis, nō erit
forte locus, aut tempus amplius, quo mihi ſalu
taria remedia comparentur. Tanta enim eſt ma
lorum hominum lues, tantus inconstantie, &
morbosæ contagionis exceſſus, ut niſi protinus
lucis tuæ, & gratiæ aliquam firmitatem demit
tas, collapsura ſint omnia, nullo unquam tempo
re ſurrectura. Non ſolum enim timeo clemētiſſi
me Pater extremum iudicii tui diem, ſed etiam
ſingula temporum, & horarum momēta perhor
reo. Quibus a nominis tui hoſtibus deuorer, &
florentiſſimus iſ tuæ Diuinitatis cultus magna
cum ignominia deleatur. Cōplura ſunt (fateor)
errata, quibus te pro imbecillitate mea & pieta
tem tuam offendi. Sed utiq; nō ea ſunt, quibus,
te (ut ita dicam) inuito, ab eis deiici, conculca
ri, & ſerme ad nihilum redigi merear. Liberaſi

VI

ueterem illum populum tuæ Maiestatis ignarū
 teterrima seruitute; Et me potestatis tuæ, gloriæ,
 imperii, ueritatis scientissimum perdes; atq; de-
 lebis; Instat, n. Tyrannus atrox, qui cruentissi-
 mis armis toto terrarū orbi sola tuæ pietatis de-
 causa minatur excidium. Et se frequenti uictoria-
 rum successu iactat, ac temere audet quod reli-
 quum est mihi uitæ prorsus adimere. Voles ne
 Deus optime gregem tuum ita relinquere? atq;
 in dando illi suffragio auxiliares opes differre?
 ut Dirus aper de silua exiens illum uoret? Tem-
 plumq; tui nominis sacratissimum polluat, atq;
 illud, quod ipse ore tuo uaticinatus es, minime
 impleatur, Quo nobiscum te fore usq; ad cōsum-
 ptionem sæculi spondidisti? Mentieris ergo tu
 Domine? mentieris? Qui summa es, & ineffabi-
 lis ueritas? Ne itaq; amplius infirmitati meæ sub-
 sidium prestare differas, obsecro. Succurre ani-
 mæ, eam cōcita, ut a sopore iniquitatis resurgat,
 relictisq; terrenis sordibus erigatur in te. Putre-
 scentes cogitationum fetus erumpant. Sordida-
 tæ decorentur mentes. Impietatum, & seditionū
 lētifera uulnera solidentur, ut & tibi, & honori
 tuo, & mihi, superatis tam huius, quam alterius
 sæculi hostibus, animo, ac corpore ualidus ui-
 uam, & in pace quiescam. Neq; ideo amplius im-

morare. Sed

CONVERTERE DOMINE. ERIPE
ANIMAM MEAM. SALVVM ME
FAC PROPTER MISERICORDIAM
TVAM.

SI ENIM Auerfus es ob iniquitates meas
a me, nihil aliud est, ut optem, nisi, ut tua beni-
gnitate in me faciem misericordię tuę cōuertas.
Qua quidem tua illa beatissima lumina præ ni-
mia hilaritate coruscare conspiciam. Quumq;
meo pertenui spiritus igniculo ad te conuer-
sum opere studeam, hac tua pientissima cōuer-
sione me non modo in te uersum magis, sed etiā
erectum intelligam. Solet ex herbaceo genere
quoddam ad solis motum sua, quibus illum re-
spiciat, cōuertere folia: atq; ideo inspectionis eius
assecutum est nomē. Tu uerus, & spiritalis Sol,
unde ueritatum omnium lumē accipitur, si me
respexeris, quomodo fieri poterit, ut non conuer-
tar in te? Sed auersus palleam, & affligar? Nōne
es tu gaudium, fomentum, & uirtus animę meę?
Nonne ipsa, tuum, quod non solum assidue enu-
trias, sed etiam procreaueris, germen (ut ita di-
cam) est anima? Conuertere igitur, & conuer-
tetur, accinge te, ut illius protectionem aduersus
hostes tuos suscipias, & ipsa, ut tibi perpetuo ob

sequatur, parabit se, immo illā summo, ac celeri studio præparatam inuenies. • Suspirat. n., ac ab imo pectore gratiæ tuæ rorem anhelat, & tuam clementissimam conuersionem desiderat. Quæ etiam speret langoris sui, & uulnerum salutare medicamen accipere. Atq; ideo, ut illam eripias, liberes, atq; custodias, te populus tuus summo pere deprecatur. Quoniam licet per corporis incitamenta defecerit, inq; ualetudinem aduersam inciderit, animæ tamen allucinatione, & contagio labefactatum se nouit. Quamobrem illius in primis liberationem, ereptionem, salubritatem cupit, ut incolumis factus tibi immortales gratias agat, & habeat. • Longe siquidem quum ab eo recesseris, teq; modo sequatur, ut reuertaris, te orat, & obsecrat, inq; tuo reditu oculi tui radios in animam eius defigas: atq; inde totum propter misericordiæ tuæ amplitudinem saluum illum efficias, saluum ab insidiis, saluum a mundi sortibus, saluum ab imminenti utriusq; uitæ periculis. • Qui etiam quum se adhuc persentiat uiuere, ut sanetur, auxiliū tuū implorat, inq; ens. •

QVONIAM NON EST IN MORTE, QVI MEMOR SIT TVI. IN INFERNO AVTEM QVIS CONFITEBITTR TIBI?

NVNC Nunc dum me uiuū sentio , neq̃
 satis morti propinquum esse coniecto , adiuua
 me Deus meus . Quando in me uitæ tuæ (licet
 exigua) quædam semina inspicio , Quando nō
 est prorsus in me gratiæ tuæ ignis extinctus .
 Quando mei etsi crassa quadam caligine opp̃ssi,
 non tamen ceci penitus facti sunt oculi . Quādo
 non sum in fine malorum omnium cōstitutus .
 Adiuua inquam , & mihi opem largiorem tuæ
 pietatis impende , succurre , illumina , reuoca , tra
 he , confirma . Quoniam nisi hac me adiuueris
 tempestate , & mortis meæ tempus expectare uo
 lueris , quomodo tui memor ero? quo pacto mei
 conscius fiam? Tanta . n . perturbatione tum me
 afflictu , persentiam (si modo me ullatenus sen
 sero) ut neq̃ nominis , neq̃ pietatis tuæ memo
 riam me habiturum sperem , quo etiam pater op
 time fiet , ut tui oblitus ego , mei quoq̃ tu ratione
 legitima obliuiscaris . Scriptū est enim ignorat ,
 & ignorabitur . Eius conditionis mors est , quæ
 sensualem sequitur uitam , ut quum aduenerit ,
 nil , nisi quod ad sensum , & mundanas illece
 bras pertinet , homo ualeat cogitare . Quo enim
 pacto uirtutem , & iustitiam animaduertet , quū
 fere nunquam fuerit ipse iustus in uita? Quo pa
 cto sui ipsius curam habebit? Quem nunquam

VI

agnouit? Quomodo Maiestatem tuâ suspiciet? cui semper aduersatus est? Quiq; in terram pronus brutorû instar oculos ad Cēlos extulit nunquam? Subibunt certe innumeræ uanitatum curæ, quæ præ longitudine temporis firmam sedem in animo collocarunt, Recordabitur delictorum, cōmemorabit diuitias, mundi huius blandimenta recensabit. Dolebit uxorem, liberos, & amicos relinquere. Angetur non emisse agros, inchoata ædificia non extruxisse, in hostes non habuisse uictoriam, cui seipsum credat, nesciet, quū de immortalitate animæ nihil sibi statuerit, imo de ipsa cogitauerit nunquam, ac si aliena nō esset a corpore.

AT BENE Viuat homo, & in lege iustitiæ ambulet, nonne tui memor erit in morte, Domine? Nōne inuocabit te? & seipsum agnoscet? Raro hæc (ut fertur) auis in terris inspecta est: Quæ licet uirtutum purgamenti nitescere uideatur: migrationi tamen inassueta tristabitur: ac non nisi magna cum difficultate tui memor erit, nisi illam forte adiuueris, & insolito clementiæ tuæ humore consperxeris:

DVM Viuit ergo populus tuus, ad te clamat Domine, ut conuertaris, & ubertim illi gratiam tuā infundas, ut neq; mortē mundi huius,

Psalmus.

neq; alterius miseras horreat, aut patiatur. A te fortitudinem, atq; constantiam tuæ opis implo-
rat, dum tempus adest, dum te suspicere potest,
& in lege mandatorum tuorum proficere, dum
in hac sensilium rerum palestra sese exercere ua-
let, & felicem palmam uictoriæ reportare. Nāq;
(bone Deus) nisi te benignum modo illi præsti-
teris, in obitu immemor tui, immo suisipius obli-
ta anima ad inferos prolabetur. Vbi horribiles
patiatur manes, ubi imensos dabit cruciatus,
& pœnas, neq; te, neq; nomē tuum ullatenus pro-
fitebitur. Sed summa, atq; incredibili indigna-
tione acta dolebit, desperabit, prauaq; & execra-
bili impietate in tui detestationem confurget.
Se in culpa suæ infelicitatis non esse cognoscat,
tibi non confitebitur, Sed potius dira blasphe-
miarum iacula diriget. Cælum, terram, maria
prorsus inuerti cupiet, ueluti furens, insana, &
miseriarum ignibus laceflita.

FERRESNE equo animo id Domine? uo-
les ne tam celebre, tamq; purum arte tua, & inge-
nio confectum opus deperdi? permittes hostes
tuos acerrimos, qui tumido elati fastu conspira-
runt in te, tuum populum deglutire? uastare ani-
mos? gregem disperdere? dissipare? confundere?
ut non amplius in terris sit laus tua, neq; inue-

VI

niatur, qui tuum celebret nomen, sed confusio-
ne, odiis, & perditione plena sint omnia?

NEQVE Enim Pater optime sum meip-
sus adeo nescius, ut id de te ualeam arbitrari,
qui pientissimus es. Et licet errores mei sint mul-
ti, quibus uenia indignus uidear, quum tamen
eorum me penitentia ceperit, ac in amaritudine
animæ uersatus sim, puto te mihi ob liberalitatē
tuam uelle ignoscendo succurrere. Sique forsan
quid ego penitens egerim (quod tamen nosti)
tibi rememorari uolueris, paucis certe cōplectar.
LABORAVI IN GEMITV MEO: LA-
VABO PER SINGVLAS NOCTES
LECTVM MEVM • LACHRIMIS
MEIS STRATVM MEVM RIGABO.

INGEMISCENS Meas tenebras, labora-
ui expectans lucem tuam. Indolui gregis tui rui-
nam, Laboraui corpore, & animo, famem, & si-
tim in deserto perpeffus sum. Cedes, fugas, & ser-
uitutem sc̄uissimam pertuli. Cum caldeis, cha-
naneis, & ammoreis bellaui sapius. Nunquam
mihi requies fuit. Semper hinc inde agitatus
pro peccatis meis ad te preces meas effudi. Cum
apertis hostibus decertaui, sed cum occultis ma-
gis, cum quibus perpetuam pugnam habui. Et
ex meis sapientissimus habitus, uictus est, & ido

lis cultū prebuit. Malus, & detestabilis est labor ille, qui hostibus manus dedit, bonus, atq; proficiuus, quo illis obstititur, & palma uictoriæ reportatur. Inde filii tui præcursor uterum matris egressus optimos, sed duos ualde penitentiæ fructus, ac opera exercuit. Inde uates, martires, Virgines, cæteriq; pietatis tuæ optimi professores laborarunt, ingemuerunt, excruciatii sunt, ut sibi, & mihi populo tuo salus esset, & requies profutura. Vnigenitumq; proinde tuum in terram demitteres, quem uelut optimum, atq; fortissimum patriæ seruatorem agnoscerent, & adorarent. Laboraui ante eius aduentum, post etiam summo opere laboraui, quoniam adiecta est maxima suscepti beneficii ingratitude. Qua in homines, nedum in te Deum meum nihil certe deterius esse potest. Laboraui, & assiduus peccator, certaminum, seditionum est mihi labor, & sudor iniunctus. Ingemisco, & miserabiliter fleo miseriam, & iniustitiam meam. Quoties mihi euidētia beneuolentiæ, & derisq; tui signa dedisti? Quoties iacentem me, & a priuatis, publicisq; hostibus prostratum erexisti? cecutientē illuminasti? nutatē firmasti? errantem mitissime docuisti? Et tamen ingratus ego, immo ingratiſſimus, e tanto felicitatis culmine quotidie concido. Pro,

VI

pter quod , ut denuo reuertar ad te, tuq; pietate tua conuertaris ad me, studeo, laboro, insudo, defleo, ingemisco, ueniam peto, auram tuæ benignitatis effragito, imbrem tuę gratiæ concupisco, a me spiritus, & carnis, internos, & externos hostes amoueas, rogo, ac in gremium miserationū tuarum me suscipias, obsecro.

Neq; satis hactenus propterea me laborasse commemoro, quoniam immensum quidem est, in quo miser ego deliqui. Sed id solum ea ratione recensco, ut intelligas me in posterum etiam laboraturum pro uiribus, ne destitutus a te in inimicorum meorum potestatem deueniam.

QVAMOBREM Deinceps per singulas noctes lauabo lectum meum. Qui sane sordidatus est, & innumeris peccatorum maculis inquinatus, Lauabo aquis amaritudinis, acrimonia conscientię meę purgabo. Quam in nocte per omnes eius latebras, & sinus discutiens explorabo, ut omni (si fieri queat) labe purgata eniteat coram te, & post amarescentia pocula dulcissima fluenta degustet: Quibus saliat in uitam eternam. Per noctem uero me polliceor lectum hūc, in quo diu iacui, abluturum: Quoniā fere occusum. Et caligantes oculi præ sua imbecillitate Diei lumen ferre non possunt. Interiorem homi-

nem summo studio, salutaribus purgamentis afficiam. Exteriorem lachrimarum profluuium irrigabo, ut uterque doceat, & ingemiscat. Quemadmodum uterque uoluptatum illecebris est obsecutus. Irrigabo lachrimis, quoniam uitii ariditate siccescat. Madefaciam stratum, & fomitem calamitatum mearum, ut uirtutis humor subintret, qui ab æterno paratæ mihi pluuiæ est destinatus. Neque abire (ut nosti) Domine, me in tot, & tantis afflictionibus perseveraturum polliceor. Quoniam.

**TURBATUS EST A FVRORE
OCVLVS MEVS, INVETERA
VI INTER OMNES INIMI-
COS MEOS.**

VIDI Ex uetustissima progenitorum meorum iniquitate a te sententiam latam. Qua nisi per uarios erumnarum casus emēdaremur, nunquam essemus in pristinum restituti. Atque ideo ex ea cognitione turbatus est oculus meus. Turbatus, quoniam infectus. Et unius tantum causa totus culpæ obnoxius factus sum ego. Tanta fuit illius uiri transgressio, ut quum ipse solus, qui peccauerat, demeruisse quodammodo uideretur, iusto furore tuo in detestationem criminis omnis deinceps nascitura proles damnata sit.

VI

Vna labe sordidati sunt omnes. Vno purgati sacrificio potuerunt tutissimam uitā agere. Quod nihil aliud eis superfuisset, quam, ut a mundanis illecebris abstinuissent.

NEQVE Mirus est, si turbato oculo, meus quoq; perturbatus sit animus, quoniam ipse tam bonorum, quam malorū omnium est affectuū ianua, qua quicquid decernitur intus, ante subi erit, & quicquid extra conficitur, inde profectum sit.

ACRIOR Satis mea fuit afflictio, atq; uehementior futura est. Quoniam in hac perturbatione diutius perstiti, expectans nostræ familiæ caput, & principem, qui uenturus erat, ut nos seruitute teterrima liberaret. Quo mox uinculo solutis aliud nobis detrectandum onus incūbit, quo & perturbamur assidue, & extremum uitæ periculum formidamus. Et si enim liberi facti sumus in uniuersum, denuo tamen nostra culpa in seruitutem peccatorum incidimus. Quibus & aduersus herebi potestates, & truces tui nominis hostes quotidie preliamur, quid dicam preliamur? immo nescimus quo pacto eorum furem, & impetum fugiamus.

DICEBAM Ego populus tuus Domine, quādo me pro filii tui imperio libertate donasti.

DISCEDITE A ME OMNES, QUI
OPERAMINI INIQUITATEM. QVO
NIAM EXAUDIUIT DOMINVS VO
CEM FLETVS MEI.

DICEBAM, Vt mēsti discederent impii,
& abirent. Qui me in tam sēua, & iniqua captiui
tate diutius detinuerunt. Quoniam lætitia ple
nus me sentiebam tenacissimas eius manus, &
laqueos euasisse. Discedite, proculq; & in mala;
cruceim abite, dicebam. Quod ad eum in me au
thoritatis gradum non essent amplius restituē
di, sed splendori tuo inuiti cedere cogèrentur. Et
merito quidem gestiens talia proferebam, quo
niam experientia clara conspexeram mei fletus
uocem, & lachrimarum mearum singultus te
Dominum exaudiuisse. Venerat enim princeps
ille augustissimus, qui aurea reddidit sēcula,
qui oclusos Cēlos aperuit, claustra inferni con
fregit, spolia animarum opima secum in trium
pho duxit, uniuersum totum mirifice illustra
uit. Tumq; uere (ut ab uno ex prophetis dictum
accipitur) fuerat mihi quoq; dicendum. Nunc
dimittis seruum tuum Domine, terrenoq; carce
re soluis, & liberas, abireque in pace illum uelle
uideris. Quia conspexerunt oculi eius salutare
tuum.

DICEBAM Hæc omnia iubilans, & mei ipsius conscius factus uidebar digito Cælum attingere. Neque immerito gloriabar in te, qui es gloria mea, salus mea, quem summopere colui, & ueneratus sum.

AT Modo quum denuo, & sapissime in lætēs spiritualium inimicorum laqueos incidam, qui aperte non audent sua in me arma dirigere, ne acres tui nominis hostes exitiale in me bellus exerceant, uellem, & maxime optarem læta, & iucunda uoce usque ad sydera mihi exclamare liceret.

EXAUDIUIT DOMINVS DEPRECATIONEM MEAM DOMINVS ORATIONEM MEAM SVSCEPIT.

PVLCHRA Etenim, alboq; signanda in hunc exclamandi modum mihi data esset occasio. Nam usq; adeo & spiritu, & corpore opprimor, ut parum profecto absit, quin me infelicio rem, quam alias, esse crediderim. Dura certe, & difficilia erant priora, quibus arctabar, uincula. Dura, tetraq; seruitus, qua spiritalis Tyrāni monitis obtemperabam inuitus. Sed duriores forsitan, & lachrimabiliore sunt cę, quę me p̄munt, angustię. Ceciderat inimicus, & mea culpa surrexit. Oblato purissimi corporis sacrificio expia-

tus splendebam. Et deinceps non semel, sed sa-
 pissime infectus sum. Vagabatur alias fere per
 totum terrarum orbem ab ortu solis ad occasus,
 ab austro ad aquilonem fausta tui nominis cele-
 bratio. Frequens, & pius cultus tuus, cultaq; pie-
 tas per ora, cordaq; hominum iactabatur. Nūc
 uero undiq; & ab iis, qui tuo censentur nomine,
 laceraris. Tua angusta nimium, & prophanata
 religio. Subeunt monstra, portenta surgunt, quę
 nostra ignauia, aut supplicio potius, e medio tol-
 li non possunt. Letalia uenena sparguntur, quę
 me usq; adeo, & ad intestina populum tuum in-
 ficiunt, ut complurimi assueuerint inde iam ali-
 mentum, & uitam accipere in alienam pēnitus
 naturam mutati. Romana increpatur ecclesia.
 Tuus relictus in terris principatus aufertur, tol-
 luntur sacra, immutatum est sacrificium, celiba-
 tui connubia preponuntur, innouantur leges,
 omnia deprauantur. Sunt ne hæc sola, quę mi-
 sellus ego perpetior? Nequaquam. Nanq; alieni
 genę non fortes, dicam, sed fortissimi facti sunt
 super me. Quotidie suum ampliant, & iactant
 imperium, agros, & ditiones arripiunt, & nemo
 est, qui audeat se hominem profiteri, aut qui cō-
 fidat in te. Pusillanimes, & inermes facti sunt
 omnes, quoniam apud eos Domus tuę zelus est

VI

nullus. Quadere maxime cupio exaudiri a te Domine. Atq; utinam me iam iam exauditum perciperem, uelut alias intellexi meam abste exauditam orationem fuisse. Deprecatus sum, ut languores meos auferres a me, Oraui ut tibi gratus fierē, & pristinē redderet dignitati. Nunc quoq; idem, precor, ac uehementius oro, ut uelis, sentias, efficias. Tunc enim si id ipsum pietate tua fuero consecutus, uere dicere potero, atq; liberior exclamare. Exaudiuit Dominus preces meas.

ERVESCANT, ET CONTVRBENTVR VEHEMENTER OMNES INIMICI MEI. CONVERTANTVR, ET ERVESCANT VALDE VELOCITER.

ERVESCANT, Quoniam iniuste persecuti sunt, & odio habuerunt me gratis. Erubescant uicti, fracti, tuoq; iudicio accisi. Eorum. gloria in ignominiam uersa est, gaudium in luctum, exultatio in lachrimas. Erubescant, ac conturbentur uehementer, & in sua perturbatione confusi pereant omnes inimici mei, quos tuos etiam statuisti. Omnes inquā tam ii, qui aduersus spiritus, quā qui in corpus, & fortunas meas acriter conspirarunt, percant, & dissipentur, quoniam bella durissima uoluerunt. Vel si pietate

tua illos nequaquam perire uolueris, conuertantur ad te, cessentque alii, & in sua semel habita infelicitate quiescant. Illi uero uerius erubescences indoleant ad te conuersi, & de erratis poenitentiam sponte suscipiant. Quoniam tanto tibi, aut gratius, aut illis salubrius id erit obsequii, quanto celerius offerretur.

SIC Itaque bone Pater, quum in tantis malorum sentibus, & fluctuatione reperiar, fac quod scilicet erubescam ego, quando illi de te nobis non erubuerint dicere: ubinam est Deus eorum? Qui tamen uiuis, Regnas, & presto es omnipotens una cum filio, & paracleto in seculula seculorum. Amen.

VII

IN PSALMVM SEPTIMVM . QVI
 INSCRIBITVR IGNORANTIA
 SEV EXERCITATIO DAVID.
 QVAM CECINIT DOMI-
 NO SVPER VERBIS
CYS STIRPIS BE-
 NIAMIN . ET IN-
 CIPIT . DOMI-
 NE DEVS
 MEVS.

m E angit Domine sollicitu-
 do cōscientiæ meæ. Quia
 ignoravi semitam iusti-
 tiæ tuæ, & uiam manda-
 torum tuorum frequen-
 tare nesciui. Ignoravi te,
 & nescius meiipsum in
 ignorantia ita uersatus
 sum, ut nisi pius sapien-
 tiæ tuæ affuisset afflatus, periissem utiq; , & me
 quoq; pēnitens ignorasses. At me, quum oculis re-
 ctis aspexeris, oblitus es inscitie meę. Et quę mi-
 hi inimici mei falso obiiciunt, ignoravi. Malum,
 & detestabile quoddam, ignorantiam esse profi-
 teor, quam doctam uocant. Sed bonum, & lau-

dabile, quæ cum innocentia iuncta est, & stulta sapientia nuncupatur. Subiit hæc pietate tua postquam illa recessit. Hac humilis factus sum, & diras persecutiones hostium tuli. Quæcunque mihi obiecerint, dilui coram te, & exercitavi spiritum meum in salutare tuo. Interpretatus sum in bonum fraudes, & accusationes eorum, quod uiderem me per hos sentes, & tribulos incessurum, ut denique in patentissimam quietis planitiem deuenirem. Rectam hanc meam ignorantiam assero, tibi quæ ueluti gratam, ita persecutoribus meis iniucundam denuncio. Qui calumniantur me tota die, & in Maiestatem tuam uelut impium conspirasse obiiciunt. Atra nimium, & obscura in me uerba pronunciant: Quoniam candore ueritatis priuati sunt, & liuore intrinseco nigrescentes animas præferunt, qua summa impietate conspersas diutius celare non possunt. Timorem mortis ex infirmitate carnis, & pericula inferni perhorruui domine, Nunc calumniatorum uenena maxime pertimesco. Qui me ut ad ima deiiciant, abutuntur pietatis nomine, blandientes interdum, aut accusantes, ut desperatione conuincar. Sese ueluti achimelech, regni tui consortes impudenter efficiant, filio tuo, quæ tentarunt, terrena imperia promiserunt, de seip-

VII

lis confisi omne fraudis scelus aggressi sunt. Ego
 uero tuo adiutus numine hæc me ignorare pro-
 fiteor, & coram te meam ab hoc crimine infide-
 litatis innocentiam concino, ut me usq; in finem
 adiuues Domine Deus meus, & in hunc modū
 mea licet inculta satis, & trepidissima uerba pro-
 nuncio.

DOMINE DEVS MEVS IN TE SPE-
 RAVI, SALVVM ME FAC EX OM-
 NIBVS PERSEQVENTIBVS ME,
 ET LIBERA ME.

EXERCEOR Ego, & assuesco te Domi-
 num Deum meum uocare, quoties ad te meas
 effundo preces, ut eiusmodi appellatione dulcis-
 sima in persecutionibus meis me a desperatione
 contineam. Si enim amo te, nihilq; magis quam
 tuam erga me beneuolentiam opto, opus est, ut
 sæpius te inuocando gaudeam, ac ipso gaudio
 subleuatus te laudem, tibiq; acceptum referam
 refrigerium animæ meæ. Exercetur lingua pre-
 cibus, animus assuescit confidere, mens cogita-
 tione pascitur, & a terrenis, ad Cælestia reuoca-
 tur. Felix ego si hac frequenti appellatione pote-
 ro calumnias inimicorum euadere, qui me infi-
 delitatis crimine taxare non erubescunt. Felix,
 si de torrente cedron accepto lapide ueritatis, ue-

In manu fortis nequitie monstrum interimam;
 Confido in te Domine, quoniam Deus meus es,
 & non sines ire in perditionem animam meam.
 Quæ (ut nosti) manuum tuarum est opus.
 Confido, speroq; ceu alias quoq; speravi, te au-
 thore, me saluum fieri ab iis, qui quærunt gra-
 tis me interficere, ac omni conatu nomē tuum,
 leges, & ueritatem suppressere. Saluum me to-
 ties fecisti ab eorum insidiis dum mille pararūt
 artes, quibus execrandis parerem obsequiis, neq;
 in umbram mortis, sed in ipsam mortem incide-
 rem. At modo, quum me acrius quam unquam
 alias, odio prosequantur, & mihi maiestatis cri-
 men obiciant. Si saluum me feceris, a persecu-
 tione dirissima liberabis. Et si enim innocētiam
 meam intelligo, satisq; nosco non ignorari a te,
 qui es omnis sapientiae, & ueritatis alumnus; ta-
 men hostium insidias pertimesco. Qui modos
 omnes, & uias tentant, quibus me lacerent, ac in
 desperationem deducāt. Non fuit satis mihi eos
 toties illuisse, me per sensuum illecebras in eo-
 rum traxisse uota, innumeris fomentis, & concu-
 piscentiæ stimulis agitasse, nisi nouo, & inasue-
 to quodam artificio obiecta infidelitate quære-
 rent me in extremum uitæ perducere. Si tenta-
 tio eiusmodi tua institutione mihi facta fuisset,

VII

letarer ualde, quod constaret me in bonorum
 numero constitutum fuisse. Scriptum est enim,
 Deus intentator malorum est, atq; ideo bonorū
 tentator. Ita siquidem Abraam, ut tibi filium in
 uictimam offerret, tentasti. Ita iob patientissimū
 in summis afflictionibus expertus es. Populum
 tuum per deserta uagari, ut proficeret, statuisti.
 Tuos sanctissimos martires, apostolos, atq; pro-
 phetas perturbationibus premi, asperitatibus
 uexari, tormentis adigi, doloribus excruciarī, ne
 fandis motibus affici uoluisti, ut acciperent co-
 ronam uitæ, quam proposuisti diligentibus te.
 Virtus enim (ut legitur) in infirmitate perfici-
 tur, & qui legitime cum hostibus decertauerit,
 merito coronabitur. At mihi ignotum est, an tua
 hæc sit persecutio, aut rectius tentatio, Domine.
 Hinc est, quod uereor, & maxime quidem con-
 tristor, meq; ut liberes, oro, & obsecro. Si tua est:
 adiuua me, ut persistam usq; in finem, ne despe-
 ratione succumbam. Sin uero tua non est, me
 tam uehementi perturbatione, atq; molestia libe-
 ra, ut in electorum numero collocer, & cœ-
 lestem subeam hæreditatem, quam ab æterno
 tuis fidelibus præparasti. Siq; hæc tentatio tua
 est, edoce, ut animatus sperem ueluti alias spera-
 ui, immo magis confidam in te. Et ex his in ex-

plicabilibus giris, anxietatibusq; eripe animam meam. Perturbor enim, uxor, excrucior. Quoniam innocens ego sum, & tantæ calumniæ causam prorsus ignoro. Eripe me bone Deus, aut appare, & indica mihi, cur me ita iudices. Indica, & si libeat, suade, ut infestationē eiusmodi equo animo feram. Quæ tanquam gladius acutus penetrauit spiritum meum, quoniam hæc est uoluntas tua. Quod si facies, afflictio conuertetur in gaudium, & non timebo amplius calumnias, obiurgia, contumelias pro nomine tuo pati. Dulcis mihi erit iniuria, suavis labor, iucundus timor, & dolor. Mihi erit perturbatio pabulū, uexatio solamen, persecutio fomentum, ignominia Laus, insultatio gloria, detestatio maximum oblectamētum. Eripe igitur, & indica mihi uoluntatem tuam.

NE FORTE ALIQVANDO RAPIAT
VT LEO ANIMAM MEAM, DVM
NON EST, QVI REDIMAT, NE,
QVE QVI SALVVM FACIAT.

NISI Enim me adiuueris Domine, rapiet me inimicus meus, ut leo, & laniatam infestationibus animam deuorabit. Cuiusq; conditionis calumniam parum est pati, impiū uero dici, maximum, & quod facile tolerari non pōt. Hoc

VII

est illud crimen, quo utique maius non datur.
 Hæc est illa labes, quæ statim animam sedat, &
 perimit, etiam si mille annorum spacio prius in
 sinceritate permanferit. Hanc maximam rapien-
 di homines Leo habet occasionem, ut insatiabi-
 lem repleat appetitum, & feritatem suam osten-
 dat. Leonis formam, & uires induit aduersus me
 acerrimus persecutor, dum me his tormentis op-
 pugnat, & labefactare conatur. Non enim in ali-
 quem, nisi acriter dimicaturus insurgit natiuo,
 solitoq; fastu erectus. Fidei arma, & iustitiæ cly-
 peus, in quem, ipse furens inuehitur, fortis est,
 & impietatis iacula non pertimescit. Rugit Leo,
 ut uehementius concitetur, uiru passim per cor-
 poris membra diffuso: & non nisi gloriæ cupi-
 dus preliatur. Ego uero, qui pusillus sum homo,
 aut potius non homo, sed abiectio plebis, quo
 pacto sine tua ope subsistā? Non enim alioquin,
 licet ab hoc crimine immunis, queo me meis ar-
 mis ab hoc hoste defendere. Neq; alius quidem
 est, qui me de illius manibus redimat, & post-
 quam redemptus fuero, saluum efficiat. Solus
 ipse meus redemptor es, Seruator solus, atq; uni-
 cus fautor, & protector animæ meæ. Quem, quū
 maximo angore perturber, inuocādo, exagero,
 & me tibi commēdo, ut benignis auribus audi

tus ego exaudiar: Et ferocissimæ bestię morsus,
ac dilanationem euitem. Non enim corporis
uulnera, aut lacerationem formido, sed animæ
interitum pertimesco. Quam redemptam alias,
& saluam fieri uoluisti. Hæc enim ea est anima,
pro qua filius tuus humana perpeti uoluit, &
cruce suspendi. Hoc manuum tuarum opus,
quod tanto misterio fabricasti; & pro cæli orna-
mentot tuam regiam subituro instituiisti. Non
ergo mirum si tanto innixu liberationem eius
estragito: Si e profundo pectoris meam eductas
uocem in tuis auribus intonare perferentis. Nāq;
præ innocētia mea magis, ac magis fortasse quā
deceat, in hunc modum libuit exclamare.

DOMINE DEVS MEVS SI FECI
ISTVD, SI EST INIQVITAS IN
MANIBVS MEIS, SI REDDIDI RE
TRIBVENTIBVS MIHI MALA, DE
CIDAM MERITO AB INIMICIS
MEIS INANIS.

LICET Enim omnia nouetis, quum tamē
innocens ego sim, mihi in hunc modum te allo-
qui uisum est. Siquidem tāta mei est animi per-
turbatio, ut infidelitatis calumniam ferre non
possim. Erraui fateor Domine in uia mandato-
rum tuorum; Sed impius nunquā fui. Scis quia

VII

non mentior. Et si mentior, fac quæso, ut decidam a gratia tua per manus inimicorum tuorum, uacuus, & inanis omni spe recuperandę salutis. Si feci istud, quod duri aduersarii obiectant, si cogitavi, si corde, aut opera a me unquam hæc acta fuit iniquitas, Si deniq; reddidi mala tibi, qui innumera mihi bona tribuere dignatus es, merito uincar, & iusta ratione succumbam. At neq; id unquam egi, neq; ut agerem animo habui, aut te tanta sum ingratitude persecutus, quum me de nihilo in lucem edideris, tibi similem factum, & glorię tuę participem. Quomodo id unquam adduci poteris ad credendum, aut cogitandum de me Domine Deus meus? qui omnia conspicias, & cordium secreta rimaris? qui omnia libras, omnibus in locis ades uiuacissimus, oculatissimus? quum in me nunquam is fuerit cogitatus. Sæpius mihi seruator ille charitatis ademptus est, quo te summopere uenerarer, mille uoluptatum illecebris præpeditus. At fidei lumen extinctum non habui, cui etiam coniuncta spes aliquantos potuit fructus reuiuiscentię peperisse. Fallere me credunt inimici mei, & in desperationem iniicere. At te non fallent, neque iustitię tuę officia continebunt. Hoc ipsum est, quod me solatur, neq; sinet in perditionem abire.

sustentans animam, uitam confirmans, & me
(si id fecero) in hanc uocem compellit erum-
pere.

PERSEQVATVR INIMICVS ANI-
MAM MEAM, ET COMPREHEN-
DAT, ET CONCVLCET IN TER-
RA VITAM MEAM, ET GLORIAM
MEAM IN PVLVEREM DEDVCAT.

VELIS Nolis, id præ innocentia mea mihi
imprecari ausus sum. Siq; fortasse mei misereri
uolueris, neq; uolo, neq; ullatenus cupio. Solum
enim iustitiam tuam imploro. Cuius instituto
sanctissimo non ipse solum me corrigas (si id fe-
cerim, quod mihi opponunt) sed etiam inimi-
cus me summis odiis, & afflictionibus persequa-
tur, nunquã desistat uerbis, & factis, meam impe-
tere animam, incendiis urere, morsibus lacerare,
comprehendere, conculcare, omnemq; gloriam
meam, uitam, & nomen tanquã puluerem uen-
torum impetu agitatum disperdere. Id precor,
id cupio, id a te pro iustitiæ debito libenter ex-
pecto, meum caput, meam uitam, & animã tibi
deuoueo. Me animat, & ut temere tecũ loquar,
efficit innocentiam ea. Me impellit calumnia in-
tolerabilis, tentatio atrox, persecutio impia, &
quæ diutius, etiam in constantem uirũ exerceri

VII

non possit. Parce Domine si pro timore audacia;
 pro precibus imprecatione, pro modestis, impu-
 dētibus usus sum uerbis. Parce, & ignosce mihi,
 quia ex abundantia cordis, coactus sum talem
 proferre sermonem. Nihil enim meipsum pen-
 do, nihil animam meam existimo, nihil uitam,
 honorem, & gloriam esse puto comparatione bo-
 norum tuorum. Quibus semel, ac sapius me
 immensa liberalitate donasti. Ipse nāq; (ita me
 adiuues, & in hac maxima perturbatione suc-
 curras) mea es anima, mea uita, meus honor, &
 gloria. Cuius auxilio fretus audeo orare te, ut
 non solum pro sinceritate mea, sed etiam pro
 honore tuo aduersus tam malignantes spiritus
 conciteris.

EXVRGE DOMINE IN IRA TVA;
 EXALTARE IN FINIBVS INIMI-
 CORVM MEORVM:

SI Etenim insurrexerunt aduersus me, neq;
 pepercerunt animæ meæ, quid est, quod me
 orare prohibeat? ut in eos insurgas, qui tui etiā
 declarati sunt hostes, quum & religionem, & no-
 men tuum acriter, & sine ulla modestia perse-
 quantur. Exurge inq; quoniā haecenus iacuisse
 uideris, hinc, atq; illinc debacchātibus iis, qui
 sese, & directo pietati tuæ innocentissimæ oppo-

Psalmus.

fuerunt. Neqꝫ solum te precor Domine, ut in
eos insurgas, sed etiam ultricis iracūdiæ tuæ gla
dio psequaris, & punias. Diligendi sunt inimi
ci (ut iubes) sed non, ii qui tibi indefinenter offi
ciunt, & uolūtati tuę repugnāt. Qui seipſos negli
gunt, & relicto ueritatis lumine profundas tene
brarum noctes inhabitant: diligendi sunt, ut cō
uertātur ad te (si fieri queat) & psecutiones eiꝯ
modi derelinquāt. At indurata sunt corda corū,
& emarcuerunt ulcera impietatis. Quæ in leta
lem putredinem crumpentia omnem medicorū
operam respuunt, & obduxit callum iniquitas.
Aduersus quam irę tuę furor, iustitiæ impetus,
amaritudinis poculum, lues incendii est totis
uiribus imprecanda. Exurge igitur, ut exurgā
ego: quoniam iaceo, & acerrimo mentis cogita
tu perturbor. Qui iam fere mei ipsius oblitus ue
reor, ne in hostium potestātē deueniam, nisi ad
iuueris me, & ferme desperatione prostrato nō
sit, qui mihi adiutrices porrigat manus, aut qui
patientiam meam tibi acceptam fuisse comme
moret. Sed iudicent, & proculdubio credant
omnes, quod mihi exprobrāt hostes egisse, ac ob
eam causam te merito mei obliuionem ccepisse.
Exurge, adiuua, & te Deum meum ostende. In
quo speraui, quē dilexi, & colui. Surrexit filius

VII

tuus, & magna eius, immo amplissima uirtute
generi humano succurrit. Qd' utiq; periisset, ni-
si pro eo ipso in crucis ara perire uoluisset. Surre-
xit, & exaltatus est, superatis hostibus trium-
phauit, & beatas animas secum abduxit. Cur est
ergo, q; modo, quum me hac maxima eorundē
hostium persecutione, tentatione, calumnia, ia-
ctatione periturum prospicias, aduersus eos nō
mouearis? Cur est, q; uultus tui imagine obsi-
gnatam animam perdendam uelis? Cur paten-
tissimas aures misericordiæ tuę illi nō porrigis?
Cur obsurdescis? Cur iaces? & tibi magnocū de-
decore insultari permittis? Non sum ego solus,
qui pereō, nō enim usq; adeo aduersa mihi mea
sors est, ut me miserum tantum, & calamitosum
efficiat. Est etiam tua hæc patria, quę non spiriti-
bus malignis solum uexata, sed potentissimis
impiorum armis concussa indies labare conspi-
citur. Nescio an iudicio tuo id fiat, uel optima
uoluntate, ut resipiscat populus tuus, qui fortas-
se nimium declinauit a recto. Sed si id in causa
fuerit optime Deus, ne ulterius sæui exaltando
inimicos tuos, qui gloriabundi suos late præte-
riisse fines conspiciuntur. Sed extende manus
tuas, disturba progressus eorū, ne ii, qui sanctū
numen tuum coluerūt, innocui; una cum delin-

quētibz magna cum ignominia pereant. Nāq;
si eos amplius exaltaueris, uereor ne deinceps
populus tuus electus extolli non possit. Cuius
ni rationem habere uolueris, tui ipsius saltē me
mineris. Qui per prophetarum oracula, & poten
tissimorū Regum exempla id ipsum, quod sup
plico, docuisti. Quare te iterū precor, & deprecor.
EXVRGE DOMINE DEVS MEVS
IN PRECEPTO, QVOD MANDASTI
ET SYNAGOGA POPVLORVM CIR
CVMDABIT TE.

STATVISTI Etenim (& ita locutus es) ut
pereant gentes, quæ bella uellent, & qui nollēt
benedictionē, malediceretur illis. Mādaſti patri
bus nostris, ut lumen ueritatis agnoscerent, &
eorum animæ de ferarum, ac hominū manibus
redimerentur. Et quicumq; humanum sangui
nem effudisset, eius etiam magna cum solutio
nis usura sanguis effunderetur. Quoniā & esset
& diceretur homo ad tuam imaginem procrea
tus. Benedixisti Abræ, & sicut stellas celi semē
eius propagari iussisti. Credidit, & fructum iu
sticiæ reportauit. Hæc uelim rememores Domi
ne, sapiusq; mente reuoluas, & populo tuo refri
gerium, & respirationem condones. Iam enim sa
tis spiritu, & carne uexatus est. Iam satis pertur

bationum stimulis agitatus, comprobata iam
 esse potest fides eius, & puritas. Iam satis superq;
 cruor eius effusus est, quo terra maduit, & ue-
 luti effluxo flumine irrigata est. Quoniam igitur, aut
 quomodo dabitur, ut fidelium animas de manu ho-
 stium eximas? Vbi felix, & ampla eorum sobo-
 les, quæ longe, lateq; promissam illi terram in-
 habitet? Exurge igitur, & antiquas sanctiones
 observa. Nam hic certe modus erit, & uia, qua
 non hostes tui amplius inuenientur. Factus erit
 grex unus, congregatio una sub te unico, & sin-
 gulari animarum pastore. Sic enim purgatus mun-
 dus, ac in decorem pristinum restitutus lætabi-
 tur, neq; amplius caligabit, dissensionum om-
 nium, & miseriarum immunis. Peribit populo-
 rum, & gentium synagoga. Malignorum spiri-
 tuum acies, & robur deficiet. surget ecclesia, mea
 expurgata anima conquietetur, & laudabitur no-
 men tuum in uniuersa terra. Circundabunt te
 omnes nationes, & in circuitu mensæ tuæ exul-
 tabunt ouantes. Vbi & iustitiæ, & pietatis pabu-
 lo satiata nihil ultra pro felici statu requirent.
 Cuius gratia tuus in terram demissus est filius:
 Ea ipsa ecclesia nunc est, quæ te orat, & obsecrat,
 ut posteaq; beneficentiæ culmine, eius, aut alte-
 rius culpa decideris, ad id denuo reuertaris, ut

salua, tutaq; fiat, & a te despecta minime uideatur. Quam quum mecū ipse considero, de seipsa loquentē meis in auribus sic intonare intelligo. **ET PROPTER HANC IN ALTVM REGREDERE. DOMINVS IUDICAT POPVLOS.**

QVASI Dicat, & propter hanc. i. meipsam, quam ueluti rem non meam præ amaritudine animæ, sed alienam existimo: propter hanc inq; Ecclesiam in altum regredere Domine. Quoniā satis a multitudine miserationum tuarum declinare iam uisus es, ad summam liberalitatē tuam reuertere, super me largas misericordiæ manus extende. Ne iaceas amplius, sed surgas, & me de profundo miseriæ ereptum in supremo iucunditatis gradu constituas. Quid enim proderit filii tui sanguine me redimi uoluisse, si solo nuntio modo, qui potes, me saluam fieri nolis. Reuoca cursum tuum, amoue persecutiones, pacē restitue, seruæ tuæ consule, redde illi lætitiā salutaris tui. Dominus etenim populos recta ratione diiudicat. Nō dixit. Tu qui es Dominus, habes populos iudicare. Sed Dominus iudicat populos: Vt ex ea absolutalocquendi forma daret intelligi te uerum, & optimum Dominum neq; esse, neq; merito appellari debere, nisi p iustitiæ exa,

VII

mine populos iudicare uolueris. Quí quidé quū
 in præceptis eant quotidie, hostium iniquitate,
 & impetu, iusto tuo iudicio, & opera indigere
 conspiciuntur. Si enim recte illos iudicaueris,
 secernes lucem a tenebris, a nigro candidum, pu-
 rum ab impuro, aurum a stercore optima ratio-
 ne distingues. Me ipsum hac in parte (ausim di-
 cere) nosco Domine, quoniam me, ut agnoscam
 sic statuere, & uelle uideris. Nosco populum tuū
 qui nimium certe conculcatur ab hostibus. Et
 quemadmodum illum me agnoscere sinis, ita ē
 tuo ordine, & imperio statuisti me in hunc iudi-
 cii optādi sermonem prorumpere. Iudica igitur
 Deus causam ecclesiæ tuæ.

**IUDICA ME SECVNDVM IVSTI-
 TIAM MEAM, ET SECVNDVM IN-
 NOCENTIAM MEAM SVPER ME.**

VIDE Intellige, iudica, & si iustus sum, iu-
 stitiam meam admitte. Nil aliud enim quero,
 aut opto, nisi ut adhibeas oculos, mentemq; tuā
 in me dirigas, & iustitiam administres. Innocēs
 enim sum eius criminis, quod mihi magna cum
 fraude obieciarunt hostes acerrimi. Hac spe ui-
 uo, hac expectatione subsisto: hoc solo præsidio
 lætor, & foueor. Iudica, & iuste sententiam pro-
 fer, quoniam nequaquam timeo. Sed si iudiciū

forte distuleris, non timebo solum, sed etiā expa-
uescam truces hostium manus, dirissima tenta-
menta dolorum, intolerabiles cruciatus, supre-
mum utriusq; uitæ excidium. Hoc enim pacto
si recta iudicii lance, tam meam, quam reip. tuę
causam discusseris.

CONSUMETVR NEQVITIA PEC-
CATORVM, ET IVSTVM DIRIGES
SCRVTANS CORDA, ET RENES
DEVS.

FINEM Suum habebit iniquitas, cessabit
immanis impetus, perfidia destruetur, facesset
dolus, abibit iniuria, subtrahetur seruitus, tyrā-
nis protinus auferetur. Pro quibus iustitiæ inte-
gritas, iustorum erectio, fidelium exaltatio, iustū
imperium, optimus uiuendi modus, & ipsa de-
niq; beatitudo succedet. Cuius certe author eris
tu solus Domine, qui cordiū sinus, & anfractus
pro arbitrio lustras, & conspicias. Qui calētes ho-
minum renes, sanguinolentas medullas, abdi-
tos cogitatus disquiris, & penetras. Ad ueritatis
comprobationem non indiges testibus. Tibi est
pro uoluntate ratio, pro ratione uoluntas. Quo-
niam hæc semper est recta, & nunquam nisi ad
iudicii æquitatem inflectitur. Adiua igitur, &
magna ope succurre. Quoniam.

VII

IUSTVM ADIVTORIVM MEVM A
DOMINO, QVI SALVOS FACIT RE
CTOS CORDE.

NON Enim aliunde mihi sperandum pu
to, q̄ a te, qui mihi uetus es Deus & Dominus.
Nam scriptum est, maledictus homo, qui confi
dit in homine. Nulla uirtus nostra, aut facultas
est tanta, ut de ipsa quicquam sine te nobis pol
liceri possimus. Tua enim uera, & communis
est omnium uirtus, uera potestas, uerum, atq;
iustum imperium. Nostræ etenim uires sunt po
tius infirmitates, ditiones nostræ uanæ sunt.
& potius miseræ seruitutes. laetanda est ideo glo
ria nostra in te, qui uera, & perennis es gloria.
In te cogitatus nostri clauo pœnitentiæ configē
di, ut inde omne adiutorium, & leuamen acci
piat anima. Auxiliares opes a te, ideo iustas expe
rimus, non quoniam ipsi iusti simus (q̄ in pecca
tis uiuimus, & orti sumus, ut nosti) sed ideo iu
stas illas uocamus, quoniam secundum legem
misericordiæ tuæ, quibus statuisti miseris mor
talibus suffragari, eas p̄stare soles. Tuum enim
semper sanctissimum institutū fuit, ubi aliquā,
licet exiguam, rectitudinem cordis inueneris,
salutare tuum numen infundere. Modicus sanc
tibi sufficit locus ubi resideas, modica rectitudo

tux amplissimæ diuinitatis est capax. Sincerita-
tis punctum totus inhabitas, totus dum ample-
xaris alios, ipse comprehenderis, bonitatis tuæ,
& felicitatis profusor. Cuinam in hunc modum
in te sperare non liceat? Vnde in tanto perturba-
tionum cōflictu subsidium capiat, atq; respiret
dummodo non de terræ fructibus, more chain,
sed de primogenitis gregis sui, & cordis adipe
(ut abel) tibi offerat munera? Diligis enim lon-
ge magis paululum iusti candoris, q̄ lautissimū
sacrificium. Intus est, quod respicis. Quæ foris
sunt, aut negligis, aut conuiuere uideris. Hoc
est, quod me solatur, & animat, quia non sum
usq; adeo mei nescius, ut nō uideam fidelitatem
animæ meæ.

AT QVONIAM inimici mei iniuste me
odio, & infamia prosequuntur, nisi emendauerint
se, iustitiæ tuæ tela (ut spero) persentient, q̄ ini-
quitates eorum, & inueterata scelera ulterius fer-
re non possis.

DEVS IVDIX IVSTVS, FORTIS;
ET PATIENS. NVNQV ID IRASCI-
TVR PER SINGVLOS DIES.

LICET Enim iudicium differat, lentoq;
gradu ad uindictam diuina procedat ira, omne
tamen eius tarditatem perseverantia malorum

VII

perfringit. Fortis est Deus, quia in iustitiæ proposito pmanet, neq; ullatenus sententiã mutat, nisi peccator nouerit in melius animũ cõmutare. Patitur, tolerat, expectat, ut conuertatur, & redimat se de manibus inimicorum suorũ. Sed quum obduratione cordis in deterius elabatur, iustas illi ultiones infligit, & quotidie iracundię iacula torquet, ut se Deũ ostendat. Nõne etenim per singulos dies irãsci conspectus est? Nonne obeccauit sanonem? Holoferni caput abscidit? Pharaonẽ aquis absumpsit? Goliã sustulit? Herodem pediculari morbo cõfecit. Aegiptum septem plagis afflixit. Sodomam, & Gomorrã inuertit? Super uniuersam terram diluuium aquarum demisit? Hebręorum gentes percussit, ac uagari statuit, capta & afflicta Hierusalem? Iratus est sæpius, iræq; suæ signa dedit iustissima, quibus orbem perterruit. Ita etiam in hac maxima christianarũ rerum necessitate speradum est, immodertissime confidendum in hostes gladium suæ potentix conuersurum. Vbi & communis fidelium persecutio, & intestina hac tentatio auferatur a me: quem inter alios maxime iaculatur. Ad quos quidem duræ ceruicis, & inueteratos diebus malis homines, aut potius hominũ umbras sermonem meum conuerto.

NISI CONVERSI FVERITIS : GLA
DIVM SVVM VIBRAVIT . ARCV
SVVM TETENDIT , ET PARAVIT
ILLVM .

O MALIGNI Spiritus, rabidissimæ gen
tes, & populi iudicium magnum, & ruinam vo
bis annuncio, nisi ad dominum conuertamini.
Annuncio infelicissimum diem, quoniam ipse
mihi hanc sententiã suggerit, & gladium acu
tum ostendit, sæpiusq; vibrauit, ut paulopost se
illū uestro sanguine diluturum vobis indiceret,
& nosceretis furentius, q̃ unquam alias, in vos
armis pro uestris demeritis scuturū. Prostravit
Caldeorum Regem, Amorreorum exercitus
fregit, Moabitarum vires attriuit, superbam Ba
bilonem destruxit, Hierosolimam sæpius castiga
uit. Latissima, & vetustissima subuertit im
peria. Et vos uestrorum scelerum creditis futu
ros impunes? Tetendit arcum, atq; ita illum te
tendit, ut magis certe non posset. Paravit illum
furore plenus, plenus incendio, quo supremum
omnibus excidium interminatus.
ET IN EO PARAVIT VASA MOR
TIS. SAGITTAS ARDENTIBVS
EFFECIT.

STATVIT Enim uasa, mortibus liquore

VII

plena, ubi sagittæ intinctæ in obstinatos acriter dirigerentur. Mortis uasibus, non uitæ potari debent, qui non sapientiæ, sanctiq; spiritus, sed ignominia, & insolentiæ uasa effici uoluerunt, plena maculis, plena ludibrio, lutosa, fragilia, cōspurcata, ubi nullus odor esset inuentus. In eo, non arcu, sed homines. per illū parata sunt uasa mortis. Qui temerario ausu animam meam persequitur, & quærit p̄m fideiū cultum, ac religionē disperdere. Sagittas suas ardentibus odio, & perfidia fabricauit, non aliis, qui integro pietatis moderamine uitam egere. Ardentibus, tāq; ardentia fulmina, ignita iacula debebātur. Quibus impius extinguere ignis, quo facile totius orbis pietas cōflagrasset. Signa complura dedit Deus ab alto, sæpenumero furoris sui protulit ultiones. Et tamen impius ecclesiæ persecutor p̄cedente tempore nūquam expauit, sed quotidie in deteriora delabatur.

ECCE PARTVRIT INIUSTITIAM;
CONCEPIT DOLOREM, ET PEPE-
RIT INIQUITATEM.

IN DIES Noua parturit, atq; confingit machinamenta malorum. Iniustitias concipit, & dolores. Non enim sua tantum malignitate lætatur, ut dolore careat intestiō. Immo excrucia

tur assidue, suoq; liuore affligitur, atq; consumitur: Dumq; prauos, & execrabiles fetus conceperit, dira iniquitatum uenena parit, quibus totū terrarum orbem inficiat.

LACVM APERVIT, ET EFFODIT.
EVM ET INCIDIT IN FOVEAM,
QVAM FECIT:

MISERIARVM Lacum, & pelagus aperuit & procurauit. Sed ipse miserrimus indies absorbetur ab eo, neq; absumentur unquam in criminis ultionem. Foueam, in qua Christiana iaceret religio, sollicitauit, ppriis effodit manibus: Sed in eadem temulētus, & furens ipse incidit, & nō incidisse putat suę cōditionis ignarus, fouea hęc perditionis, & exitii est, quam nemo ueræ uitæ cupidus, alteri procurauit. Pulchra quidem, & laudabilis ea est poena, quę cum eo ipso delicto coniuncta est. Neq; etenim iustius, aut uerius quisq; corrigi, mulctariq; potest, q̃ quum eo actu quo alios infestare cupit, affligitur, & incaute perit. Enimuero iustus Deus, qui bonis, & iustis ex instituto non opitulari non potest, illudet illi.

CONVERTETVR DOLOR EIVS IN
CAPVT EIVS, ET IN VERTICEM
IPSIUS INIQVITAS EIVS DE
SCENDET.

VII

NON Enim differre consuevit iudiciam
Deus, quū exerceuit iniquitas. Inimici dolor, &
seuitia suum paulopost ipso authore cōuertetur
in caput, q̄ nequaquā doloris culmine nostra affi-
cienda sunt capita, quæ nunquā a puritate fidei re-
cesserunt. Sed eius perfidissimum ita mulctan-
dū est caput, ut emeritas doli, & fraudis colluat
pœnas. In cuius etiā uerticē propria eius iniqui-
tas decadat, ut unde traxit originē, ibidem punia-
tur. Sedes. n. rationis caput esse describitur, in
qua tam bona, q̄ mala consilia componuntur, in
capite plures cōnumeratæ sunt uires, inter quas
quū ratio principatum obtineat, uerticis nomi-
ne merito quidē uocabitur. Quæ quū suum sibi
annexū habuerit appetitum, merore cōficietur,
& desperatione perenni affecta nunquā amplius
audebit in fidelem tuā cōgregationē insurgere.
De spiritus hoste loquor, & corporis, terrenæq̄
conditionis impio crassatore. Qui non cessat assi-
due truces in nos manus extendere, & humano
sanguine uesci. Vterq̄ horū quum fuerit diuina
ultione correptus:

CONFITEBOR DOMINO SECVN-
DVM IVSTITIAM EIVS, ET PSAL-
LAM NOMINI DOMINI ALTISSIMI

ITA Enim illi gratias agere potero, & debe

bo prædicans iustitiæ illius amplitudinem. Con-
fitebor immortale beneficium ab eo salutis acce-
ptum, solum cum uere probū, & iustum iudicē,
immo ipsam iustitiam prædicabo, non desinā in-
numeras eius laudes cōmemorare. Dolebo non
tanti esse, ut possim merita eius p̄conia celebrare.
Enitar totis animi uiribus supplere, quæ ore
explicari non poterunt. Psallam corde nomi-
ni Dei altissimi. Quod est super omne nomen,
psallam, & exultabo in dies liber a tanto maloꝝ
pondere. Et deiecta duræ, qua p̄mor, insectatio-
nis sarcina gloriabor. Gaudebit mundus, lætabi-
tur omnis spiritus, & laudabit illū magnificans
uictoriam eius, iustitiam, atq; triumphum.

QVAMOBREM (Vt futurum spero) te
obsecro Domine, cui humillimas preces effun-
do, ut quod peto, fieri uelis, & statuas. Qui uiuis
& regnas Deus cū unigenito omnium sæculorū
principe, almoq; spiritu in sempiternum Amen.

Impressum Romæ in Campo Flore per Magi-
strum Marcellum Silber als Franck Anno Dñi
M. D. XXIII. quinto Idus Iulii. Pontificatus
S. D. N. Adriani Pape. vi. Anno Primo.



